

# نوراة

رواية

مرثمة محي الدين

دار بيوند للنشر والتوزيع

# دار بيوند للنشر والتوزيع



الطبعة الأولى

الكتاب: نواراة

المؤلف: ريهام محى الدين

تصنيف الكتاب: رواية

تصميم الغلاف: محمد علي

إخراج الداخلي: صبرينة غلمي

المقاس: 14\*20

رقم الإيداع: 2017 / 29129

الترقيم الدولي: 978-977-6645-03-5

رئيس مجلس الإدارة

محمد عز الدين

المدير العام

صبرينة غلمي

All Rights Reserved

Beyond for Publishing and Distribution

+2 01095600007

beyond.dbh@gmail.com

www.facebook.com/beyond.PDH

جميع الحقوق محفوظة للمؤلف وللدار النشر

# إهداء

- إلى من كانت العون والسند.. هي الابتسامة التي تملأ حياتي فرحًا بارك الله في

عمرك يا أعلي البشر.. إلى أمي

- إلى مصدر ابتسامتي وقوتي.. أشقائي الأحباء رضوى.. رنا.. محمد.. محمود

- إلى حصن الأمان.. مَنْ ملك القلب والوجدان، إلى زوجي الحبيب

- إلى الزهور التي أينعت في حياتي.. رودينا وأنس وعلي

- إلى أصدقائي الذين طالما ساندوني ميرا.. نيمو.. زوزو.. بوسي.. محمد هجام

إلى جروب أوراق الرائع الذي كان نافذة، أطل بها على العالم الرحب وأتمني له

وللجميع حياة سعيدة..

هذه الرواية تدور احداثها حول شخصية  
حقيقية حدث معها كل ما نتناوله وأكثر

نهار مشمس يجعل السماء تظهر أكثر لونها الأزرق الجذاب، والطيور بصوتها العذب وكأنها تعزف الموسيقى المفضلة لدي نواره، الأزهار متفتحة والأشجار تملأ كومبوند الأحلام.

تقف نواره وهي فتاة تبلغ من العمر سبعة عشر عامًا، يداعبها الهواء ويطيير خصلات شعرها البني، وتزيد أشعة الشمس بريق عينيها العسليتين، وتمنحها جمالاً على جمالها، تحمل بيدها الصغيرة بعضاً من الزهور، التي تستمد من رائحتها العطرة طاقتها، وتتأمل جمال الطبيعة، فهي فتاة تعشق الطبيعة تعتبرها صديقتها المفضلة، كثيراً ما تجلس بحديقة منزلها بالساعات؛ تتأمل وتحكي للأشجار ما حدث لها في يومها

وبينما هي هائمة بجمال الطبيعة؛ إذ بيد كبيرة تعانق يدها،

وصوت حنون قائلاً: حبيبتي افتدك كثيراً...

نظرت إليه نواره؛ واتسعت شفتاها من الابتسامة،

وعانقته بفرحه قائلة: بابا وأنا كمان....

كانت نواره شديدة التعلق بوالدها، فهو بمثابة الأب والأخ والصديق والحبيب، برغم وجود أخوه أخرى لها إلا أن نواره تحتل عرش قلب والدها....

تنظر من بعيد، مديحة الأم وتبتسم قائلة: أيوه مش هنخلص احنا من دلحك لنواره ده يا محمد.

ابتسم محمد ابتسامته المعهودة ثم أمسك بيدي نواره وقال: أيوه وأنتوا مش هتبتلوا تحسدونا، يلا يا نونو يا حبيبة بابا ندخل نشوف ماما عملتلنا أكل أيه، وكمان أوريكي أنا جيتلك معايا أيه..

ضحكت مديحة وقالت: ماشي أنا هسكت أهو، ربنا يخليك لنا يا محمد وتعيش  
وتدلع البيت كله...

أخذ محمد نواره ودخلا سويا المنزل، وخلع محمد حذاءه بمساعدة نواره، فهي  
اعتادت على فعل ذلك منذ الصغر...

وبعدها اتجه محمد نحو غرفته؛ ليبدل ثيابه حتى يجتمع الجميع على مائدة  
الطعام

يجلس كل من الأم مديحة ونرمين الأخت الكبرى، يليها مازن ثم محمود ثم  
نواره في انتظار محمد، وعند قدوم محمد قامت نواره بشقاوة وقالت: أتأخرت ليه  
كده يا بابا كل ده بتغير، أنا جعانة ومستنيك....

ابتسم الأب وجلس قائلاً: خلاص أنا جيت أهو يا حبيبة بابا، وجايبلك كمان  
حاجة بتحببها أوووي، بس بعد الأكل هدية لك...

حينها تحدث محمود: أيوه يا بابا نواره هي اللي في القلب، طب واحنا بقي؟؟

ابتسم محمد: لا يا حبيبي أنتوا كلكم حبايب قلبي...

كل منهم كان به ما يميزه. محمود من أجمل سماته الطيبة والحنان، ومازن  
الرجولة،

ونرمين الجمال والحنان وروح الفكاهة، ونواره بها كل ما سبق، تجمع كل  
هذه السمات.

## في شارع الأهرام عمارة رقم (7) شقة (12)

يجلس مصطفى في المكتب؛ يرتب كل أدواته، قام عادل بأخذ كتاب الكيمياء وألقاه أرضاً.

صرخ بوجه مصطفى: يا ماما يا ماما تعالَى شوفي أبْنك ده، هيجنني مش مخليني عارف أذاكر خالص، هو يعني عشان فاشل عاوزني أبقي زيّه، فزعت تحية لصراخ مصطفى، وأسرعت متجهةً إلى غرفة الأبْن وانهالت هي الأخرى بالسب والصراخ، لعادل قائلةً: بطل فشل يا عادل أنت فاشل، وعرفنا ورضينا لكن سيب أخوك يذاكر، أنت خنقتنا محدش بقى عارف يتعامل معاك...

عادل: بقولك أيه يا ولية أنتِ خليكِ في الأكل اللي بتعمليه.

تحية بانفعال: أنت يا ض أنت عمرك ما هتتكلم بأدب، ماشي لما يجي أبوك أكيد هيبقي ليه كلام تاني معاك.

نظر إليها مستهزئ بحديثها وتركها وذهب مع أصدقائه.

وبعد رحيله اتجهت تحية نحو مصطفى لتواسيه، وتهون ما فعله عادل وضعت يدها على يده

وقالت: معلى يا حبيبي هو واد ضايع وفاضل، متضايقش وكمل أنت مذاكرة.

مصطفى: ما هو ده اللي أنتِ فالحة فيه يا اختي، هو يضايقتني وتيجي أنتِ تقوليلي الكلمتين دول ماشي...

تحية: تصدق يا ض يا مصطفى أنا غلطانة أني براضيك، أنتوا الاتنين أصلاً ما تربتوش

رد الآخر وهو يضحك: يا اختي ما أنتِ اللي ربّتنا يعني الغلط فيك، نظرت له باستياء وذهبت

### في منزل نواره

بعد تناول الغداء جلست نواره بجوار والدها تسرد له ما حدث في يومها..

عارف يا بابا انهارده واحنا في المدرسة جيبي ندهت علنا، وقالتلي ايه رأيك نخرج بعد المدرسة

قولتلها لا كده هنتأخر، وأنا مقولتش لبابا اني هتأخر.. ردت وقالتلي يا بنتي وأيه المشكلة، قوليله أي حاجة، قوليله أخذنا حصة زيادة. قولتلها لا أنا متعودش أكذب على بابا، وبحكيله كل حاجة واحنا خارجين بقي من المدرسة، لقيت أيمن واقف بره المدرسة رocht عملت نفسي مش شيفاه ومشيت وسيبته.

نظر محمد وهو مبتسم وقال:.....

مازن ومحمود خارج المنزل، وكل منهما يقف ومعه أصدقائه

ينظر محمود خلفه ليري أمامه وعد:

هي فتاة في العشرينات من عمرها، جمالها يصعب وصفه بالكلمات، عيونها زرقاء بلون البحر الصافي، وشعرها البني الفاتح، ونضارة وجهها ورقتها لا يوجد لها مثيل.

وحين رآها نظر نحوها بغضب وقال: أنا مش قولتلك كذا مرة ما تخرجيش من غير ما تقوليلي أتفاجئ بيكي كده.

نظرت إليه بحنان: أعمل أيه يا محمود سمعت صوتكم، وصوت طارق وصوتك وأنت واحشني، قولت اطلع أشوفك، وبعدين يا حبيبي هو أنا خرجت بره الكوموند؟؟؟

بدأ يهدأ ثم قال: وعد أنتِ عارفة كويس أني بغير عنكِ جدًا- ومحبش أبدًا أشوف حد بيبصلك ولا حد أصلا يشوفك.

وعد: طب أعملك أيه بتوحشني، شوفلك حل أشوفك أنا ازاي من غير ما أخرج، والناس تشوفني.

نظر إليها مبتسمًا: هانت يا حبيبتي كلها سنتين واتخرج؛ واتقدملك ونبقي مع بعض على طول، وبعدين هبقى أجيلك كل أسبوع بحجة إنني جاي اقعد مع معتز أخوك اتفقنا.

ابتسمت وقالت: اتفقنا يا حبيبي بس أنت ناسي أني بنزل الجامعة ولا دية كمان مش عاوزني أروحها؟؟

محمود: يا ريت يا وعد متنزليش، يعني حاولي تنزلي أيام الامتحانات بس، وأبقي كلمي أي حد من صحابك، وخدي منه المحاضرات المهمة.

وعد: حاضر يا محمود هعمل اللي يريحك أعمل أيه بحبك ومبقدرش أزعلك.

محمود: وأنا بحبك وبحب حبك يا قمري

## في منزل محمد

الحديث مازال مستمر بين نواره ومحمد..

نظر محمد وقال: عارفة يا نورتي أكثر حاجة بحبها فيك أيه؟؟؟

نواره وهي بتضحك: طبعاً عارفة يا حبيبي يا بابا

أكثر حاجة بتحبها فيا، أني مبخافش وأنى بحكيلك كل حاجة، بس عارف يا بابا أنا ليه مش بخاف، وبحكيلك كل حاجة؟؟

ضحك الأب قائلاً: عارف بس عاوزك أنتِ تقوليلي.

نواره: عشان يا بابا أنت ربنا على أننا لو خوفنا نحكي أو نقول، يبقى احنا كده بنعمل حاجة غلط، واللي بيعمل غلط بيخاف يتكلم أو يخاف حد يشوفه.

ابتسم محمد وأخذها بين ذراعيه وقال: صح يا حبيبتى ربنا يباركلي فيك، وتبقى دايماً أحسن الناس.

مازن يمشي متباهياً بنفسه ويتحدث بهاتفه، وظهرت أمامه سماح وقالت: طبعاً بتتكلم في التليفون، ولا على بالك وناسي الناس اللي مدية معاد وقاعدين مستنيينك.

أغلق مازن الهاتف ونظر لها وهو يضحك: لا والله يا حبيبي أنا أقدر أسيبك برضو ولا أنساك، ده أنا كان بس عندي مشكلة كده وخلصتها خلاص.

نظرت إليه وهي تشعر بعدم مصداقيته: ماشي هصدقك وهدعية بمزاجي، بس أنا عارفاك كويس يا مازن؛ تلاقيك كنت مع واحده من البنات اللي تعرفهم.

ضحك وقال: بس أنتِ اللي في القلب يا سماح، ما أنتِ عارفة يا حبيبتِي.

سماح: نفسي أصدقك يا مازن، نفسي فعلا تكون بتحبني زي ما بتقول.

مازن: والله بحبك يا سماح ازاي مش قادرة تصدقي، بس بقولك أيه أنتِ وحشاني أوووي ما تجيبي بوسة..

سماح: هنا يا مازن أنتَ بتهزر.

مازن: وفيها أيه بس محدش موجود بسرعة... واقترب منها واختطف قبله من خدها.

وأمسك بيدها وذهبا معا، وركبا السيارة: يلا يا حبيبتِي هخرجك في مكان جامد.

مدحت الأخ الأكبر لمصطفى وعادل

يقف أمام العمارة ويدخن مع زملائه، ويقومون بمضايقة الفتيات...

ولكن سرعان ما شعر مدحت بالملل؛ فاقترح على زميل له يدعي مجدي أن يذهبا سوياً إلى أقرب ديسكو، وافق الآخر وبالفعل اتجها نحو الديسكو، وعند وصولهما اتجها نحو البار، وظلا يحتسيان الخمر حتى جاءت فتاة، حين رآها مدحت أعجبته ذهب نحوها وقال: بقولك أيه ما تيجي معايا

نظرت إليه باشمئزاز قائلةً: أجي معاك أنتَ يا عم روح بص لنفسك، أنا لا يمكن أجي مع واحد زيك، أيه القرف ده.

اقترب منها وعينه مليئة بالشر: أنتِ ازاي يا حقيرة أنتِ تتكلمي معايا كده،  
واحده زيك تاخذ فلوس ومنتكلمش...

أمسكه مجدي من يده ثم قال: يلا نمشي يا مدحت وكفاية فضايح.

أبعد مدحت يد مجدي، وأمسك بزجاجة من أمامه، وفي أقل من لحظة اتجه  
نحوه جموع الشباب، وأمسكوه حتى تتمكن الشرطة منه.

وفي قسم الشرطة:

كان الضابط ممدوح يجلس على مكتبه، وأمامه مدحت يقوم باستجوابه:

س: أنتِ أيه اللي خلاك تعمل كده، تفتكر أي حاجة تستاهل أنك تخسر  
مستقبلك؟؟

نظر إليه مدحت بتعجب: هو حضرتك بتسالني أنا؟؟

ممدوح: أيوه بسألك أنتِ هو في حد غيرك في المكتب؟؟

مدحت: لا مفيش بس أنا فاكر إن حضرتك هتنداهلي اتنين يضربوني، وهاتك  
يا تهزيق فيا ما توقعتش أبدًا أن حضرتك تكلمني بالأسلوب ده، والإجابة على  
سؤال حضرتك أيوه، أنا أصلا ما ليش مستقبل، ومحدث مهتم بيبا، وأهلي كل  
واحد فيهم في وادي، ومحدث فينا بيحب الثاني عرفت بقي حضرتك الإجابة.

ممدوح: حتى لو زي ما بتقول مش مبرر أنك تتضيع نفسك، لو محدش  
بيحبك حب أنتِ نفسك أعمل لنفسك مكانة ومركز، خلي شخصيتك تجبر اللي  
حوالك يحبك، ولو حتى محبكش يحترمك.

مدحت باستغراب شديد وتعجب: هو ازاي حضرتك بتتعامل معايا كده؟؟

ممدوح بابتسامة: بسيطة جدا لأنني كنت في يوم من الأيام كاره حياتي،  
وكاره كل حاجة وأديك شايف أهو أنا دلوقتي ازاي...

مدحت: متشكر جدًا لحضرتك، أوعدك أنني هحاول أعمل بنصيحتك، بس أنا  
موقفي أيه دلوقتي؟؟

ممدوح: احنا هندفع للبننت دية فلوس، ونخليها تتنازل عن المحضر وأنت  
تمشي ومش عاوز أشوفك هنا تاني تمام.

### يوم الخميس الساعة التاسعة صباحًا بجامعة القاهرة

تجلس نرمين مع مجموعة من أصدقائها يناقشون محاضرة الاجتماع وظهر  
حمدي....

وعندما رآته نرمين، وقفت واستأذنت من البنات، واقتربت منه وقالت: حمدي  
أزيك عامل أيه محضرتش المحاضرة ليه؟؟

حمدي بحزن: مفيش يا نرمين أبويا تعب أوي بالليل ونقلناه المستشفى، ويا  
دوب نام واطمنت عليه، سيبتته وجيت معلش يا حبيبتي أنا عارف أنك قلقتي  
مكنش قصدي أقلقك.

نرمين بحب: محصلش حاجة يا حبيبي المهم أن عمو بيقى كويس، ونظمن  
عليه، أنا نقلتك المحاضرة، وممكن كمان ماتحضرش المحاضرة اللي جاية  
أنا هحضرها وانقلها لك، روح أنت خليك مع عمو.

حمدي: لا يا حبيبتي أنا خلاص جيت، وبعدين تهامي قاعد معاه هحضر معاكي المحاضرات؛ وبعدها هطلع على المستشفى وهبات معاه، واقعد معاه جمعة وسبت إن شاء الله.

المهم طمنيني عليكِ أنتِ عامله أيه، ونواره ومازن ومحمود وعم محمد حبيبي؟؟

نرمين: الحمد لله يا حبيبي كلهم كويسين، ونواره بتسلم عليكِ وعمك محمد كان مستنيك بكره، بس خلاص يا حبيبي أنا هقوله على تعب عمو عشان كمان نيحي نزوره.

حمدي: لا يا حبيبتي أنتِ هتتعبني عم محمد ليه بس، هو إن شاء الله هيبقي كويس.

بقولك أيه يا نرمو أنا شفت شقة من كام يوم وعاوزك تشوفيها، بصي يومين كده ونتقابل وهاتي محمود معاكي، ولو مش هنتعب عم محمد خليه يجيي معاكي.

نرمين بفرحه: بجد يا حمدي خلاص أخيراً بعد ثلاث سنين خطوبة،

ابتسم حمدي وأمسك يدها قبلها وقال: اه يا حبيبتي خلاص أخيراً إن شاء الله مش هتعدني السنة دية غير لما نبقي مع بعض في بيت واحد

في كلية اعلام الساعة الثانية ظهرًا

وعد وهدير تمشيان سويا بعد انتهاء الامتحان

وكانت وعد تحاول أن تمشي مسرعة

تعجبت هدير من سرعتها وسألتها: أياه يا بنتي مالك مستعجلة كده ليه، هو  
احنا مش هنقعد نأكل حاجة ونقعد مع العيال شويه؟؟

وعد: لا يا هدير مش هقدر خالص، أنا نزلت انهارده عشان الامتحان لكن  
مش هنزل تاني غير بقي على امتحان التيرم.

هدير باستغراب: ليه بقي إن شاء الله؟؟

وعد: عشان محمود ببيغير ومش عاوزني أنزل خالص، وأنا بحبه ومحبش  
أزعله أنت عارفة

هدير باستهزاء: أنت يا بنتي هتجنيني، أنا بجد بستغرب عبطك ده، أنت ما  
لكيش شخصية خالص، أنت ازاي كده.

نظرت إليها وعد، وهي منفعلة من حديثها

وقالت: بقولك أياه يا هدير أنت عارفة أني باضايق لما بتتكلمي كده على  
محمود، أنا مش عارفة أنت ليه حطاه في دماغك كده وبتكرهيه

هدير: يا ستي وأنا هحطه في دماغي ليه، يعني أنا مالى اشبعي بيه وخليك  
كده هبلة طول عمرك.

وعد: مش مشكلة عاجبني أني هبلة طالما محمود بيحبني ومعايا، مش عاوزه  
حاجة تانية

ويلا بقي أنا هخرج خلاص وصلنا على الباب الرئيسي، وابقى سلميلي على  
العيال .....

نواره في المنزل تقوم بدراسة علم النفس ممسكةً القلم في يدها، وبجانبها دي في دي وتستمع لعبد الحليم 'جواب'

ومعها كوب النسكافيه، وكانت الساعة حوالي الرابعة عصرًا

موعد رجوع نرمين

بينما تستمع نواره للأغنية إذا بنرمين تقول: نواره أنا فرحانة أوي أوي

نواره بعد أن أغلقت الدي في دي: خير يا حبييتي في أيه؟؟

نرمين: حمدي قابلني انهارده في الكلية، وقالي إنه خلاص شاف شقة، وقالي أقول لبابا ولمحمود؛ عشان نشوفها مع بعض، وأنا أن شاء الله مش هتعدني السنة دية غير لما نكون متجوزين.

نواره بفرحة: بجد يا نرمو ألف مبروك يا حبييتي، ياااه أخيرًا، ده أنتو كنتوا قربتوا تخللوا الحمد لله أنه لقي شقه وبدأ يتحرك.

نرمين: بس في حاجة والده تعبان، وفي المستشفى أنا خايفة يحصله حاجة ووقتها هناجل تاني

نواره: إن شاء الله مش هيحصله حاجة يا نرمو، وبعدين هو تعب أمتي بس.

نرمين: تعب أمبارح ودخل المستشفى، وقولت لحمدي أننا المفروض نروح نزوره، قالي لا متعبيش عم محمد وهو إن شاء الله هيبقي كويس.

نواره: لا يا نرمو لازم تروحوا تزوروه ماينفعلش نبقي عارفين أنه في المستشفى ومحدث يروح، ده المفروض كلنا نروح نزوره.

نرمين باعجاب: عارفة بالرغم أنك أصغر واحده فينا، بس مخك يوزن بلد  
ورأيك دايمًا بيعجبني، وبتفهمني جدًّا في الأصول ما شاء الله عليك يا حبيبتي،  
المهم بقي سيبك مني وطمينيني عاملة أيه في الثانوية العامة.

نواره: أهو الحمد لله بذاكر، وربنا معايا في الامتحانات، نفسي أووي يا نرمو  
أدخل أقتصاد وعلوم سياسية.

نرمين: يارب يا حبيبتي تحققي كل اللي بتتمنيه، وإن شاء الله هتبقي أحسن  
الناس أنا واثقة.

نواره: يارب يا نرمو يارب.

وأثناء حديثهما جاءت مديحة، وقالت: خير يا بنات مش تفرحوني

نرمين: أصل حمدي أخيرًا لقي شقة يا ماما، وإن شاء الله نتجوز السنة دية.

مديحة: بجد سبحان الله الفرحة بيحي مرة واحدة ألف ميروك يا نرمين.

نواره: هو في أيه تاني يا ماما يفرح فرحيننا

نظرت مديحة لنواره وقالت: جالك عريس زي الفل، بصي بقي أحسن من  
الباقيين ألف مرة، مدرس في المدرسة ومعجب بيكي جدًّا يا نونو

نظرت إليها نواره بحزن: تاني يا ماما عريس تاني يا ماما، قولت لحضرتك  
كذا مرة أنا مبفكرش في الارتباط والجواز خالص، أنا عاوزة أكمل تعلمي  
واشتغل وأعمل لنفسي حاجة.

مديحة بغضب: وبعدين معاكي مش ممكن كده كل حاجة لا أنت يا بنتي كده  
غلط أي عريس يجبي ترفضيه 'من كتر خطابها بارت' أفضلي أنت اتنكي  
كده ومش هتلاقي حد يعبرك

نواره وهي تكاد أن تبكي: يا ماما أنتِ ليه مش حاسة بيبا أنا مش عاوزة، يا ماما مش عاوزة أتجوز ومن فضلك ما تقوليش كده تاني.

غضبت مديحة من رد نواره وأومات أن تنهرها، حينها جاء محمد وقال: في أيه يا مديحة متعصبة كده ليه؟؟

نظرت إليه وقالت: اسأل دلوعتك أنا تعبت معاها خالص البت دية،

نظر محمد تجاه نواره وسألها: في أيه يا نورتي

نواره والدموع في عينها: يا بابا حضرتك عارف أنني مبفكرش خالص في الارتباط والجواز، وماما كل يومين تقولي جالك عريس وز علانة مني عشان برفض.

محمد لمديحة: تعالي نخرج يا مديحة وسيبي البنات مع بعض

ونظر لنواره وقال: حبيبتي أنتِ كملتي مذاكرة، وماتفكريش في أي حاجة ماشي.

نواره بابتسامة: حاضر يا بابا ربنا يخليك ليا.

وخرج محمد ومديحة ودخلا غرفتهما، وقال محمد: في أيه يا مديحة مش قولتلك كذا مرة متتكلميش مع نواره في موضوع العرسان ده، بصي يا مديحة تعالي نتفق على حاجة، يا ريت متتكلميش معاها في أي حاجة من المواضيع دية قوليلي وأنا هتكلم معاها

مديحة بخوف وألم: يا محمد أنا خايفة عليها، وخايفة وقلقانة من رفضها الكثير ده، أمي كانت دايماً تقول: البنات بيجي عليها وقت ويتقدملها عرسان كثير، وبعدين ميبقاش في حد.

محمد: مديحة أرجوكي متتكلميش مع البننت في الموضوع ده تاني، وبلاش تحطي كلام والدتك ده في دماغك أوي كده، واللي مكتوب للبننت هتشوفه ومتقلقيش اتفقنا.

مديحة: اتفقنا يا محمد اللي تشوفه

محمد: أيوه أنت كده حبيبتني اللي بتسمع كلامي، يلا بقي حضري الأكل واندهي الولاد عشان ناكل مع بعض

مديحة: ماشي يا أبو نواره، بس الولاد مش كلهم هنا، مازن مش هنا مش عارفة هو فين.

محمد: خلاص نستناه لما يجي، أنا متعود أننا كلنا نتجمع على الأكل، وأنا هنام ولما يجي ويتجمعوا كلهم صحيني.

مديحة: ماشي يا حبيبي تصبح على خير.

## حديقة الأورمان

مازن ومايسة جالسان متشابكان الأيدي، ويقبل مازن يدها ويقول: حبيبة قلبي يا مايسة وحشتيني أوووي

مايسة بفرحة: بجد يا مازن أنا فعلا وحشتك، يعني مكنتش بتلعب بديلك في الفترة اللي كنت مسافرة فيها؟؟

مازن: أنا أقدر يا حبيبتني ألعب بديلي، ينفع حد يبقي معاه مايسة ويبص ولا يعرف غيرها.

مايسة: يا سلام عليك، أحسن واحد يتكلم، مع أني متأكد أنه تعرف بنات كثير.

مازن: أعرف أكيد بس أنت اللي في قلبي يا حبيبتني

ابتسمت وقالت: ماشي هصدقك

نظر مازن إلى ساعة يده وقال: الساعة بقت خمسة، أنا اتأخرت على البيت، وبابا كده مش هيتغدا لأنه بيحب نبقي كلنا متجمعين على الأكل، يلا بينا نمشي و هوصلك في سكتي.

مايسة: تعرف أنا بحسدك على والدك، بجد مشوقتش ولا هشوف زيه

مازن بغرور: طبعا يا بنتي مش أبويا.

مدحت بغرفته يغلق عليه بابيه جالساً على مكتبه، يضع رأسه بين يديه ويفكر في حديث الضابط ممدوح، وهو مشغول بتفكيره.. اقتحم عليه عادل عزلته وقال:

مدحت مالك في أيه قافل على نفسك ليه ومش قاعد معنا؟؟

مدحت: وده من أمتي الاهتمام ده، يا عادل من أمتي وفي حد في البيت ده بيهتم بالتاني ولا بيحترمه، هات من الآخر يا عادل أنت عاوز أيه؟؟

عادل: أحسن حاجة فيك أنك فاهمني يا مدحت، بقولك أيه أنا هدخل في الموضوع على طول، أنا عاوز خمسين جنيه، وهابقي أرجعها لك لما أنزل الشغل.

نظر مدحت بقرف وأخرج من محفظته خمسين جنيهه وألقاهم بوجهه،  
أخذها عادل منه وذهب.

## منزل محمد الساعة السادسة مساءً

العائلة كلها مجتمعة على مائدة الطعام

وبعد أن انتهوا من تناول طعامهم، استدعي محمد مازن قائلاً: مازن تعالِ أنا  
عاوزك

مازن: حاضر يا بابا هغسل أيدي وأجي حالا يا حبيبي

وبعد خمس دقائق ذهب مازن لوالده الغرفة، وقرع الباب ثم دلف قائلاً: أيوه  
يا حبيبي كنت عاوزني في أيه؟؟

محمد: مازن أنت بتتأخر كثير ليه الأيام دية.

مازن: مفيش والله يا بابا ما أنت عارف أبنيك محبوب، ببقى مع زمائلي  
والوقت بياخدني

ضحك محمد: زمالك برضو ولا البنات

يا مازن يا حبيبي أنا خايف عليك، اللي أنت فيه ده غلط ماينفعش كده، حرام  
تلعب بنات الناس، ترضي حد يعمل كده مع أخواتك

مازن عابس الوجه ويفكر، ثم قال: أخواتي ازاي يا بابا أنا أخواتي محترميين،  
ولا يمكن يعملوا كده، وبعدين يا بابا هما عارفين أنني بكلم بنات كثير، هما  
راضيين أنني أضحك عندهم كلهم، أصلاً مفيش ولا واحده فيهم تستاهل أنني

أحبها أو ارتبط بيها رسمي، يمكن الوحيدة اللي حسيتها بتحبنى فعلا، وحسيت معاها بحاجة 'سماح'

بس سابنتي أبوسها وأمسك أيدها وحاجات تانية، وأنا لايمكن اتجوز واحده سابنتي أبوسها ومغلتش نفسها، واحنا مفيش بينا أي ارتباط رسمي.

يبقي يا بابا ازاي ارتبط بيها؟

محمد: بص يا مازن أنا معاك أنه غلط أنها تسبيلك نفسها كده وما تحافظش على نفسها، بس هي عملت كده عشان بتحبك، ده من وجهة نظرها وخايفة على زعلك، وده برضو غلط.

بص يا بني كل اللي أقدر أقولها لك أنك بلاش تلعب ببنات الناس، وطالما شايفهم كلهم مايستهلوش أنك ترتبط بيهم؛ أبعد عنهم لغاية لما تلاقى واحده تستاهلك؛ لأنك لو فضلت كده متضمنش ربنا هيعاقبك ازاي، يا بني لأن ربنا ميرضاش باللي أنت بتعمله ده

مازن: أو عدك يا بابا أي هفكر في كلامك وهحاول أنفذه.

مش علوز مني أي حاجة تانية.

محمد: لا يا حبيبي خلي بالك من نفسك، وربنا يهديك نفسك..

محمود في منزل وعد يحتسي كوبًا من القهوة، بصحبة معتز الأخ الأكبر لوعد، وكانت الساعة السابعة مساءً، يتحدثان في أمور شتي وتراقب عين محمود من الحين للآخر؛ ليري وعد قادمة نحوه ومعها القليل من الكيك،

ترمق محمود بعينها وتقول في حنان: اتفضل يا محمود دوق بقي وقولي آيه رأيك في عمائل أيديا.

ابتسم محمود وأخذ الكيك وقال: أكيد طعمها حلو مش أنت اللي عملتها.

معتز: آيه يا عم محمود أنت بتعاكس أختي وأنا قاعد.

محمود بضحك: أنت هتمثل يا ض، ما أنت عارف آني بحب وعد وهخطبها بعد ما تخلص

ضحك معتز: يا عم بهزر هو مينفعش الواحد يهزر معاك.

محمود: هزر براحتك يا معتز بس المهم تسبني اتكلم شوية مع وعد ممكن.

معتز: ماشي يا حودة عاوزني أخلع يعني، طيب أنا هقعد على السفرة هنا جنبكم ومش هلمع أوكر.

ابتسم محمود وقال: ماشي متشكرين يا سيدي

وبعدها نظر لحبييته وقال: تعالى بقي أكيلى عملتي آيه في الجامعة انهارده؟؟

وعد: ولا حاجة يا حبيبي امتحنت، وبعد الامتحان مشيت على طول، وهدير كانت عاوزاني أقعد معاها ومع العيال، بس أنا قولتها لأ عشان محمود ميز علش مني.

ضحك محمود: بجد قولتها كده ومخوفتيش تقول عليك هبله، ولا تتضايقك بالكلام

وعد: لا طبعاً ما خوفتش هخاف من أيه، بس يا حبيبي أنا مبخافش غير على زعلك وبس، وميهمنيش رأي حد خالص، أنا أهم حد عندي أنت يا محمود.

محمود بشوق ولهفة: تعرفي أنني بحب فيك اهتمامك وخوفك على زعلي، ده ساعات كتير بحسد نفسي عليك، وعلى حبك ده وبخاف أوووي يحصل حاجة تفرقنا.

اعتدلت وعد في جلستها ووضعت يدها على شفثيه وهي تقول بصوتها العذب: أوعي تقول كده أنا مستحملش أبداً إننا نبعد عن بعض، أنت متعرفش يا محمود أنا بحبك ازاي مينفعش نبعد.

محمود: إن شاء الله يا حبيبتني منبعدش عن بعض أبداً، يلا بقي أنا هقوم وأنت خلي بالك من نفسك هاخذ معترز ونخرج شوية، ولما أرجع هبقي أكلمك في التليفون.

ابتسمت وعد وحركت رأسها، ووضعت يدها على يد محمود وقالت بحزن: ماشي مع إني ما لحقتش أقعد معاك، أنت أصلك بتوحشني أووي ما تتأخرش علنا في الاتصال هافضل مستنيك.

محمود بابتسامته المعهودة: مقدرش أتأخر عليك يا حبيبتني يلا سلام يا قلبي.

نواره مستلقية على أريكتها بالغرفة، وتستمع لموسيقى حلیم، فإذا بصوت صراخ، تتبعته وعلمت أن مصدره غرفة والدتها، اتجهت مسرعةً نحوها وقالت: خير يا ماما في أيه بس أيه اللي حصل؟

مديحة بقلق: خالتك لسه قافله معايا التليفون دلوقتي، وبتقول إن جدتك تعبانة أووي وهينقلوها المستشفى أعمل أيه بس، اتصرف ازاي.

اقتربت منها نواره واحتضنتها، وقالت: متقلقيش يا ماما إن شاء الله تيتا هتبقى كويسه، بصي يا حبيبتى أنا هكلم مازن وأخليه يجي ياخدنا يودينا لتيتا متقلقيش، أنتِ بس والله هتبقى كويسه

مديحة: ماشي بس كلميه بسرعة يا نواره.

أخذت نواره هاتفها وأجرت اتصالاً بمازن؛ وأبلغته بأن يأتي على الفور، وأغلقت بعدها، وذهبت لوالدها، وقالت: بابا تيتا تعبانة أوي ونقلوها المستشفى، وماما قلقانة أوي عليها، وأنا كلمت مازن وقولتله يجي يودينا لتيتا.

محمد بلهفة وخوف: أيه ده طب يا حبيبتى أنا هقوم ألبس أنا كمان، وهكلم أخوك تاني؛ عشان استعجله، وأنتِ يا حبيبتى ألبسي وشوفي ماما.

نواره: حاضر يا بابا متقلقيش يا حبيبي، إن شاء الله، والله هتبقى كويسه.

محمد: إن شاء الله يا نواره، أنا بعترها والدتي، ربنا يطمنا عليها يا رب، وبعدها خرجت نواره واتجهت نحو غرفتها؛ لتبدل ملابسها، وظل الأب والأم ونواره ينتظرون قدوم مازن؛ ليأخذهم بسيارته، والكل يجتاحه القلق والرعب، ولم يستطع أي منهم أن يطمئن الآخر، وباتت نواره تشعر بالقلق والفرع يصيب والدية؛ فأخذت هاتفها لتحدث مازن مرة أخرى، ولكن هذه المرة ظهر أمامها مازن قائلاً: خير يا جماعة في أيه بس؟

نواره: هقولك في الطريق يا مازن بس يلا بينا بسرعة.

وصعد الجميع السيارة مع مازن، وظلت نواره تروي ما حدث لمازن، بينما هي تتحدث كان كل من مديحة ومحمد يدعوان سراً أن يشفيها الله، وعند وصولهم المشفى وجدوا تهاني (هي أخت مديحة) تقف أمام الرسيبشن. اتجهت نحوها مديحة بخطوات سريعة، تتسارع معها دقات قلبها وسألتها

بقلق: ماما عامله أيه؟ أوعي يكون جرالها حاجة؟ ربنت تهاني على يدها محاولة أن تطمئننها.. الحمد لله يا مديحة بقيت كويسه؛ وهناخدها ونروح دلوقتي، كانت غيبوبة سكر بس الحمد لله عدت على خير، ألقى محمد عليها التحية ثم قال: الحمد لله يا رب، ربنا ما يورينا فيها حاجة وحشة أبدًا يا رب... مكنتوش تعبتوا نفسكوا يا أبيه، قالتها مديحة، محمد: أنت بتقولي أيه يا تهاني، أنت فاكرة أنها مامتكوا لوحكم ولا أيه، دية مامتي أنا كمان، ابتسمت تهاني وقالت: أه طبعًا أكيد يا أبيه طب يلا بينا بقي ناخد ماما ونمشي من المستشفى دية، مديحة: أه يلا يا محمد بسرعة، والحمد لله أن ماما كويسه، اقترب محمد من مازن وقال له.. يلا يا مازن خد معاك خالتك ومامتك وجدتك ووصلهم البيت، وأنا ونواره هنيجي في تاكسي، مازن: ماشي يا بابا حاضر، ذهب مازن وفعل ما قاله والده له، واتبعه محمد ومعه نواره وعند وصولهم أمام منزل الجدة؛ وجدوا أمامهم

عادل اقترب نحوهم قائلاً: أهلا أزيك يا عم محمد أخبارك أيه، بقالنا كثير مش بنشوفك.

محمد: أزيك أنت يا عادل، أخبارك أيه، وأخبار والدك وأخواتك.

عادل: الحمد لله يا عم محمد بخير، وحشتنا والله مين البنات اللي معاك دية.

محمد: دية نواره بنتي الصغيرة وحببية قلبي، نظر إليها عادل نظرةً ممتازةً بالإعجاب والرغبة في أن يمتلكها؛ فهي كالملاك تجذب كل من يراها، لا يستطيع أن يبعد نظره عنها، وجهها كالبرد في تمامه، ممشوقة القوام، عيناها بهما سحر لا يقاوم، يتراقص شعرها مع نسيمات الهواء وتداعب خصلاتها ووجهها المضيء.. قائلاً: أهلا أزيك يا نواره، اسمك نواره وأنت فعلا نورتي التحرير، لم تكثرث لحديثه، وقالت وهي تحاول أن تصعد الدرج وتبتعد عنه:

شكرًا، ثم وجهت حديثها لوالدها قائلة: بابا يلا نطلع لثينتا بقي، محمد: طيب يا حبييتي يلا.

ثم أدار وجهه تجاه عادل وقال: ما تطلع معنا يا عادل.

رد عادل: أنا أصلا كنت كده كده طالع للحاجة؛ عشان سمعت أنها تعبانة، فجيت عشان اطمنن عليها.

ربت محمد على كتفيه، وابتسم له قائلاً: فيك الخير والله يا عادل، طب يلا نطلع مع بعض.

وأثناء صعودهم الدرج تبادلوا الحديث سوياً، وسأله محمد عن دراسته.. رد عادل قائلاً بصراحة يا عم محمد أنا دخلت المعهد، ومكملتش فيه، وبشتغل في شركة سياحة كبيرة جداً، وشغلي كله مع الأجانب، والحمد لله قبضي كويس جداً.

تنهد محمد ووقف ليستريح ثم قال: طب كويس أنك لقيت شغل بالشكل ده، ومكنوش محتاجين منك شهادة، بس نصيحة مني يا بني، حاول تكمل تعلمك هيفرق معاك كتير في شغلك، هز عادل رأسه كأنه يؤيده: إن شاء الله يا عم محمد... توقف حديثهم حينها لمثلهم أمام شقة الجدة، وكان مازن واقفاً أمامه، وعند رؤيته لعادل تقدم نحوه، وألقى عليه السلام، ودفنوا جميعاً ليطمئنوا على الجدة نوال.

في منزل عادل مدحت في غرفته، أمامه حقيبة سفر، ويللم ما لديه من ملابس، ويضعها في حقيبته بعد تفكير عميق، وقرار ارتاح له وجدانه.. فقد قرر الرحيل عن هذا المنزل، الذي لم يعد يعري له أدنى اهتمام، فكل من فيه

لا يفكر سوي في حاله، أثناء انهماكه في تحضير احتياجاته جاءه اتصال،  
وتعجب جدًا حينما رأى مَنْ المتصل،

ألو أزي حضرتك، ما توقعتش أبدًا إن حضرتك تكلمني

ممدوح: ليه بس ما توقعتش إنني أكلمك، بص يامدحت من لحظة ما شوفتك  
واتكلمت معاك؛ حسيت إنك إنسان كويس، بس محتاج اللي يساعذك؛ عشان  
ما تغلظش، وأنا قررت أساعذك إنك تبقي أحسن وأحسن

رد مدحت: متشكر جدًا ل حضرتك، أنا من وقت ما سببت حضرتك وأنا بفكر  
في الكلام اللي قولناه، وخلص وصلت لقرر

رد ممدوح: أولًا يا ريت بلاش حضرتك دية، وتعتبرني أخوك؛ وتكلمني من  
غير حضرتك، ومن غير ألقاب. ثانيًا: أيه بقي القرار؟

رد مدحت: أنا فعلا حاسس إنك قريب مني جدًا، وأحسن من أخويا كمان،  
بص يا ممدوح أنا قررت أني أبعد عن البيت ده، طول ما أنا فيه عمري ما  
هتغير لازم أبعد عنهم.

رد ممدوح: طيب وهتروح فين عندك مكان تقعد فيه؟

رد مدحت: لأ معنديش مكان، ومش عارف هروح فين، ممكن أروح أقعد في  
أي أوتيل، لغاية لما ألاقي مكان اقعد فيه.

رد ممدوح: طب وليه تقعد في أوتيل، بص تعالَى اقعد معايا، أنا عايش  
لوحدي وهو بالمرّة أبقى معاك على طول.

رد مدحت باستغراب: هو أنا يا ممدوح ممكن أعرف أنت ليه بتعمل معايا  
كده.

رد ممدوح بصوت حزين: أنا عارف أنك مستغرب بس أنا هحكيلك، وأول ما تعرف أكيد مش مش هتبقى مستغرب.

أنا كان ليا أخ زيك بالضبط، كان نفس عمرك، وكنا احنا الاثنين بعاد عن بعض، وكنت برضوا كاره حياتي وعيلتي وسبيتهم زيك كده، وبعد ما اتخرجت واشتغلت كنت بروح أسأل عليهم كل فين وفين، والدى والدتى اتوفوا وأخويا كان عايش لوحده، مكنتش بسأل خالص عنه، وكنت ناسيه وفي يوم جاتلي إخبارية عن مجموعة شباب مدمنين، إنهم بيدبروا لسرقة فيلا في المكان اللي بخدم فيه، ولما وصلت أنا والعساكر؛ هجموا علنا وبقوا يضربوا نار، وكنا بنرد احنا كمان عليهم؛ وعدد منهم مات والباقي سلم نفسه، واحنا بنشوف اللي ماتوا لقيت أخويا واحد منهم، فضلت أعيط وندمت إنني سبته لوحده وما اهتمت بيه، وكنت بلوم نفسي كل لحظة، وحاسس إن أنا السبب في اللي حصله، وأول ما شوفتك افتكرت أخويا؛ وقررت أساعدك عشان ما توصلش للي أخويا وصله.

رد مدحت: أنا أسف أنا مقصدش أفكرك بحاجة تتضايقك، وأكيد أنت ما لكش ذنب في اللي حصل لأخوك، ده عمرة ما تلمش نفسك، وأنا شرف ليا إنني أكون زي أخوك، وإن شاء الله مش هخذلك أبداً،

رد ممدوح: أكيد أنا واثق إنك مش هتخذلني، يلا أنا هستناك قدام طلعت حرب

رد مدحت: خلاص اتفقنا نص ساعة وأكون عندك إن شاء الله.

في منزل نواره الساعة الثانية عشر بعد منتصف الليل.....

وقت وصول محمد ومازن ونواره ومديحة المنزل، بعدما اطمئنوا على الجدة، قابلتهم على الباب نرمين غاضبه ازاي محدش فيكوا يصحيني عشان أجي

اطمن على تيتا معاكوا ينفع كده يعني؟ أجابها محمد: يا حبيبتي احنا عارفين إنك راجعة من الجامعة تعبانة؛ محبناش نزعجك وبعدين يا حبيبة بابا تيتا كويسه وزى الفل، وممكن بكره مازن ياخذك أنت ومحمود ونواره وتروحووا تتطمنوا عليها، وتقضوا معاها اليوم، أيه رأيك؟ لسه زعلانه بقي؟

ابتسمت نرمين قائلة: لا طبعًا مش زعلانه يا بابا، حد يبقي عنده أب زي حضرتك ويزعل برضوا.

ضحك مازن وقال: أيوه يا اختي ما أنتِ مش غرمانه حاجة أنا كده اللي ادبست، وبكرة هيضيع علنا يوم تاريخي كنت هقضيه مع سماح.

ردت نواره: إنت مش هتبتل يا مازن.

خرج مازن دون إجابة .

استدعي محمد نرمين في غرفته؛ حتى يطمئن على أحوالها وأحوال حمدي، وأخبرته نرمين أن كل شيء على ما يرام، وأن والد حمدي بالمشفي ، ولا ينقصها سوي دعائه لها؛ فدعي لها وقال أنهم يجب أن يقوموا بزيارة والد حمدي.. وانصرفت بعدها من غرفته.

ومن ثم دلفت إليه مديحة؛ حتى تسأله عما يدور بذهنها، مخدتش بالك يا محمد من نظرات عادل لنواره، أنا متأكد أنه معجب بيها، وأكد هيكلمك ويطلبها منك، نظر إليها محمد بتعجب قائلاً: أنتِ مبتزهقش يا مديحة من الموضوع ده.

مديحة: لا مبزهقش ومش هزهق، الولد كويس وبيشتغل في شركة محترمة، وغير كده يعتبر قريبنا من بعيد، وهيعيشها في نفس المستوي اللي هي عايشه فيه.

محمد: حد قالك يا مديحة إني بشتكي من مصاريفها، نفسي أعرف أنت مستعجلة ليه على ارتباطها.

مديحة: يا محمد نواره أموره، وبجلها عرسان كثير، واحنا على طول بنرفض؛ خايفة يكون ده الوقت اللي هيتقدملها فيه العرسان؛ وبعدين مبيقاش في حد، أصل دايمًا الحلوين دول حظهم بيبقي وحش، وبعدين يا محمد الولد ده هيبقي تحت أيديا يعني نقدر علنه، ومش هيقدر يزعلها، أنت ناسي إنه ابن عمت أمي، يعني لو عمل حاجة هشتكيه لعمتي على طول.

محمد: بقولك أيه يا مديحة ماتسبقيش الأحداث، لما نشوف مش يمكن يكون تخمينك غلط؛ ويكون الولد بيبص عادي، يعني ولو طلع زي ما بتقولي، هيبقي في كلام تاني، ولازم يكمل تعلمه عشان بيبقي في نفس مستوي نواره، ولو سمحت يا مديحة ماتتكلّميش مع نواره في الموضوع ده.

مديحة: ماشي يا محمد اللي يريحك، أنا هعمله بس المرة دية، مش هقبل برفض بنتك الدلوعة. محمد: أما نشوف يا مديحة يلا أنا هنام، قامت مديحة ناحية الباب، وقبل ما أن تنصرف أشار لها محمد وسألها: أو مال فين محمود يا مديحة ماشفتوش انهارده بعد الغدا.

مديحة: ما أنت عارف انهارده الخميس، وهو بيبقي قاعد مع صحابه وبيسهرُوا

محمد: أه صح طيب خلاص أنا هكلمه في التليفون اطمئن علنه.

في كافييه بلازا في الكومبوند يجلس كل من محمود ومعتز وطارق

ويتحدث محمود في هاتفه قائلاً: لا يا حبيبي متقلّش علنا أنا كويس، وأول ما أرجع هعدي عنك في اوضتك نتكلم لومش هنتام.

رد عليه محمد: لا يا حبيبي مش هنام هستناك مش هعرف أنام غير لما ترجع، هستناك أنا ومديحة المهم خلي بالك أنت من نفسك.

رد محمود: ماشي يا حبيبي يلا سلام....

وبعد إنهاء المكالمة نظر إلى طارق وهو يضع يده على خديته، وينم وجهه عما يعتري قلبه من ألم

وقال: خير ياطارق مالك من ساعة ما قعدنا وأنت مقولتش ولا كلمة وسرحان في أيه؟؟

رد طارق بعد تنهيدة: تعبان جدًا يا محمود، ومحدث حاسس بيا خالص.

محمود: ليه بس في أيه احكي لي يمكن أقدر أحل معاك حاجة...

رد طارق: مشاكل يا محمود مع ميار وأمي، مش عارف أعمل أيه، ولا عارف أرضي حد فيهم.

رد محمود: أنت شايف مين اللي غلطان، والدتك ولا ميار؟؟

رد طارق: ميار دي مفيش أطيب ولا أحن من قلبها، ومبتغلطش في حد خالص، أمي هي اللي تصرفاتها غريبة، مبقنتش عارف أرضيها ازاي، ولا أعمل معاها أيه.

محمود: طب ما أنت عارف الحق مع مين، ليه بقي عندك مشكلة، ما تتكلم مع والدتك وتقولها تبطل تحط ميار في دماغها، وتجيب حق مراتك.

قال طارق بضعفٍ: للأسف مش عارف أعمل كده، مش عارف اتكلم مع أمي وأغلطها.

رد محمود: أها أنا كدة فهمت المشكلة، إنك جاي على ميار، ومش قادر تقولها إن والدتك غلطانة، مع أنك عارف ومتأكد إنها غلطانة، وطبعاً ده مضايق ميار، وبينعكس على معاملتها معاك، والدتك شايفه إن ميار غلطانة، وإنها لازم تكلمها، وأنت مش قادر تقول عكس كلامها، ومش عارف تتعامل معاها؛ عشان حاسس إنها جاية عليك، وإنها مش حاسه بيك.

طارق: صح يا محمود هو كدة بالظبط، أتصرف ازاي بقي، وهل عندك حل لمشكلتي!!؟

محمود: المشكلة فيك يا طارق، أنت لازم تبقي أقوى من كدة، لازم تواجه متهرش، متحاولش تيجي على نفسك وتسكت؛ عشان ترضي غيرك على حساب راحتك، لازم تتكلم مع والدتك وتقولها إن طريقته غلط، وإنها لازم تغير معاملتها مع ميار، ولو مرديتش وكلامك مآثرش فيها يبقى لازم تاخذ قرار وتنفذه، وتحافظ على كرامة مراتك وبيتك بدل ما تهد البيت، اللي أنت تعبت فيه ده رأيي يا طارق.

طالما مراتك كويسه معاك ومع والدتك؛ يبقى لازم تشوف حل وبسرعة؛ عشان متخسرش بيتك.

نظر له طارق وقاله: عارف يا محمود مشكلتي أيه؟؟؟

مشكلتي إنني متربتش على المواجهة، مشكلتي إنني ما تربتش على إن الكبير ممكن يغلط، وحتى لو غلط مينفعش أقوله أنت غلطان.

تعرف كان نفسي يبقي عندي أب زي والدك، أكيد كان هيفرق معاي كثير، وكانت شخصيتي هتبقى قوية زيك كدة.

ابتسم محمود وقال: ياسيدي أديني معاك أتعلم مني، وبعدين أنت طالما اعترفت أنك عندك مشكلة، أكيد هتعرف تغير من نفسك، وهتبقى أحسن مني كمان، قطع حديثهم رنة هاتف محمود بنغمة وعد المميزة... أخذ الهاتف بعيداً...

ألو أيه يا حبيبتى...

وعد: كده يا محمود كل ده، وأنا قاعدة مستنياك تكلمني، نستني وقاعد مع صحابك.

رد محمود: أنا أقدر أنساك يا روعي في حد برضوا ينسي روحه؟؟

ضحكت وعد قائلة: أيوه أضحك علنا زي كل مرة، وأنا زي الهبلة بصدق؛ عشان بحبك

ضحك محمود: ما طبعاً يا بنتي لازم تحبيني؛ عشان أنا مش بس بحبك، أنا بموت فيك وبعشقك. ردت وعد: يالهوي عليك لما بتبقي رومانسي كده؛ بتجنني بتخليني عاوزه أعملك أي حاجة.

رد محمود: بجد يا حبيبتى طب أيه رأيك بقي عشان اللي قولتیه ده، أنا هروح دلوقتي ثواني خليك معايا.

وعمل كتف للهاتف، واتجه نحو طارق ومعتز وقال: معلش بقي ياشباب أنا لازم أقوم، وأنت يا طارق فكر في كلامي، وها بقي أكلمك اطمئن عليك سلام.... وذهب وأكمل حديثه مع وعد

## أثناء سيره للمنزل.

في منزل عادل، عندما دلف للمنزل، وجد والدته تبكي....

سألها: في أيه يا ست أنت بتعيطي ليه؟؟

ردت: أخوك مدحت أخذ هدومه ومشى، وقال أنه هيشغل بره القاهرة، وأنه هيبقي يجيي هنا كل فترة ومقالش لحد مكان شغله فين.

نظر إليها باستغراب: طب وأيه اللي يخليك تعيطي كده، واحد ورايح يشتغل أيه اللي يزعل في كده.

ردت والدته: يا ض أنت قلبك حجر.

ضحك بسخرية: وده من أمتي، أنت اللي بتتكلمي عن القلب، بقولك أيه أنت أصلا مرتيناش أننا بيبقي لنا قلب، تلاقكي مضايقة عشان الفلوس اللي كان بيدها لك مدحت هتقطع، ماهو الوحيد اللي كان بيحس فينا، وكان بيعاملك أنت وأبويا كويس.

## في منزل نواره

قامت نواره ونرمين لتحضير وجبة العشاء

واستدعتا الجميع للطعام، وكان محمود يفتح الباب، وعندما رآه محمد قال: يلا يا حبيبي تعالى اتعشي معانا، وبعد العشا تعالى نعقد أنا وأنت في الجنينة.

ضحكت نواره ونظرت لوالدها وقالت: أيه ده يا بابا هتاخذ حد غيري يعقد معاك.

ضحك محمد وقال: نورتي حبيبتني هسأله على حاجة، وبعدها أقعد معاك يا حبيبتني.

معلش يا نواره هعقد معاه أحكيه على حاجة وبعدين يجي يقعد معاك.. ماشي قالها محمود.

ردت نواره: ماشي يا محمود هسيبهولك وأمري لله. ونظرت لوالدها.. بابا حبيبي متأخرش علنا هجيب فيلم أجنبي نتفرج عليه سوا.

ضحك محمد وقال: هجيك على طول يا حبيبتني. وخرج محمد مع محمود وجلسا سويا وسرد له محمود ما حدث بينه وبين طارق، وسأله: تفكر يا بابا كلامي ليه ده صح ولا غلط.

رد محمد: لا طبعا كلامك صح يمحمود، ولازم طارق يبقي ليه موقف، مراته فعلا إنسانة كويسه، المهم حبيبي بقي عامل أيه ووعد عاملة أيه معاك؟

محمود: الحمد لله يا بابا مستني لغاية لما تخلص السنة دية واتقدملها، ونبقي مع بعض بقي ضحك محمد وضمه في حضنه وقاله: ربنا يا حبيبي يجمعك بيه على خير، ويسعدك ويقدملك اللي فيه الخير ليك، يلا بقي نقوم ندخل لنواره زمانها حضرتلنا الفيلم نتفرج مع بعض، وبعدين نصلي الفجر وننام؛ عشان هنروح الصبح لوالد حمدي، عشان في المستشفى وبعدها هنتطلعوا أنتوا على جدتكو وتقعدهو معاهما لأنها تعبت شوية.

رد محمود: ماشي يا بابا يلا بينا.....

يوم الجمعة الساعة الحادية عشر صباحًا.....

كان محمد في المطبخ يقوم بتحضير الفطار... وأيقظ مديحة ومحمود ومازن ونواره ونرمين..

قال لهم بضحك: أصبحوا يا هوانم جاردن سيتي، يلا الفطار جاهز، قامت نواره مسرعة تتجه نحوه وقبلته، وقالت له: صباح الخير يا حبيبي، تعرف أحلي فطار اللي بتحضره لنا يوم الجمعة.

ابتسم وقال: لازم يبقى أحلي فطار عشان هو لأحسن ولاد.

وبعدها قام الجميع وجلسوا سويا على مائدة الطعام؛ لتناول الفطور.. وبعد الانتهاء قام كل من محمود ومازن للوضوء، وسبقهم محمد على المسجد لصلاة الجمعة...

وبعد الصلاة ذهبوا جميعاً لزيارة والد حمدي

وعندما وصلوا المشفى سأل مازن موظف الاستقبال عن غرفة عبد الفتاح... رد موظف الاستقبال وقال: يا فندم للأسف أتوفي انهاردة الصبح، وأخدوه من ساعه عشان يدفنوه.

نظر الجميع في ذهول لنرمين التي لم تستوعب ما قاله الموظف، لا تدري ماذا تفعل صمتت ولم تتنطق حرفاً.. أمسك مازن هاتفه واتصل بحمدي

ألو... أنتوا فين... طيب احنا جايين حالياً يا حمدي ربنا يصبرك البقاء لله...

وبعد إنهاء المكالمة قال لوالده...

هما دفنوه يا بابا ودلوقتي حمدي مع أخوه وبيشوفوا هيعملوا الصوان فين، احنا نودي نواره ونرمين يغيروا هدومهم، وهروح أنا ومحمود نقف مع حمدي، وبليل هعدي عنكوا ونروح نعزي

رد محمد: خلاص يا مازن تمام يلا بينا

في شارع العطار في شبرا يقف كل من حمدي ومازن ومحمود، ويقوم عاملا  
الفراشة بعمل الصوان، ومحمود يتحدث مع المقرئين ويتفق معهم....

ومازن يحاول أن يشد أذر حمدي، حينها جاءه اتصال هاتفى واعطى الهاتف  
لحمدي

رد حمدي بصوت مخنوق... ألو

نرمين: البقاء لله يا حمدي معلش ربنا يجعلها آخر الأحزان أهم حاجة تقرا  
ليه قرآن، وتعمله صدقة جارية، وربنا يصبرك يا رب ويجعلها آخر الأحزان  
يا رب.. يا رب يا نرمين يا رب، قالها ومازال الحزن بداخله

لم يتركه مازن وظل معه، وحاول قدر استطاعته أن يهون ويخفف من  
حزنه...

وقت أذان المغرب رحل مازن؛ ليحضر والدته ووالده ونرمين ونواره

وعندما حضروا وعند رؤية حمدي لوالد نواره؛ اتجه نحوه بخطوات مسرعة،  
كأنه كان ينتظره ألقى بنفسه بين ذراعيه، واحتمي في حضنه الدافئ وظل  
بيكي.. ضمّه محمد إليه وربت على كتفيه محاولا طمأننته، وقال إن شاء الله  
هتكون آخر الأحزان يا حمدي، وبعدين لو احتاجت أي حاجة أنا موجود،  
وكل اللي في أيدينا دلوقتي أننا ندعيه..

ومتكثروا معه وقت العزاء ثم انصرفوا، واثناء عودتهم للمنزل قال محمد موجّه  
حديثه لمازن ومحمود.. حبايبي ربنا يباركلي فيكوا وميحرمنيش منكم أبداً، أنا  
معجب بيكم جداً وبتصرفكم مع حمدي.

ابتسم الأثنان، ورد مازن: أو مال أيه يا بابا ولادك رجالة، طالعين لأبوهم أبو الرجولة والجدعنة،

وقال محمود: بابا أنت اللي ربتنا على كده، وزرعت جوانا الرجولة وختلنا نفهم يعني أيه أصول وواجب.

ابتسم محمد وقال: حبايبي ربنا يباركلي فيكوا يا رب

ردت عليه نواره وقالت: ربنا يباركلنا فيك أنت يا أحلي وأحن أب في الدنيا.

تنهدت مديحة ثم قالت: كلكم بتشكروا، في أبوكم وكأني ما ليش دور معاكوا خالص

رد محمد: ازاي بس ده أنت الخير والبركة يا مديحة هو احنا لينا غيرك.

وأكد الجميع على ما قاله والدهم، وقالو: طبعا يا ماما ده أنت ست الكل

### في منزل عادل

يجلس كل من عادل ومصطفى وحسن والدهم

قال عادل: أنا عاوز اتكلم معاكوا في موضوع

حسن: خير يا عادل؟

عادل: أنا عاوز اتجوز

ضحك مصطفى بسخرية وقال: واحنا مانا يا حيلتها، احنا اللي هنختارك العروسة ولا أيه.

رد عادل قائلاً: أنت متعرفش تتكلم كويس أبدا يا مصطفى، أنا مش عاوزكوا  
تختارولي عروسة أنا خلاص اختارت.

حسن: ومين بقي العروسة اللي أنت اختارتها

عادل: واحده قريبتنا وأنت عارف والدها ووالدتها كويس، وناس أي حد  
يتمني يناسبهم.

ومين دية اللي نعرفها وهنبليها بيك يا عادل.. قالتها تحية والدة عادل

رد عادل.. تبلوها بيا هو أنا في حد زيي، ده أنا نسمة وهدلعها وابسطها..

مصطفى: ما تقول يا عم هي مين وتخلصنا.....

طارق في منزله يتحدث مع ميار، أنا عارف إنك زعانة مني، وعارف إني  
غلط إني ما تكلمتش ولا جبتلك حقك، بس والله غصب عني، أنا متربتش إني  
أغلط الكبير، بس صدقيني يا ميار وحياة دموعك الغالبة أنا هتغير وهجبلك  
حقك، وعمري ما هخلي أي حد يجيي عنك، أو يعايرك بحاجة ما لكيش يد  
فيها.

ردت ميار: أنا كل اللي مزعلني يطارق، إن ماما بتعاملني وحش، وأنا ما  
ليش ذنب، أنا عارفة إنها نفسها تبقي جده، بس والله أنا أكثر منها نفسي أبقى  
أم، بس أعمل أيه مش بأيدي حاجة، وكل شوية تقولي هخليه يتجوز واحدة  
غيرك، تجبله عيال مش أنت أرض بور.

وانهمرت الدموع من عينيها وهي تقول.. أنا أرض بور يا طارق، أنا مش  
هخلف خالص، مش الدكتور قال إن في أمل بس مع الوقت والعلاج.

اقترب طارق وأمسك يدها، وأخذها بين ذراعيه وقال.. حتى لو مش هنخلف خالص أنا مش عاوز عيال من حد غيرك.

قالت وهي لاتزال تبكي: بجد يا طارق، يعني عمرك ما هتسمح لحد يفرق بينا.

طارق بنبرة حزينة: عمري ما هسمح لحد بيعدني عنك، أنا عارف إني كنت ضعيف في نظرك، ومباخدش موقف، ومبتكلمش بس خلاص يا ميار صدقيني، أنا هتغير هتغير لأنني معنديش استعداد أخسر حب عمري، اللي تعبت لغاية لما وصلته...

انا هثبتك دلوقتي.. وأمسك هاتفه وتحدث لوالدته قائلاً.. ماما أنا بتصل عشان أقول لحضرتك كفاية لغاية كده، غلط في ميار أنا مش هسمح تاني إن أي حد يجرحها بكلمة أو يهينها؛ لأنه لو اختي برضوا مش هسمح إن حد يجرحها، وأكد كمان حضرتك مش هتسمحي إن حد يعامل اختي كده....

أنا هكلم حضرتك اطمئن عليك لأن ده حقك علنا، ولو احتاجتيني هتلاقيني

وأغلق الهاتف

نظرت له ميار وهي لاتصدق، غير قادرة على استيعاب الموقف، وقالت: ربنا يخليك ليا يا طارق وتفضل دايمًا حمايتي ولساني اللي بيدافع عني...

**في منزل عادل**

وما زال الحديث مستمرًا بينهم وينتظر الجميع معرفة من العروس...

العروسة تبقي نواره بنت عم محمد وطنط مديحة، قالها عادل وظل ينظر في وجوههم ليعرف رد فعلهم...

نظرت تحية باستغراب وقالت: أيوه بس نواره لسه صغيرة، وبعدين نواره أكيد هتكمل تعلمها هتوافق عنك ازاي وأنت مش مكمل؟

عادل: ما أنا هكمل عشان خاطرها، أنا أول ما شوفتها كنت هتجنن عليها، وعاوز أوصلها بأي شكل.

حسن: يا ريت يا عادل يوافقوا عنك، دية فعلا عائلة الواحد يتمني يناسبها.

مصطفى: برافو عنك يا ض يا عادل عرفت تختار.

عادل: عشان تعرفوا اختيار ابنكوا عامل ازاي أي خدمة.

بس بقي شوفوا يوم نروح نكلمهم فيه.

نظرت له تحية وقالت: لا استني أنا هروح الأول للحاجة الكبيرة وأقولها، وهي تحاول تتكلم مع مديحة وتجس نبضها، وتشوف هتقولها أيه عشان منروحش ونتخرج.

عادل: طب هتروحي أمتي.

تحية : بكرة لما أصحي من النوم هابقي أروح أقولها...

## إلوم التالى

صباحًا في منزل جدة نواره، تجلس تحية والدة عادل مع نوال يتحدثان، وأكثر الحديث كان بخصوص عادل، ظلت تحية تتحدث عنه، وتحاول ذكر مميزاته، وقالت في نهاية الحديث: بصي يا حاجة أنا جيا لك عشان الواد عادل من وقت ما شاف نواره؛ وهو هيتجنن عليها، وعمال يزن وعاوز يتقدملها، وأنا قولتله إنني هاجي واتكلم معاك الأول، وأنت تشوفي رأيهم، وأنا مش محتاجة أقولك هو هيسعدنا ازاي، وهيحبها الهنا كله..

ابتسمت الجدة، وقالت: خلاص يا تحية أنا هكلمهم، واللي فيه الخير يكون، واحنا هنلاقي أحسن منكم يا تحية، كفاية إنك عمتي أيوه أنا الكبيرة بس برضوا أنتِ عمتي...

في الملعب مازن وطارق ومحمود ومنصور يلعبون مع فريق آخر، والكل يلعب بحماس وخارج الملعب الكثير من المشجعين، وأغلب المشجعين يشجع فريق مازن، وانتهت المباراة بفوز فريق مازن فعلمنا.

قال مازن: ها بقي بمناسبة الفوز هتعزمني على أيه؟

ضحكوا، وبصوت واحد قالوا: ده حضرتك بأماره أيه نعزمك يعني.

ضحك وقال: مش أنا الكابتن، وأنا اللي جبت الجون الأخير.

محمود: يا سلام والله ده المفروض بقي عشان أنت الكابتن تعزمننا.

ضحك كل من طارق ومنصور وقالوا: أيوه يلا بقي فكر هتعزمننا فين؟؟؟

ضحك مازن وقال: ولا أعزكم ولا تعزمني، أنا أصلا مش فاضي ورايا معاد مع سماح، ومتأخر عليها كمان، وبعدها هقابل هالة متأخرونيش بقي..

منصور: نفسي أعرف أنت بتعلمهم أيه، وتخليهم يحبوك كده، والمشكلة إن كل واحدة مصدقة إنك بتحبتها هي.

مازن: يا بني هعملهم أيه، يعني صاحبك بس اللي جذاب، ومحدث بيقدّر يقاومني، وبعدين دية قدرات يا أستاذ.

ضحكوا جميعًا، وقال طارق بطريقة جادة: بس يا مازن أنت ازاي محبتش  
ولا واحدة فيهم.

مازن: متفكرش إني فرحان بأني أعرف بنات كتير ومبسوط، أنا بعرف  
كتير؛ بحاول ألاقي اللي بلحم بيها، واللي تقولي لأ، ومترخصش نفسها، بس  
لغاية دلوقتي مالمقتش اللي تفهمني بجد، اللي أحس إنها جوايا كده ومني، اللي  
أحس إنها تستاهل حبي، لسه مش موجودة للأسف، ويلا بقي مطعتلنيش.  
وغادر سريعًا حتى لا يفوته لقاء سماح.

في كافية كوستا

سماح تتطلع بين الحين والآخر بساعة يدها، وتقوم بالاتصال بمازن أكثر من  
مرة ولكنه لا يجيب، ملت الانتظار وهمت بالرحيل، وإذا بمازن يربت على  
كتفها ويقول: أنا أهو يا حبيبتى معلىش اتأخرت عليك.

سماح بزعل: كده يا مازن كل ده تسبني قاعدة استنالك، أنا كنت همشي على  
فكرة.

مازن: يعني ينفع تمشي برضوا من غير ما تشوفي مازن حبيبتك، يعني حتى  
مقلقتيش علنا.

سماح: ليه يا حبيبتى أوعي يكون جرالك حاجة أنت كويس.

مازن: أنا كويس يا حبيبتى، أنا بسألك أنتِ مقلقتيش، وبعدين أنا اتأخرت  
عشان كنا بنلعب ماتش، ومكنتش عامل حسابي أتأخر عليكِ يا حبيبتى، أنتِ  
عارفة أنا بستني ازاي إلوم اللي هقابلك فيه.

سماح: بجد يا مازن.

مازن: بجد طبعًا يا حبيبتى.

محمود ونرمين ونواره معًا يروي كل منهما ما حدث معه، وفجأة رن هاتف المنزل، ذهبت نرمين لتجيب على الهاتف، ألو أزيك يا تيتا..

ردت الجدة: أزيك أنت يا حبيبتى عاملة أيه، ومديحة وأخواتك.

ردت نرمين: كلنا كويسين يا تيتا المهم أنت يا حبيبتى.

ردت الجدة: الحمد لله يا حبيبتى، أنا بخير طول ما أنتوا بخير، بقولك أيه يا نرمين اندهيلي مديحة عشان عاوزاها في موضوع مهم.

ردت نرمين: حاضر يا تيتا.

وذهبت لتخبر والدتها، وقالت: ماما كلمي تيتا عاوزاكي في موضوع مهم.

مديحة بخوف: أوعي تكون تعبانة.

نرمين: لا يا ماما هي كويسه أكيد عاوزاك في حاجة تانية.

أسرعت مديحة تجاه الهاتف، وقالت: ألو يا ماما خير يا حبيبتى أنت كويسه.

ردت الجدة: أيوه يا حبيبتى أنا كويسه وبخير، والله أنا عندي ليك خبر حلو.

ردت مديحة: خير يا ماما.....

ردت: تحية أم عادل كانت عندي انهارده، وجئت عشان تقولي إن عادل معجب بنواره وعاوز يتقدملها، وقالتي اسألك الأول وأشوف رأيكم؛ عشان ميجوش هما وتخرجوهم.

ردت مديحة بفرحة: والله يا ماما أنا كنت حاسة إنه معجب بيها، من وقت ما شافها عندك، وقولت لعهد ووالى متسبقيش الأحداث. طب أنتِ رأيك أيه يا ماما.

ردت: والله الولد كويس، وببشتغل شغل كويس، وبعدين هي قالتلي إنه هيكمل تعلمه، عشان نواره وإنه هيسعدنا ويهنيها.

ردت مديحة: أنا يا ماما عن نفسي موافقة جدًا على الولد، وهعمل المستحيل عشان توافق، بصي يا ماما أول ما يجي محمد هتكلم معاه وأشوف هنعمل أيه؟

ردت: خلاص يا حبيبتي وسلميلي على الولاد وقوليلهم إنهم وحشوني.

ردت مديحة: حاضر يا ماما.

ظلت مديحة تفكر في كلام والدتها منتظرةً قدوم محمد بفارغ الصبر.. حينها دلف إليها محمود وقال: أيه يا حبيبتي مالك بتفكري في أيه؟؟

ردت مديحة بحيرة: في عريس متقدم لنواره أختك، وأنت عارف إنها بترفض أي حد يتقدملها، وأنا مقتنعة جدًا بالولد ده، ومش عارفه أقنعها ازاي، أنا فعلا يا محمود مش هقبل إنها ترفض المرة دية.

رد محمود: طب هو مين العريس اللي أنتِ مقتنعة بيه أوي كده؟؟؟

ردت مديحة: عادل ابن عمت جدتك فاكراه.

رد محمود: أها فاكراه بس مش عارف حاسس إن نواره هترفضه برضوا.

ردت مديحة: لا بقي مينفعش ترفضه، أنا هقنعها، ده الولد هيكمل تعلمه  
عشانها، وهي عملها كل اللي نفسها فيه.

وأثناء انشغالهم بالحديث، دلف محمد ووجدهما يتناقشان، فسأل مديحة: خير يا  
مديحة في أيه قاعدة أنتِ ومحمود لو حدكوا وسايبين البنات لو حدهم بره ليه؟؟  
ردت مديحة: مفيش حاجة يا محمد أنا كنت بكلم ماما و... قاطعها محمد وقالها  
مالها ماما تعبت تاني؟؟

ردت مديحة: لا يا حبيبي هي كويسه، هي كلمتني بتطمئن علنا، وقالتلي على  
اللي قولتلك علنه لما رجعنا من عندها فاكِر.

رد محمد بعد تنهيدة: أه فاكِر يا مديحة على عادل مش كده؟؟

ردت مديحة: أيوه يا محمد الولد كمان مستعد يكمل تعلمه زي ما أنتِ عاوز  
أهو، بص يا محمد أنا متكلمتش مع نواره زي ما أنتِ قولت، بس اتكلم أنتِ  
معاها بقي واقنعها؛ عشان بجد لو رفضت أنا مش عارفة هتصرف ازاي...

رد محمد: هتكلم معاها يا مديحة حاضر متكلميش أنتِ معاها في حاجة..

ممكن يلا بقي نتغدا.

ردت مديحة: ماشي بس مازن لسه مجاش...

رد مازن بصوت عالٍ حتى تسمعه؛ لأنه كان خارج الغرفة: لا يا ماما أنا هنا  
من وقت ما محمود دخلك الأوضة يا حبيبتي..

ردت مديحة: ماشي يا سيدي، طب يلا حضروا السفرة معايا.

وقام الأولاد سويًا؛ لتحضير المائدة واجتمعت العائلة على الغداء.

وبعد الغداء أخذ محمد نواره، وقال: نواره حبيبتي تعالِي عاوزك في موضوع.

ردت نواره: عيوني يا حبيبي موضوع واحد بس؟

ابتسم محمد وقال: لا يا حبيبتي أنا مستغناش عنك يا نورتي، بس عاوز أخذ رأيك في حاجة....

شعرت نواره من نبرة والدها أن هناك شيئاً ما، نظرت إليه بقلق: خير يا بابا؟؟؟

بعد انتهاء الامتحان خرج كل من هدير و وعد تتناقشان حول الامتحان، وبعدها قالت هدير: ها هتمشي برضوا زي المرة اللي فاتت؟

ردت وعد: أه يا هدير ارتاحي بقي، قولتلك كذا مرة إني מבحبش أعمل حاجة تزعل محمود، أكيد همشي وبلاش والنبي تسمعي كلامك بتاع كل مرة ده؛ عشان بضايق..

ردت هدير: خلاص يا ستي ماشي متزوقيش، أنا ماشية هروح أقابل العيال عند المكتبة المركزية.

وذهبت هدير وتركت وعد تكمل طريقها للباب الرئيسي، وأثناء سيرها وجدت أمامها حاتم،

نظر إليها بإعجاب وقال: ياااه عاش من شافك يا وعد أخيراً ظهرتي؟؟

ألجمها كلامه، وأصبحت لا تعرف ماذا تفعل، باتت الأفكار تأتي وتحديث نفسها... أرد عليه.. أقف معه.. ولا أمشي وأسببه ومش مهم يزعل، أو يقول

علنا قليلة الذوق.. أعمل أياه بس.. وقطعت تفكيرها بردها: معلى أنت عارف الامتحانات بقى..

رد حاتم: يا سلام الامتحانات، يا بنتى أنتِ بتهرىبى منى، مش عاوزة تشوفينى، مع أنك عارفة كويس أووي إني بحبك يا وعد وعاوز اتقدمك.

ردت وعد: حاتم أنا قولتلك كذا مرة قبل كده، إني بعترك زميل مش أكثر من كده، وأنت للأسف مش قادر تفهم كلامى، وكل ما تشوفنى تقولى نفس الكلام؛ متخليينيش أندم إني وقفت واتكلمت معاك..

وما أن استدارت حتى تغادر إذا به يضع يده على يدها محاولاً أن يمنعها.. نظرت إليه بتعجب وباتت تنفعل ولكنها فوجئت بمحمود أمامها، ويحمل باقة ورد، وعند رؤيته لذلك المشهد ألقى الورد أرضاً وغادر دون أن يتكلم..

نظرت وعد لحاتم وصفعته على وجهه، وذهبت مسرعة لتوضح الأمر لمحمود.

وعندما وصلت اقتربت منه واستوقفته وقالت: ما تفهمش غلط يا محمود، أنا بحترمك ومبعلىش أي حاجة غلط في حقك...

رد محمود بعصبية: أه فعلاً ما هو واضح، يا وعد لو سمحت ابعدى من قدامى دلوقتى، مش طابق أشوفك...

انهالت الدموع من عينها وقالت: من فضلك يا محمود متظلمينيش، أنا كنت مع هدير وزعلت منى وسابتنى؛ عشان قولتلها إني هروح عشانك، وأنا ماشية قابلنى حاتم، قالى كلام ماعجبينيش وكنت ماشية لقبته مسك إيدي، أنت جيت لحظتها، وأنا والله كنت بلف وشي ليه وهضربه بالقلم..

حتى استتني واتصلت بهدير وطلبت منها الحضور، وعند وصول هدير قالت وعد: احكي لمحمود أيه اللي حصل..

قالت هدير لمحمود نفس الكلام التي قالته وعد، وبعدها سألت في أيه يا جماعة؟

روت لها وعد ما حدث، وهي لاتزال تبكي، ونظر لها محمود وبداخله بركان غضب منها، ولكنه لا يستطيع رؤية دموعها، وقال: بقولك أيه يا وعد مفيش أي حاجة هتخليه يقولك كلام يضايقك إلا لو كان يعرفك قبل كده، أو أنت ادتيله المساحة إنه يتكلم معاكي كده، ليه بقي من الأول؟؟ أنا مش عاجبني كل اللي بتحكيه ومش مقتنع..

غادر بعدها وتركها تبكي وهي مختبئة بحضن هدير صديقتها المقربة

في منزل نواره، بعدما استمعت نواره لحديث والدها

قالت بعد تفكير....

يا بابا حضرتك عارف كويس رأيي في الموضوع ده، يمكن يكون من وجهة نظر ماما عادل كويس وفرصة، وأنا بضيعها بس أنا مش شايقة كده، معلش يا بابا أنا مش موافقة..

رد محمد: طب بصي يا حبيبتى انا مش هضغط عليك بس أوعديني إنك تفكري، وأنا هاخذ منك قرار نهائي كمان يومين، تمام يا حبيبتى.

ردت نواره: تمام يا أجمل وأحن بابا في الدنيا، واحتضنته وقبلت يديه..

وخرجت من الغرفة، وبعدها دلفت مديحة؛ لتعرف ماذا حدث؟؟ ها فرحني  
وقولي إنك اقنعتها وهي وافقت.

رد محمد: لا يا مديحة موفقتش، وأنا مش هضغط عليها، أنا قولتلها تفكر تاني،  
وتقولي قرارها كمان يومين، ولو سمحت يا مديحة متضغطتيش عليها.

ردت مديحة بعصبية: يعني أيه يا محمد أنت هتجنني أنت وبتتك الدلوعة دية،  
بقولك أيه يا محمد أنا مش هقبل برفض نواره المرة دية كمان..

وغادرت الغرفة وهي منفعة جدًا، ولا تريد أن تتحدث مع أحد...

محمود بعد رحيله قرر أن يذهب لصديقه طارق؛ ليروي له ما حدث، وهو  
في طريقه رن هاتفه.. رقم غريب.... رد

ألو.. مين

ردت: أنا هدير صاحبة وعد.

رد محمود: أهلا وسهلا خير في حاجة؟!!!

ردت هدير: وعد مظلومة يا محمود وبتحكك، ومحببتش حد غيرك، دية بتسمع  
كلامك لدرجة أنا بستغربها، أنت فهمت غلط، وهي شرحتك، وحاتم ده  
بيحبها من زمان وهي بترفض دايمًا حبه ده، ومش بتعامله خالص، والله أنت  
ظالمها يا محمود.

رد محمود: أنا ما ظلمتهاش هي اللي بتخبي، ومش بتحكي، وماجبتليش قبل  
كده سيرة اللي اسمه حاتم ده، وأنا متفق معاها إنها تحكي كل حاجة؛ عشان  
ما نزلش من بعض، ويبقي في تفاهم بينا بس هي ما عملتش كده وخبيت.

ردت هدير: حتى لو كانت غلظت في دية غلظة بسيطة ممكن تعديةا  
وتسامحها عليها، وهي أكيد بعد كده هتحكيك كل حاجة.

رد محمود: هشوف يا هدير

فكر فيما قالته هدير، وقرر أن يعطي لوعد فرصة ثانية..

وبعد عشر دقائق من مكالمته مع هدير هاتفته وعد، رأي اتصالها ولم يجب..

حينها كان أمام باب منزل طارق...

انتبه طارق أن محمود لم يجب على هاتفه، وعرف من النغمة أنها وعد:  
غريبة دية ازاي مبتردش على وعد في آيه، قالها طارق..

رد محمود: هحكيك يا طارق ما أنا جاي عشان أحكيك وأخذ رأيك..

### في شركة نيوز في مصر الجديدة....

ممدوح مع مدحت في مكتبه يهنئه، أنا مبسوط جدًا بيك وباللي أنت وصلته

رد مدحت: كل ده بسببك يا ممدوح، أنت اللي وقفت جنبي وساعدتني، وادتني  
الأمّل تاني لولاك بعد ربنا مكنتش وصلت للشغل ده، وكان زمني ضايع مع  
الضايعين، ربنا يخليك ليا يا أخويا.

ممدوح بفرحة: ويخليك ليا يا مدحت أنت كمان، ربنا عوضني بيك عن أخويا  
الله يرحمه، أهم حاجة أنا عاوزك دايما تبقي الأفضل والأحسن.

رد مدحت: إن شاء الله، أوعدك يا ممدوح...

دلفت هند ومعها ملفات وقالت: اتفضل يا أستاذ مدحت، ده ملف المناقصة اللي حضرتك طلبته.

رد مدحت: مرسى يا هند.

ردت هند: تؤمرني بأي حاجة ثانية.

رد مدحت: لا شكرًا يا هند اتفضلي أنتِ على مكتبك.

وقبل أن تغادر أدارت وجهها لمدحت وقالت: آسفه نسيت أقول لحضرتك إن استاذ عمرو سأل عنك، وعاوز حضرتك تروحله مكتبه.

رد مدحت: خلاص يا هند هروحله اتفضلي أنتِ على مكتبك..

قام ممدوح وقال: مدحت يلا هسيبك أنا تكمل شغلك، ونتقابل في البيت.

رد مدحت: ماشى أنا جاي معاك عشان أشوف أستاذ عمرو.

رد ممدوح: ماشى تمام يلا بينا، وخرجا سوياً من المكتب، وكل منهما في اتجاه، ممدوح خارج من الشركة، ومدحت لعمرو في مكتبه.

ممدوح في طريقه مشغول بالهاتف، اصطدم بهند، فوقعت الملفات من يدها

نظرت هند بغیظ... ممدوح بحرج: آسف ماخدتش بالى، وظل يلملم الملفات، وقام بإعطائها لهند: آسف مرة ثانية.

قالت بعدم اهتمام: عادي حصل خير، وذهبت.

لفتت انتباهه؛ فهي فتاة أنيقة، ترتدي ثيابًا تنم عن أناقتها وجمالها، حديثها قليل، تحمل عيناها الكثير، وبها براءة كبراءة الأطفال وبها حزن تعجب منه.

## في منزل عادل

عادل وتحية معا وكان قد فات يومين من زيارة تحية للجدّة، ولم يتصل بهم أحد.. واضح كده يا عادل إن ما لكش نصيب مع البنت دية، محدش رد علنا.

رد عادل: ازاي يعني بقولك أيه اتصرفي، أنا ما ليش فيه، أنا هعمل المستحيل عشان أوصلها، أنتِ فاهمة.

ردت تحية: يعني أعملك أيه يا عادل أخطفها لك؟؟

عادل بعجرفة: ماتعمليش حاجة وأنتِ من أمتي بتعرفي تعملي حاجة لحد...

أنا اللي هعمل، وماتسالنيش هعمل أيه؛ عشان عارفك بتحبي تعرفي كل حاجة وقام وتركها، ودف لغرفته، وارتي ملابسه وخرج....

حاولت تحية أن تستوقفه، وتعرف منه إلى أين يذهب، ولكن دون جدوى..

## في منزل نواره

انقضي إليومان، ومجد ينتظر قرار نواره، ومديحة أيضا تنتظر القرار

كل منهم ينتظر أن تقول نواره ماذا قررت؟! ولكن نواره لم تنطق بكلمة واحدة، ولا تتحدث في هذا الموضوع....

بعد تناولهم الطعام، والكل مجتمع قالت نواره: يا جماعة أنا عاوزة أرد على بابا في موضوع كان سألني عنه من يومين وهو مستني قراري...

نظرت مديحة لنواره تنتظر قبولها...

ونظر محمود ومازن لبعضهما البعض، لا يفهمان شيئاً، ونرمين جالسة بجانب نوره لا تريدها أن تتحدث، فهي من تعلم قرارها...

قال محمد: ها يا حبيبتى قررتى أليه؟؟

ردت نوره: أنا يا بابا مش موافقه، ومش هوافق على أي حد، ومن فضلك يا بابا بلاش حد يتكلم معايا في الموضوع ده تاني، أنا مش هوافق على أي حد.

غضبت مديحة وقالت: يعني ده آخر قرار عندك يا نوره؟؟

ردت نوره: أيوه يا ماما، وبعد أذنك ماتتكلميش معايا في الموضوع ده تاني.

ردت مديحة: ماشي يا نوره، قالت موجه الكلام لمحمد: طبعاً أنت موافقه على كلامها ده صح؟!

رد محمد: أنا ماقدرش أغضبها على حاجة، وده قرار مصيري لازم هي توافق.

ردت مديحة بعصبية: طيب أنا بقي هسييلكوا البيت؛ وأروح أقعد مع أمي، طالما محدش بيعمل بكلامي، ولا أصلا ليا لازمة في البيت ده.

مازن: ليه كده يا ماما نوره مغلظتش عشان تزعلني منها، ومن حقها تختار، مينفعش احنا نعصب عليها.

ردت مديحة: خلاص طلعت أنا اللي غلطانة، طيب سبوني بقي براحتي، وأنا لما أحس إنني مرتاحة هاجي.

رد محمد: في أليه يا مديحة، الموضوع مايستاهلش الزعل ده، عريس واترفض، والبنت لسه صغيرة.

ردت مديحة: طب أدوله فرصة، أقعدوا معاه، مش كل شوية ترفضوا من غير ما تعرفوا اللي قدامكوا.

قالت نواره بعدما شعرت بغضب والدتها الشديد، وأنها من المحتمل أن تترك المنزل بسببها: خلاص يا ماما ماتزعلش، أنا مايهونش علنا زعلك، ولا يهون علنا إنك تسيبي البيت بسببي، أنا هشوفه، وأقعد معاه، واللي ربنا عاوزه هيكون.

ابتسمت مديحة وقالت: أيوه كده ربنا يهديك يا بنتي، وإن شاء الله هترتاحي، ونفرح بيك أنتِ ونرمين مع بعض.

رد محمد وهو يوجه حديثه لمديحة: خلاص ارتاحتي أنتِ كده صح.

يا رب بقي ما تقوليش هسيب البيت تاني؛ لأنه ما ينفعش أبداً تسيبي بيتك تحت أي ظرف،  
ويا رب نفرح بولادنا كلهم.

رد محمود: يا رب يا بابا أمين، ثم وجه حديثه لنرمين قائلاً: هو حمدي عامل أيه يا نرمو دلوقتِي.

ردت نرمين: أه الحمد لله يا محمود بقي أحسن، وكلمني من ساعتين وقبالي إننا هنشوف بكره الشقة، وأنت وبابا هتيجو معانا.

رد محمود: ماشي يا حبييتي ربنا يتملك بخير يا رب.

محمد: ربنا يباركلي فيكوا يا أجمل ولاد، ويفرحني بيكوا وتفضلوا دايماً تحبو بعض، وتخافوا على بعض.

نواره وهي مقتربة منه: أنت يا حبيبي اللي خلطنا كده، وربتنا صح، ربنا بياركلنا في عمرك وفي عمر ماما يا رب.....

ممدوح في منزله وكانت الساعة السابعة مساءً...

جالس متكأ على أريكته، شارداً في تلك الفتاة التي رآها عند مدحت، وسلبت عقله وقلبه، فهو من وقت أن رآها؛ وهو مشغول البال بها، ولا يستطيع التفكير في دونها، يريد معرفة ما وراء الحزن الكامن بعينها، يريد التقرب منها ومعرفتها.

وكان ذلك الوقت هو موعد قدوم مدحت، وعندما رأى ممدوح شارداً هكذا سأله: مالك يا ممدوح في أيه، في مشكله في الشغل؟؟

رد ممدوح: هند يا مدحت، من وقت ما شوفتها عندك في الشركة، وأنا مش عارف أبطل تفكير فيها، غامضة كده، وتحس أول ما تشوفها أنك مشدود ليها، وأنها بتسحبك ليها.

ضحك مدحت وقال: أها قول بقي إنك وقعت في الحب.

ابتسم ممدوح وقال: تفنكر يا مدحت؟ أنا كان بيتهيألي إني عمري ما احب، ولا هقابل حد يشدني بالشكل ده، بس من وقت ما شوفتها مش عارف أيه اللي جرائي، أنت تعرف عنها حاجة؟؟

رد مدحت: الصراحة لا ما عرفش عنها حاجة، بس أكيد هعرفك، بس اللي أقدر اقولك عنه من خلال تعاملها معاها إنها محترمة.

رد ممدوح: طب خلاص هستناك تقولي بقي عنها كل حاجة.....

## في منزل نواره

محمود ومازن معًا في حديقة المنزل، ومحمود لا ينطق بحرف..

لاحظ مازن هدوء محمود وقال: مالك يا محمود فيك أيه؟؟

رد محمود: متخائق مع وعد، بص أنا هاحكيك وتقولي أنا صح ولا غلط....

وظل يحكي لمازن وبعدما انتهى قال له: ها بقي أيه رأيك؟؟

رد مازن: بصراحة يا محمود أنت اختارت الحد الغلط اللي تاخذ بكلامه؛ لأنني مش بثق في حد، وأنت عارف وأكيد هقولك إن تصرفك ده صح.

رد محمود: الله عليك يا مازن أعمل أيه أنا دلوقتي؟؟

وطارق كمان قالي إنه لو مكاني كان هيعمل كده، أيه بقي؟؟

رد مازن: طب بقولك أيه ما تقعد معاها وتديها فرصة تانية، وشوف لو حصل موقف تاني يبقي خلاص.

رد محمود: هحاول وأشوف هقدر ولا لأ....

نواره ونرمين في الغرفة، وكل منهما شاردة في تفكير عميق، رن هاتف نواره

ألو أزيك يا وعد....

ردت وعد وصوتها منهار من البكاء: الحمد لله يا نواره محمود عامل أيه؟

ردت نواره باستغراب: الحمد لله أنت مالك، صوتك معيط في أيه؟؟

ردت وعد: محمود فهمني غلط، وزعل مني، وواخذ موقف ومش راضي يرد  
علنا، وأنا مش عارفة أعمل أيه؟؟

ردت نواره: طب بس بالراحة أحكي لي أيه اللي حصل؟؟

ردت وعد: هحكيك يا نواره بس ساعديني وخلي محمود يكلمني.

ردت نواره: أكيد هساعدك يا وعد.

عادل في كامل أناقته، يحمل في يده حقيبة صغيرة، بها مجموعة من الهدايا  
وفاكهة، وعند وصوله أمام منزل نواره رن الجرس.

استقبله محمد: أهلا وسهلا يا بني نورت افضل.

دلف عادل وجلس في الصالون، وعينه تبحث عن نواره في كل مكان.

أسف جدًا يا عمي إني جيت من غير معاد، بس أنا بصراحة جاي عشان  
أطلب إيد نواره بنت حضرتك.

رد محمد: لا أنت تيجي تشرف في أي وقت يا عادل، وموضوع نواره ده خلينا  
نتكلم فيه بعدين.

مديحة بفرحة: أهلا يا بني نورتنا وشرفتنا، وبعدين هو أنت غريب، أيه كل  
ده اللي أنت جايه.

رد عادل: دية حاجات بسيطة يا نينه، وهدية بسيطة لنواره، يا رب تقبلها.

ردت مديحة: يا حبيبي كلفت نفسك.

رد عادل: ولا كلفت نفسي ولا حاجة، والله أنتوا مقامكوا أكبر من كده بكتيبير.

نظرت مديحة لعهد بعينها تقول شوفت...

نظر إليها نظرة فهمت منها أنه يريد منها أن تنصرف...

ذهبت مديحة لتخبر نواره ونرمين ومازن ومحمود؛ حتى يلقوا التحية على عادل

وبعد خمس دقائق بدأ كل من محمود ومازن والبينات في الدخول، وقاموا جميعهم باللقاء السلام على عادل، وتحدث الجميع معه باستثناء نواره، ظلت صامتةً تراقب الحديث...

نظر إليها عادل وقال: مش بنتكلمي ليه مضايقة من وجودي؟!!

ردت نواره بغيظ منه؛ لأنها شعرت أنه يريد إحراجها: لا خالص أنا بس ما بحبش اتكلم كتير، وبعدين أنا كده كده ها قوم لأنني عندي مدرسة بكره بدري، بعد إذتك.

وقامت وقالت لوالدها: تصبح على خير يا حبيبي.

رد محمد بابتسامة: وأنت من أهل الخير يا حبيبتني.

شعر وقتها عادل بالإحراج؛ فاستأذن وغادر.

بعدها غادر قالت مديحة لعهد: عجبك يا محمد اللي بنتك عملته ده؟!!

رد محمد: بنتي ما غلطتش في حاجة، هو اللي غلط أنه جه من غير معاد،  
وكمان جاي متأخر مش معاد زيارة ده، بقولك أيه يا مديحة، هي مش ريحتك  
وقالتك إنها موافقة تعقد معاه، لو سمحت ما تغصبيش عليها في حاجة تاني.

ردت مديحة: ماشي يا محمد بس أعتقد من كلامك مع الولد شايفه كويس ولا  
أيه؟

رد محمد: أه كويس، بس مش المهم أنا شايف أيه، المهم نواره، وبص لمازن  
ومحمود وسألهم: ولا أنتو أيه رأيكوا؟؟

رد محمود: أيوه يا بابا حضرتك كلامك صح، طبعا هو كويس بس المهم  
نواره.

وأكمل مازن: مضبوط يا ماما المهم نواره تشوفه كويس، وتوافق عليه.

مديحة: ماشي كلكوا اتفقتوا علنا صح.

رد محمد: لا طبعا بس احنا كلنا يهمننا مصلحة نواره.

يلا بقي ندخل احنا كمان ننام؛ عشان هنصحي بدري نشوف شقة نرمين  
وحمدي

**في صباح اليوم التالي**

كانت نرمين مع حمدي ومحمود ووالدها، في شارع مصطفى محمود في  
وسط البلد،

وعندما وصلوا البناية سبقهم حمدي؛ ليستدعي البواب: يا عم جميل، عم جميل..

خرج عم جميل من غرفته: أيوه يا باشا.

رد حمدي: هات مفتاح الشقة عشان نشوفها.

رد عم جميل: حاضر يا باشا.

أحضر المفتاح وصعد معهم؛ ليفتح الشقة؛ دخلت نرمين وهي تشاهد الشقة، تتخيل حياتها مع حمدي وعند روبيتها المطبخ؛ تخيلت نفسها واقفة على الموقد ترتدي مريول المطبخ رافعةً شعرها، وتضع (ميك أب) خفيف، وتعد الطعام، وتتفاجأ بحمدي وراءها يضع يده على عينيها، ويهمس في أذنها بأحلى كلمات الحب، ويحملها ويقبلها من خديعة، قطع خيالها صوت يقول: نرمين أنتِ أيه سرحانة في أيه؟؟؟

ردت لا ولا حاجة يا بابا مش سرحانة، أيه رأي حضرتك في الشقة؟

رد محمد: والله يا حبيبتي الشقة حلوة، أنتِ أيه رأيك؟؟

ردت نرمين: أنا كمان شايفة أنها حلوة، وبصت لمحمود بتسأله بعينها....

رد: حلوة يا حبيبتي ربنا يجعلها مبروكة، علنكوا وتقضوا فيها أيام كلها فرح وسعادة.

ابتسمت نرمين قائلته: عقبالك يا حبيبي أنت ووعد.

رد بحزن: إن شاء الله...

اقترب حمدي من محمد وقال: يعني خلاص يا عم محمد ناخذ دية؟؟

رد محمد: خلاص يا حبيبي طالما عجبتك و عجبت نرمين..

قال حمدي: طب يا عم جميل قول للحاج إبراهيم إني هاجي أمضي معاه العقود انهارده.

وغادرو بعدها وأخذهم محمد إلى مطعم مشهور في وسط البلد واستضافهم، وقال: ده بمناسبة الشقة يا ولاد ربنا يبارككم في بعض يا رب.

رد حمدي: ربنا يخليك لينا يا عم محمد، أنا عاوز أطلب من حضرتك طلب.

رد محمد: اتفضل يا حبيبي.

قال حمدي: أنا كنت عاوز نتجوز السنه دية، وكنت ناوي أعمل لنرمين أحلي فرح، بس مش هقدر أعمل فرح عشان أبويا؛ ففكرت أننا بدل ما نأجل نعمل كتب كتاب في مسجد الشرطة، وأخذ نرمين بعدها ونسافر. ممكن؟؟

رد محمد: يا حبيبي دية حاجة ترجعلك أنت وهي، أنا موافق.. ووجه سؤال لنرمين: رأيك أيه يا نرمو.

ردت نرمين: اللي تشوفوا حضرتك يا بابا.

ضحك محمد وقال: طالما اللي تشوفوا حضرتك؛ بيبقي موافقة خلاص على خيرة الله، مبروك يا ولاد.

في منزل نواره

مديحة في المطبخ تعد الطعام

ونواره بغرفتها تدرس، اقترب موعد الامتحان....

دلف مازن غرفتها، وقال: بقولك أياه يا نواره عندي خبر ليك ممكن يفرحك.

باستغراب قالت: خير خبر أياه ده؟؟

رد: قابلت انهارده حتة بنت زي القمر بجد، حاولت أكلمها مرضيتهاش تكلمني خالص.

ردت نواره: قابلتها فين دية يا مازن

رد مازن: كنت أنا وطارق ومنصور وحماده في الأزهر بارك، وقابلتها هناك، كانت مع إخواتها أو أصحابها مش عارف.

المهم بقولك حاولت معاها كذا مرة، وما كلمتهاش، بس صاحبها بقي أدتني عنوانها وقالتي إنها مش بتكلم حد خالص..

عارفه هي دية اللي أنا بدور عليها، هي دية اللي تنفع تبقي مراتي، مش البنات الثانية.

ضحكت نواره وقالت: طب وأنت عرفت منين يا مازن إنها ما بتكلمش حد، مش يمكن تكون عملت كده عشان توقعك؟!!!

رد مازن: لا يا بنتي شكلها بنت محترمة، وبعدين أخوك خبرة ويعرف يفرق، بصي خلاص أنا قررت، أنا هاخذ بابا ونروح نطلبها من أهلها.

ردت نواره: خلاص يا حبيبي مبروك ويا رب تكون فعلاً بنت كويسه، احنا كلنا ها نفرح لما ترتبط بجد، وتبطل اللي بتعمله ده.

ابتسم مازن وقال: شكلنا كده كلنا ها نفرح مع بعض، أنت وعادل، ونرمين وحمدي، ومحمود ووعد، وأنا والبنات اللي شوفتها انهارده.

ردت نواره: أنا وعادل دية مش أكيد.

بعد رؤية محمود لشقة نرمين

ذهب يقابل وعد في الجامعة، وعندما قابلته وعد قالت: محمود أنا كنت متأكدة إنك مش ها تظلمني أكثر من كده.

محمود بجديّة: أنا عمري ما ظلمتك يا وعد، بس ها ظلمك بجد لو كملت معاك، لأنني ما بقتش واثق فيك، وأنا ما ينفعش ارتبط بيك وأنا مش واثق فيك 1000% مش هتبقي مبسوطه معايا وأنا مش هبقي مبسوط...

نظرت وعد والدموع تنهال من عيناها، و بصوت كاد يخنقه البكاء: أنت كده مش بتظلمني يا محمود؟؟؟ عملت أيه أنا عشان ما تبقاش واثق فيا؟؟؟

عملت أيه عشان تسبني؟؟ أنت عمرك حبتني؟؟

أنت ما حبتنيش يا محمود، لو حبتني ما كنتش طول الوقت تبقي شاكك، طول الوقت عاوز تبقي معايا عشان ما حدش يكلمني، ماكنتش عمرك ها تظلمني...

رد محمود متأثراً بحديثها: أنا ما حبتكيش!!! أنا ظلمتك!!! أنا عمري ما ظلمتك يا وعد ومش محتاج أفسرك، وفكري زي ما أنت عاوزة، بس افتكري إنني كنت محافظ عليك، وعمري ما خبيت ولا كدبت عليك، ومضحكتش عليك يا وعد، ولما قولت بحبك كنت واثق إنني بحبك، وما زلت بحبك بس مش هقدر أكمل معاك، دية مش أول مرة ليك يا وعد، خبيتي علنا قبل كده موضوع إسلام؛ وسامحت وعديت، وقولت مش مشكلة، بس المرة دية مش قادر ومش هينفع.

وعد بآلم: يعني خلاص يا محمود؟!!

رد: أيوه خلاص سلام.

وذهب تاركًا خلفه وعد، تركها غارقةً في ألمها وحرزنها.... لم تستطع تحمل تلك الصدمة وحدها.. هاتفت هدير قائلًا: هدير تعاليلي دلوقتي أنا محتجالك أوووي....

### في منزل نواره

نواره ومازن على مائدة الطعام منتظرين، قدوم محمد ونرمين ومحمود، وكانت مديحة منشغلة بتحضير ما طاب من الطعام.. سمعت صوت يقول: يا ماما ما تعميليش حاجة تعالّي بقي، بابا جاب الأكل معاه.. قالتها نواره.

مديحة تتساءل.. أيه بقي سبب العزومة الحلوة دية يا محمد؟

محمد: ده بمناسبة إن الشقة عجبتنا، وأنا عزمت نرمو وحمدي ومحمود، فكان لازم أعزمكم أنتوا كمان، طول عمرنا مش بناكل حاجة من غير بعض.

جلست نرمين معهم على المائدة، تصف لهم الشقة، تتحدث بحماس وفرحة، واصبحت الفرحة التي تملأ قلبها بداخل قلوبهم جميعًا...

وبعد انتهائهم من تناول الطعام؛ قامت نواره جلست على رجل محمد، وقالت: قولي بقي يا حبيبي، حاسس أيه كده وخلاص قربت تجوز نرمو كده؟؟؟

ضحك محمد وقال: تفتكري حاسس أيه؟؟

ردت نواره: أكيد مضايق؟!!

رد محمد: لا مش مضايق ممكن أكون زعلان شوية؛ لأنها هتسبني بس فرحان جدااااا بفرحتها.

ابتسمت نواره وقالت: أه يا بابا أحلي حاجة فعلا فرحة نرمين، أنا كمان فرحانة أوووي إنها فرحانة، ونفسي تفضل مبسوطه كده على طول.  
وأثناء حديثهم جاء محمود، يظهر على ملامح وجهه الحزن، الذي يعترى قلبه.

نظر له محمد وتساءل: مالك يا محمود في إيه؟؟

رد محمود: مفيش يا بابا شديت أنا ووعد وسيبتها.

رد محمد باستغراب: ليه كده يا محمود ليه كده يا بني، البننت كويسه وبتحبك، وأنت بتحبها.

رد محمود بحزن: يا بابا من فضلك، أنا مش قادر اتكلم دلوقتي، ومش هرجع عن قراري، أنا مش هرجع لوعده.

نظر له محمد بتعجب وقال: خلاص يا محمود بعدين نتكلم، ادخل أنت ريح دلوقتي...

دلف محمود إلى غرفته، وبداخله حزن وألم، استلقى بجسده على فراشه، وكاد يغلق عينه..

رن هاتفه رد محمود.. الو.. مين؟

أنا هدير يا محمود أنت ما سجلتش رقمي؟

محمود: لا وهسجله ليه؟؟

هدير: عادي يعني.. المهم في أيه؟ وليه سببت وعد؟ أنت عارف ومتأكد إنها بتحبك..

محمود: لوسمحتي يا هدير ما تكلمنيش عن وعد تاني خالص، أنا أخذت قرار، ومش هرجع فيه، عاوزه نتكلم نبقي فريندز أوك غير كده لأ...

ممدوح في مكتبه وأمامه لص قاتل، يتحدث معه محاولاً معرفة ما حدث أثناء انهماكه بالعمل؛ تفاجأ بهند أمامه في المكتب..

نظر ممدوح بدهشة وطلب من العسكري أن يأخذ المجرم المائل أمامه..

وقال: أهلا وسهلا اتفضلي، خير مدحت حصله حاجة؟!!

ردت هند: لا أبدا يا أستاذ ممدوح، أستاذ مدحت كويس، أنا جيت لحضرتك لأنني محتاجة من حضرتك خدمة..

رد ممدوح: أه طبعا أنتِ تومري أقدر أخدمك ازاي؟

ردت هند: صاحب الشقة مضايقتنا، وكل شويه يعمل مشاكل مع والدي، وأخر حاجة عملها خلي ناس يضايقوني، وأنا راجعة من الشغل.

رد ممدوح: طب وهو بيعمل كده ليه؟!!

ردت هند: احنا ساكنيين إيجار قديم، وهو عاوزنا نسيب الشقة؛ ويدينا مبلغ قليل ويخليها إيجار جديد. ووالدي مش موافق، وأنا جيت لحضرتك لأن أستاذ مدحت قال لي إن حضرتك هتساعدني.

ممدوح باهتمام: أكيد طبعًا، أنا هجيبه هنا، وهخليه يمضي على محضر عدم تعرض، ولو عمل حاجة تاني؛ أنا هشوف شغلي معاه.

ردت هند: متشكرة جدًا يا أستاذ ممدوح.

وما أن وقفت حتى تغادر قال لها.. طب استني هوصلك متمشيش لوحدك.

نظرت إليه باستغراب: مش عاوزة اتعب حضرتك.

رد: ولا تعب ولا حاجة، أنا هوصلك وبعدها هرجع، وابعت لصاحب الشقة؛ واعمله محضر عدم تعرض، ولو حصل أي حاجة تاني كلميني، وأخرج كارت به الأرقام الخاصة به وقدمه لها....

مازن ومحمود متكئين سويًا على الأريكة يتبادلان الأحاديث، ويروي مازن لأخيه ما حدث عندما رأي تلك الفتاة قائلاً: بص هي حاجة يا محمود ما تتوصفش؛ بنوتة قمر وتقيلة أووي يا محمود، أنا هتجنن عليها، أنا مفيش ولا واحدة عملت معايا كده قبل كده، بص أنت تيجي معايا دلوقتني نقول لبابا، ونشوف هنروح نتقدملها أمتي.

رد محمود: يا بني هو أنت تعرف عنها أي حاجة، طب نسأل عليها الأول وبعدين نشوف....

رد مازن: بقولك أيه خلاص أنا اختارت، هي دية اللي أنا عاوز أكمل معاه، يلا تعالي معايا،

وذهب محمود مع مازن حتى يحدثا والدهما، وعندما دلفا إلى الغرفة؛ وجدا  
محمد يتحدث في هاتفه قائلاً: أيوه تيجي تنور يا عادل خلاص هنستناكوا بكره  
على الغدا... سلام.

عندما أنهى المكالمة؛ نظر لمحمود وقال: ها بقيت كويس دلوقتي.

رد محمود: أه يا بابا الحمد لله.

هو مين اللي جاي بكره؟؟

رد محمد: عادل وأهله أكيد جايبين عشان أختك.

مازن : طب يا بابا أنا عاوزك في موضوع...

محمد: موضوع أيه يا مازن خير.

مازن: أنا يا بابا عاوز أخطب بنت زي القمر، نفسي أخطبها..

محمد: طب نسأل عليها الأول؟؟

مازن: ماشي يا بابا نسأل عليها، أنا هسأل عليها بكره، وهنروح نتقدملها بعد  
بكره.

محمد باستغراب: أنت مستعجل كده ليه يا بني!!

رد مازن بحماس: عجبتني وشكلها محترمة، مش زي البنات اللي عرفتهم.

رد محمد: ماشي يا مازن بس اسأل الأول.

وبعدها أدار وجهه ناحية محمود وسأل: وأنت عامل أيه مع وعد؟؟

محمود: أنا سببتها يا بابا خلاص، ومش هكمل معاها، ومن فضلك يا بابا ماتحاولش تتناقش معايا في الموضوع ده.

محمد: خلاص اللي يريحك يا محمود. بس أهم حاجة ما تظلمهاش يا بني عشان ما تندمش.

محمود: حاضر يا بابا

وعد في غرفتها متكئة على فراشها، جميع الخطابات التي كانت بينهما تقرأها، ومع كل حرف تبكي حبها، تتذكر ما كان بينهما، وكيف انهار بسهولة.

دلف معتز، ووجدها تبكي، اقترب منها: مالك يا حبيبتى بتعيطي ليه؟؟

وعد: محمود قرر إننا نبعد عن بعض، ومش عاوز يكمل، كل ده عشان شاف ولد زميلي بيكلمني، وعرف بعد كده إنه كان بيحبني، وحلفتله وقولتله إني كنت كل مرة بيكلمني فيها بصدده، وبرزوا مصر على إنه يسبني، وبيقولي أنه ما بقاش واثق فيا..

معتز: طب وأنتِ تعيطي ليه، بصي مش محمود صاحبي، وأنا بحبه، بس مش أغلي عندي منك، اللي بيبعك بعينه، ومتيقش عنله، ولا يستاهل دمة من دموعك؛ طالما أنتِ يا حبيبتى مغلطي، وإن شاء الله ربنا هيكرمك باللي أحسن من محمود ويحبك ويقدرك.

واقترب منها وربت على يدها بحنان: مفيش حاجة في الدنيا تستاهل إنك تعيطي عسانها.

وعد: ربنا يخليك ليا يا معتز، وما يحرمنيش منك أبدا يا حبيبي.

## إلوم التالى في منزل نواره

العائلة مجتمعة ومعها عائلة عادل، يتحدث الجميع يتناولون أمورًا شتي، وقطع حديثهم عادل بطلبه من والد نواره: عمي أنا أتشرف لو حضرتك قبلت تجوزني نواره، وأوعدك يا عمي إني هسعدھا، ومش هخليها محتاجة حاجة أبدًا، وهكمل تعلمي.

محمد: يا بني أنت ممتاز وما نقدرش نقولك لأ، بس نواره لسه في ثانوية عامة، وعندها امتحانات، وعاوزه تدخل كلية وتكمل تعلمها، يعني احنا ممكن نتكلم في الموضوع ده بعد ما نواره تتدخل على الأقل الجامعة....

عادل: يا عمي أنا هخليها تكمل تعلمها معايا في البيت، يعني نتجوز وأنا وهي نروح الجامعة مع بعض. وندرس سوا ونساعد بعض، أنا مستعجل وكل حاجة جاهزة عندي، الشقة موجودة وفلوس العفش جاهزة.

محمد: طب أنا مش هرد عليك دلوقتي، يا عادل نكمل كلامنا وقعدتنا، وإن شاء الله يومين وأرد عليك.

والله يا حاج محمد عادل هيتجنن على نواره من وقت ماشافها، ويحبها جدًا وهيسعدھا، قالها والد عادل..

محمد: اللي فيه الخير ربنا يقدمه.

واستكملوا حديثهم وبعد ساعة غادروا، وظل محمد يفكر فيما طلبه عادل، ولم يستطع أخذ قرر.

استدعي نواره وسألها: حبيبتي أنتِ رأيك أيه في الكلام اللي قاله عادل؟؟

نواره: مش عارفه يا بابا أنا مش عاوزه اتجوز دلوقتي، وهو شكله مستعجل، أنا أصلا مش حابه موضوع الارتباط ده كله.

رد محمد: أيوه يا حبيبتي بس أنتِ كده كده مسيرك للجواز. والولد كويس وأهله كويسين، ونعرفهم يعني مش هيقدر يزعلك، وأنا نفسي اطمئن عليك، وتبقي مع واحد ميزعلكيش، ولا يهينك.

ردت نواره: خلاص يا بابا اللي تشوفه أنا موافقة.

رد محمد وقالها: خلاص يا حبيبتي على خيرة الله، كمان يومين هكلمهم واقولهم إني موافق ونفرح بيكي أنتِ ونرمين مع بعض.

ردت نواره: ماشي يا بابا.

غادرت نواره غرفة والدها، ودلفت غرفتها، وظلت تفكر وتحدث نفسها متساءلة.. يا تري هتبسط ولا لأ. يا تري فعلا عادل ده كويس، وهيعرف يخليني أحبه.. هيجليني أكمل تعلمي ولا لأ

أسئلة كثيرة تدور بذهنها، ولم تجد لها إجابة. وهي شاردة هكذا اقتربت منها نرمين، وقيلتها على خدها وقالت: مبروووووك يا جميل عرفت من ماما إنك قولتي لبابا إنك موافقة خلاص.

ردت نواره: الله يبارك فيك يا نرمو

بس أنا بقي مش عاوزه أفكر في حاجة دلوقتي، أنا عاوزه أركز في المذاكرة عشان الامتحانات...

ردت نرمين: صح يا حبيبتي معاكِ حق، وربنا معاكِ يا جميل، وتجيبني  
المجموع اللي نفسك فيه يلا هسيبك أنا عشان تذاكري...

وخرجت نرمين وأمسكت هاتفها لتحدث حمدي

ألو.

رد حمدي: ازيك يا حبيبتي.

ردت نرمين: الحمد لله يا حبيبتي.

أنت عامل أيه، وأخبارك أيه عندي خبر حلو ليك.

رد حمدي: أنا الحمد لله يا نرمو، طمنيني خبر أيه؟؟؟

ردت نرمين: نواره وافقت على العريس اللي متقدملها، وهو عشان مستعجل  
هنعمل فرحنا مع بعض.

رد حمدي: بجد مبروووك ألف مبروك، قوليلها بقي حمدي بيقولك مبروك.

ردت نرمين: الله يبارك فيك يا حبيبتي.....

بالمرة بقي قوليله إني هخطب أنا كمان إلومين، دول يلا عشان يباركلي أنا  
كمان،

نظرت نرمين خلفها؛ وجدته مازن قالت له: بجد يا مازن ألف مبروك يا  
حبيبتي أكيد هتخطب سماح صح؟

رد مازن: لا طبعا سماح مين يا بنتي، مش واحدة من اللي تعرفوهم، دية  
واحدة تانية خالص.

حمدي: قوليله مبروك يا حبيبيتي وربنا يا رب يكثر من أفرحكم.

أسيبك أنا مع مازن، ولما تخلصي معاه كلام كلميني؛ عشان عاوز أقولك على حاجة مهمة...

ردت نرمين: خير يا حمدي في أيه؟؟؟

رد حمدي: حبيبيتي اقعدى مع مازن وبعدين هكلمك.....

ردت نرمين: في أيه يا حمدي قلفنتي مش هقفل غير لما اعرف في أيه؟؟

حمدي: نرمين يا حبيبيتي اسمعي الكلام، وأنا ساعة وهكلمك يلا سلام

نرمين: ماشي سلام يا حمدي.

أنهت نرمين المكالمة، وبداخلها قلق وعدم طمأنينة، وظهرت على ملامح وجهها تلك المشاعر.

نظر مازن إليها وقال: أيه يا بنتي مالك في أيه مش كنتي كويسه من شوية؟

نرمين: في حاجة حمدي عاوز يقولها ومتردد، وأنا قلقانة تفتكر عاوز أيه؟؟

ضحك مازن وقال: عاوز أيه أكيد هيقولك نرمين الظروف مش مضبوطة معايا؛ هنضطر نأجل الجواز السنة دية، عادي ده الطبيعي بتاع خطيبك.

نرمين بغیظ: كده يا مازن أنت بتتريق، ماشي ليك يوم.

ضحك مازن وقال: ماشي طب والله هتشوفي، وكلامي هيطلع صح.

نرمين: ماشي المهم مين بقى اللي أنت ناوي تخطبها دية؟؟ مين اللي قدرت

توقع مازن؟؟

رد مازن: حنة عسلىة يا نرمو، بنت أمورة ومحترمة، ومارضىيتش تكلمني  
وسألت عليها أهلها ناس كويسين، هما أربع بنات وليهم أخ ولد، ومحدث فيهم  
متجوز، هي الوسطنية بس أنا متأكد أنكوا هتجربوها.

ضحكت نرمين وقالت له: أما نشوف، أصل أنت بتجيبنا ناس فلة بصراحة،  
أحسن واحدة في اللي عرفتهم واحنا حبناها سماح.

رد مازن: لأ والله هتجربوها يا نرمو وبكره تشوفي، المهم بابا فين عشان عاوز  
أقوله ونروح نتقدم لها بكره.

نرمين: بابا في الأوضه أدخله بقي وقوله، وأنا هكلم حمدي أعرف في أيه؟؟  
تركها مازن ودلف إلى غرفة محمد.

وأمسكت هي الهاتف لتتحدث للمرة الثانية مع حمدي...

حمدي طمني في أيه مش قادرة أستني ساعة أنا؟؟

رد حمدي: يا حبيبتى مفيش حاجة مش عارف أنتِ قلقانة ليه؟؟ أنا كنت بس  
عاوزك تتكلمي مع ماما وبابا، وتتفقي معاهم عشان ننزل نشوف العفش،  
ونتجوز بقي يا حبيبتى.

ضحكت نرمين وقالت: بجد يا حمدي، عارف أنا كنت فاكركه إنك هتأجل  
تاني، ومازن كمان قالى إنك هتأجل.

ضحك وقال: حتى مازن لا يا ستي مفيش تأجيل تاني، ده أنا هتجنن عليكِ.

ضحكت وقالت: طب بس بقي عشان أنا بتكسف، يلا هفقل معاك وأقول ل  
بابا وماما؛ وأشوف هيفضوا أمتي عشان ننزل نشترى العفش.

بعدها أنهت حديثها دلفت المطبخ لتخبز مديحة.

نواره منهمكة بدراستها لا تعري اهتماماً لشيءٍ آخر دون مستقبلها، ومرت الأيام وانتهت اختبارات نواره.. وكان في ذلك الوقت محمود منهمك في عمله، ولا يفكر سوي به، وتمت خطبة مازن وهديل، ونرمين أنهت كل ما ينقص منزلها الجديد..

ويوم ظهور نتيجة نواره؛ زارهم عادل وطلب من محمد أن يذهبها سويا ليريا العفش؛ حتى يتسنى لهما أن يعقدا قرانهم مع نرمين وتمت الأشياء سريعاً، وتم توضيب منزل نواره الجديد.. وقدمت للجامعة؛ لتكمل نواره دراستها وينفذ عادل الوعد الذي قطعته....

## يوم عقد القران

أحلي عروستين نرمين ونواره، كانت الفرحة تملأ قلب نرمين، ويملاً القلق قلب نواره، لا تدري ماهية ما تقدم عليه... انقسم الزفاف لنوعين من المشاعر....

زفاف ملئ بالفرح والبهجة وفرحة، تعتري قلوب العروسين نرمين وحمدي وزفاف اسماً فقط مع نواره وعادل، و بعد انتهاء الزفاف....

في منزل نرمين....

عندما دلفت إلى منزلها، نظرت لزوجها والفرحة تملأ قلبها وقالت: أخيراً يا حمدي أنا مش مصدقة.

نظر حمدي بحب وحملها بين ذراعيه، وقال: أخيراً يا قلب حمدي، أنا كنت هتجنن عليك، ونفسي أبقى معاك في بيت واحد، وقبّل ثغرها، وقال: يلا نصلي.

توضاً سوياً وقاما للصلاة، ثم أمسك حمدي يد نرمين بحب وحنان، وقال: حبيبتي تعالي بقي عشان عاوز أقولك حاجة مهمة أوووي ابتسمت نرمين ابتسامة رقيقة، وهزت رأسها موافقةً.

ونفس الوقت، وعلى الجانب الآخر.... في منزل نواره وعادل....

عادل نظره عالق تجاه نواره، غير مصدق أنه امتلكها وأنها أصبحت ملكه: مبروك يا عروسة ردت بخوف: الله يبارك فيك.

رد: طب أيه بقي مش هتقومي كده تلبسي حاجة من الحاجات بتاعة العرايس دية

نظرت باستغراب هي لم تعرفه بعد، ولم تعتد عليه، قالت: نعم طب مش احنا المفروض نصلي الأول.

رد: ماشي يا ستي يلا نصلي، وبعدين عمليلي اللي أنا عاوزه.

أفزعها طريقة حديثه وقامت تتوضأ؛ ليصلياً سوياً وبعدما انتهت الصلاة؛ أمسكها عادل بشدة من يدها، واقترب منها وجذبها تجاهه قائلاً: بقولك أيه أنا مش هقدر استنتي...

بعد نص ساعة نهضت نواره من فراشها، تسرع ناحية الحمام، وظلت تبكي لم تتخيل للحظة، ما حدث، ما هذا الشخص هو شخص همجي، يجري وراء غرائزه، لا يعرف أدنى شيء عن المشاعر، لا يعرف حتى كيفية التعامل مع البشر، فمثله ليس لهم التعامل.. تحدث نفسها:

أنا أيه اللي عملته في نفسي ده، يا رتني ما كنت وافقت، وهي في الحمام سمعت صوته ينادي: نواره نواااااااااااره. أنا جعان يلا بقي عشان ناكل.

ردت : حاضر وهي بداخلها تشعر بالاشمزاز منه، فهذا أول لقاء بينهم في التعامل؛ جعلها تكرهه وتكره نفسها...

### في منزل نرمين وحمدي....

نرمين تستلقي على فراشها، وترجع شعرها للوراء، وحمدي يقول لها: بالذمة في جمال كده، تعرفي إني محظوظ إنك بقيتي نصيبي.

ابتسمت نرمين وقالت: أنا اللي محظوظة إنك حبيبي وجوزي.

نظر لها بحنان وقال: طب أميرتي تحب تاكل أيه.

ابتسمت وقالت: حبيبي قولي أنت تحب تاكل أيه؛ وأنا أجلك، ماما عامله أكل كثير.

ابتسم: أنا عارف يا حبيبتي، بس أنا مش هخليك تقومي من مكانك، أنتِ أميرتي أنا هجبلك الأكل لغاية السرير.

ابتسمت نرمين: حبيبي مش عاوزه اتعبك.

اقترب منها وقبل يدها: تعبك راحة.

### في منزل نواره وعادل

بعد أن تناولا الطعام سوياً، قامت نواره كي تأخذ قسطاً من الراحة؛ إذا بيد تمسكها بشدة وصوت غليظ يقول: هتروحي على فين.

نواره بخوف: هنام محتاجة أرتاح.

عادل: ترتاحي أيه انهارده مفيش راحة، ده أنا ما صدقت إنك بقيتي بتاعتي، انسي إنك تنامي إلا بمزاجي، وأمسك ذراعها للمرة الثانية بشدة وبعنف.... وبعد ساعة تقريباً....

حاولت نواره النهوض فلم تستطع الحراك فقد أجهدا وأرهقها، تشعر بألم يعتري جسدها كلما تذكرت ما حدث، تشعر بالغثيان، كرهت جسدها، وعادل بجانبها لم يشعر بشيء، قد ذهب في سبات عميق....

### منزل نرمين

بعد انتهائهم من تناول الطعام، اقترب منها حمدي، وقال: حبيبتي تؤمرني بحاجة تانية.

نرمين: لا يا حبيبي ربنا يباركلي فيك، عاوزك دايمًا جنبني، ودايمًا تبقي حنين  
علنا كده، توعدني يا حمدي.

رد حمدي: أوعدك ياعيون ونبض حمدي.

واقترب منها، وأخذها بين يده كطفاته قائلًا: الحمد لله، وناما معًا..

### اليوم التالي الساعة الحادية عشرة صباحًا

منزل نواره.... يرن جرس الباب باستمرارية....

نهض عادل من فراشه؛ ليعرف من القادم، وكان الزوار: والدته وأخوته،  
وخالته وبنات خالته ووالده.

ودلفوا يزغردون ويهللون، دلفت والدته عادل لنواره الغرفة، وقالت: أيه يا  
عروسة كل ده نوم، يلا قومي كده وفوقي، احنا بنحب الصحيان بدري.

ابتسمت نواره: والله يا طنط أنا بس عشان كنت تعبانة امبارح من الفرحة،  
وبعدين يا طنط ده لسه الساعة 11.

ضحكت والدته عادل وقالت: ماشي هعديةالك عشان أنت عروسة بس.

وقالت بصوت عالٍ: يا سعاد يا ميرفت تعالوا شوفوا شقة ابن خالتكوا.

وبدأوا يتحركون في المنزل كأنه منزلهم، ودلف أخوه إلى المطبخ، وظل  
يأكل من الطعام التي أعدته والدته نواره، وبعد مضي ما يقرب من ساعتين  
غادروهم.

وبعد مغادرتهم نظرت نواراة لعادل، وقالت: هو ده العادي عندكوا، إنهم يروحوا للعروسة بدري كده.

ضحك عادل وقال: أه وبعدين أصل أنا عملت كده في ميرفت وسعاد، وروحتلهم تاني يوم جوازهم الساعة 6 الصبح، ودخلت برضوا المطبخ، وكلت من الحمام بتاعهم، يعني دية عوايد عندنا، بكره تاخدي عليها.. المهم بقي تعالى هنا أنتِ وحشتيني.

### منزل نرمين الساعة الثالثة عصرًا

استيقظت نرمين واقفةً أمام المرآة، تمشط شعرها، وتتذكر تفاصيل ليلة أمس، ومدى حنية حمدي معها.

وجدت خلفها من يُقبلها من كتفها، ويقول: صباحية مباركة يا عروسة، حبيبتني اتبسّطت امبارح.

نرمين: طول ما أنا معاك بقي مبسوطة يا حبيبي.

ابتسم وقال: عارفة نفسي أبقى دايمًا سبب سعادتك وفرحك، نفسي الفرحة ما يفارقكيش

ردت وهي بين يديّة: إن شاء الله يا حبيبي مع بعض حياتنا كلها هتبقى فرحة وسعادة.

حمدي: طب أنا عندي ليك مفاجأة حلوة، أنا حجزت تذاكر سفر، هنقضي أربع أيام في السخنة.

فرحت نرمين وقالت بصوت تملؤه الفرحة: بجد يا حمدي ربنا يخليك ليا يا حبيبي، طب هنسافر أمتي؟

رد حمدي بكره إن شاء الله يا حبيبتي؛ عشان أنا عارف إن ماما هتيجي أكيد انها رده تتظمن.

وما لبث أن قال جملة حتى دق الباب، وكانت مديحة. فتح حمدي وقال: أهلا يا ماما نورتي

مديحة: ده نورك يا حبيبي صباحية مباركة يا عريس.

حمدي: ادخلي طب يا ماما

دلفت مديحة ومعها حمدي، واتجه حمدي نحو المطبخ، واحضر كوبًا من (البيبيسي) وكعك العروس، وقام بتقديمه لمديحة.

وبعدها خرجت نرمين، وأخذتها مديحة في حضنها وقالت: مبروووك يا حبيبتي ألف مبرووك، شكلك مبسوط، يا رب دايم يا حبيبتي.

يلا همشي أنا بقي عشان أروح اطمن على نواره، وأنا واخواتك هن بقي نجيلك في السبوع إن شاء الله.

وقبل رحيلها، وهي على الباب؛ أخبرتها نرمين عن السفر، وطلبت منها أن تبلغ نواره سلامها.

غادرت مديحة وطول الطريق تدعو لهما، أن يبارك الله زواجهما

وعندما وصلت عند نواره، رنت الجرس، واستقبلتها نواره، وكان ظاهرًا على ملامحها التعب، وشعرت من عينيها أنها بكت، أخذتها في حضنها، وقالت: حبيبتي أنت كويسه.

ردت نواره: الحمد لله يا ماما، تعالى افضلي، وأثناء دخولها جاء عادل يستقبلها.

ألقي عليها التحية بفتور، خلاف حمدي تمامًا، ولم تشعر منه بترحاب مثلما فعل حمدي.

نظرت إليه وسالته: مالها نواره يا عادل؟؟؟

رد بعدم اهتمام: مالها ماهي كويسه أهى يا طنط، هي بس تلاقىها عشان ما منتش كويس، وأمى جت بدري وصحتها.

قالت باستغراب: هي والدتك كانت هنا، وكمان من بدري.

رد: أه فى حاجة إنها تيجي تشوف ابنها، وعلى فكرة هما هيجوا فى السبوع كلهم، وعمى وعماتى وعيالهم أنا عالتي كبيرة، وكلهم هيجوا بياركولى.

ردت: يجوا ينوروا وماله يا بني.

وجهت حديثها لأبنتها تسألها: نواره أنت كويسه يا بنتي.

نظرت لها نواره نظرة لوم؛ لشعورها أنها سبب حالها، هكذا هي، وقالت: الحمد لله يا ماما سلميلي على بابا عشان وحشني أوووي، هو هيجي أمتى

ردت مديحة: فى السبوع هنجليك كلنا يا حبيبتي، وأكيد محمد هيكلمك انهارده فى التلفون،

بس متبينلوش إنك مضايقة، واصبري يا بنتي، وإن شاء الله الزيارات دية هتخف، هما بس بيجوا كده عشان بياركوا، لكن بعد كده خلاص.

ردت نواره: إن شاء الله.

ردت مديحة: ماشي يا حبيبتي ربنا يهدي سرك، همشي أنا أسيبك مع جوزك،  
وها بقي اطمن عليك بالتليفون.

قال عادل: ما تقعدي يا طنط تتغدي معانا.

ردت مديحة: لا يا عادل اتغدا معاكو أيه، ينفع برضوا ده أنتوا لسه عرسان..  
يا حبيبي.

و بعد رحيل مديحة قالت نواره: يعني ما حسنتش إنك مرحب بأمي زي ما  
كنت مرحب بأهلك.

رد: يعني أنت كنتِ عاوزاني أعملها أيه، وبعدين ما أنا قولتلها تقعد تتغدا  
معانا، وهي اللي مارضيتش.

نظرت له ولم تتطق بشيءٍ فهي لا تعرف ماذا تقول... لحظتها شعرت أنها  
لا بد وأن تنفصل

وقررت..... إنها سوف تخبر والدها بعد شهرين أنها تريد الانفصال (تتطلق).

نظر إليها عادل وقال: يلا بقي قومي حضرلنا الأكل، وبعد الأكل عاوز أقولك  
موضوع مهم.

أعدت نواره الطعام، وأثناء تناول الطعام قالت له: أنا تعبانة جدًا وبطني  
بتوجعني ومصدعة.

سألها: طيب بدمتك ده وقته، خلاص قفلتي نفسي، وتركها وجلس يشاهد  
التلفاز.

دلفت نواره إلى غرفتها، وأغلقت الباب عليها، وظلت تبكي وتفكر....

تحدث نفسها: ده حتى ماهنش علده يطمئن علنا، ماطبطيش علنا، و لا قبالي ألف سلامة علنا، ما فكرش يقولي أعملك حاجة تشربيها، أو أجبلك مسكن.. أيه الإنسان اللي أنا ربط نفسي بيه ده.. يا رب انجدي من الورطة اللي أنا فيها، وأثناء حديثها لنفسها رن هاتفها، وكانت المتصلة.. نرمين.

نواره: ألو ازيك يا نرمين عاملة أيه يا حبييتي.

نرمين بفرحة: شكلي اتصلت في وقت مش مناسب.

نواره: لا ليه بتقولي كده، أنا أصلا لوحدي في الأوضة.

ردت نرمين باستغراب: لوحذك أومال فين عادل، وبعدين لما هو لوحذك مال صوتك عامل كده، أنت في حاجة مضيقاك.

ردت نواره محاولة إخفاء مشاعرها؛ حتى لا تثير قلق أختها: لا يا حبييتي أبدًا هضايق ليه بس، أنا كنت بس هنام شوية عشان صحيت بدري؛ لأن مامت عادل جت زارتنا بدري.

ردت نرمين: طمنتيني، الحمد لله يا حبييتي إنك كويسه، خلاص أنا كنت بتصل بيكي عشان اطمئن علنا، وأقولك إني مسافرة بكره، حمدي حجزلنا تذاكر للسخنة، وهنرجع كمان أربع أيام... بقولك أيه ما تفكري كده وتقولي لعادل نطلع مع بعض.

ردت نواره: لا يا حبييتي سافري أنت واتبسطي، أنا مش عاملة حسابي على السفر خالص، المهم خلي بالك من نفسك وسلميلي على حمدي.

ردت نرمين: خلاص ماشي يا حبييتي.. سلام.

وبعد انتهاء المكالمة ظلت نواراة تدعو الله أن يسعد أختها دومًا ويبارك لها في زوجها.

فقد رفضت السفر معها؛ حتى لا تلاحظ طريقة التعامل بينها وبين عادل؛ فهي لا تريد أن تكون سببًا في تعكير صفوها، تريدها دومًا سعيدة مع حمدي.

دق عادل باب الغرفة بانفعال: قافلة الباب ليه.

فتحت سريعًا: معلش كنت بغير هدومي.

رد: عادي يعني وفيها أيه لما تغيري وأنت فاتحة الباب، المهم حمدي لسه قافل معايا وبيقولي على السفر ما تيجي نساقر معاهم.

ردت نواراه: لا أنا قولتلك إني تعبانة.

رد بمنتهي البرود: أنت من أولها بتقولي تعبانة، بقولك أيه أنا ما بحبش الستات اللي كل شوية تقول تعبانة تعبانة.

ردت: هو ده ردك بدل ما تقول ألف سلامة عليك.. عامةً شكرًا أنا فهمت، وبعد كده مش هشتكليك

محمود في المنزل وحين جاءت مديحة اتجه ناحيتها وقال: ها يا ماما طمنييني نواراه ونرمين عاملين أيه؟؟

ردت مديحة وقد ظهر على ملامحها الحزن: الصراحة يا محمود نواراه حالها ما يطمئنش أبدًا بس أوعي تقول لأبوك حاجة. ونرمين مبسوفة جدًا، وهتسافر هي وجوزها.

محمود باستغراب: ليه يا ماما مالها نواراه أيه اللي حصل؟؟

ردت: هي ما حكتش حاجة، ولا اشتكتك بس جوزها رده علنا بارد، وما حسنتش إنه مرحب بيا زي حمدي، لا وكمان أمه راحتها من الصبح بدري، وبيقولي إن أهله كلهم هيروحوا يباركوله في السبوع.

رد محمود: خلاص يا ماما طالما نواره ماشتككتش خلاص، بصي هي وجوزها ما لناش دعوة احنا.. احنا نتدخل لما هي تشتكلنا.

ردت مديحة: أنت شايف كده يا محمود؟!!

رد: أيوه يا ماما طبعًا، وبعدين لما نروحها هاقعد معاها واسألها، ولو في حاجة هتكلم أنا مع عادل.

ردت: ربنا يخليكوا لبعض يا حبيبي.. طمني عليك أنت عامل أيه؟؟

رد: الحمد لله ما تقلقيش علنا كل حاجة ماشية تمام.

ردت: والشغل؟

رد محمود: كويس.. ولم يكمل حديثه فقد رن هاتفه استأذن مديحة؛ ورد

ألو هدير: فينك من يومين ما كلمتنيش

ردت: أزيك يا محمود عامل أيه؟

رد: أنا كويس أنتِ عامله أيه؟؟؟

ردت: الحمد لله معلىش ما كنتش بكلمك؛ لأنني كنت تعبانة والله غصب عني.

محمود: ألف سلامة عليكِ طب كشفتي؟؟

ردت هدير: أه شوية برد والحمد لله بقيت كويسة دلوقتي، بقولك أيه: أيه رأيك نشوف بعض بكره.

رد محمود: يا ريت أنا كنت أصلا هطلب منك كدة.

ردت: خلاص تمام نتقابل بكره الساعة 6 في سلنترو

مازن وهديل معًا في كافية

وهديل تنظر له: عارف إن أصحابي بيخوفوني منك، بيقولولي إنك هتعرف علنا بعد الجواز، وهاتخوني لأنك بتاع بنات.

ضحك قائلاً: وأنتِ رأيك أيه.

ردت: أنا واثقة في نفسي، وواثقة أنك مش هتلاقي زيي.

ابتسم: أه أنتِ أمورة بس مش لدرجة إنك تبقى واثقة كدة، أنا عرفت بنات تانية حلوين وسبتهم، أنا اللي خلاني متمسك بيكي؛ إنك محترمة وغير كل اللي عرفتهم.

ردت بثقة: مازن أنا متأكدة إنك مش هتعرف تشوف غيري.

رد: اتمني يا حبيبتي والله إني ما شوفش غيرك، وأنتِ تغيريني.

هديل فتاة من عائلة بسيطة جدًّا، ومازن يمثل لها عريس مناسب، ولا يوجد مثله، وأهلها سعداء به، فهو شاب أنيق، جاهز يمتلك الشقة، وهو من يتكفل بفرشها، وهو من تحمل تكلفة الخطبة، وسوف يتحمل تكاليف الزفاف ويغدها

هي وأهلها بالهدايا، كانت الأنظار عليها، وجميع زميلاتها يحملن الأحقاد ناحيتها.

## إلوم التالى

### سيلننرو الساعة السادسة مساءً

محمود وهدير جالسان يتحدثان سألها محمود الكثير، وأجابته إجابات مختصرة، وصمت محمود للحظات ثم قال: هدير تقبلي تتجوزيني؟؟

ردت هدير والفرحة تملأ عيونها: بنقول أيه يا محمود!!

رد محمود: بقولك تتجوزيني!!

ردت هدير: موافقة طبعًا يا محمود أنا كنت مستننية طلبك ده.

رد محمود: بجد.. طب خلاص بقي كلمي والدك؛ وخديلي معاه معاد عشان اطلبك منه.

ردت: حاضر عيوني يا محمود يلا بقي روحني دلوقتني؛ عشان أقول لبابا واستعد.

## منزل نواره

عادل يشاهد التلفاز وإذا به ينادي بصوت عالى.. نواره.. اتجهت نواره سريعًا نحوه؛ لتعلم ماذا به... قال: نواره أنا تعبان جدًا وجنبي مش قادر منه.

ردت نواره: طب ثواني هدخل المطبخ أعملك حاجة سخنة تشربها، معلش ألف سلامة عليك.

أعدت له كوبًا من النعناع الساخن، وجلست بجانبه تسقيه كأنه طفلها، وبعد أن هدأ الألم، دلف إلى الغرفة؛ لينام وأكملت نواره عملها في المنزل، وباتت تعد الطعام؛ ليتناولوه عادل ويأخذ الدواء ليشفي... استيقظ عادل، وتناولوا الطعام وانشغل كل منهما بشيء بعدها..

ثم جاء موعد نومهما، وبينما هي غارقة في النوم؛ أيقظها عادل يشكو من ألمه؛ قامت تعد له شرابًا ساخنًا يحتسيه، وظلت على هذا الحال يومين لم تتذمر أو تمل..

**في اليوم السابع....**

منذ الصباح الباكر؛ كان أقارب عادل عنده، وكل منهم يطلب شيئًا مختلفًا، وكان المنزل تحول لكافيه، تناولوا معهم الغداء؛ ثم رحلوا

أنهكت نواره من كثرة الطلبات، وكانت بمفردها لم يعرض أحد المساعدة؛ حتى عادل لم يشاركها عمل شيء، وكان هو الآخر يطلب كأنها خادمة، ولم يُسمعها كلمة شكر...

**آذان المغرب....**

دق الباب، وكانت مديحة ومحمود ومازن ومجد، وحين رأت نواره محمد؛ ألقت بنفسها بين أحضانه؛ وانهالت الدموع من عينيها؛ ضمها إليه وظل يربت على كتفها ويقول: مالك يا حبيبتى فيك أيه طمنيني عليك!!!

ردت نواره وهي لازالت في حضنه وكأنها لا تريد الخروج منه، وكأنها وجدت أمانها: مفيش يا حبيبي أصلك وحشتني أووي، ماتعودتش أبعد عنك كده، متغيبش علنا تاني يا بابا أبقي تعالى باستمرار أنت بتوحشني.

رد: بجد يا حبيبتى يعني أنت كويسه مفيش حاجة..

ردت: أه والله يا بابا.

خلاص يا حبيبة بابا هابقي أجيلك كتير ومش هبعد تاني كده.

واقترب محمود يلقي عليها التحية وقال: أيه بقي محدش وحشك غير بابا ولا أيه واحنا موحشنيكيش!!!

ردت: لا طبعا يا حوده وحشتوني أوي تعالوا انفضلوا.

وسلمت نواره على محمود ومازن ومديحة واستدعت عادل

خرج عادل من غرفته وألقى التحية ببرود تام، وجلس معهم نصف ساعة ثم قال: استاذنكوا أنا بقي يا جماعة البيت بيتكم، بس صحيت انهارده بدري ومحتاج أنام.

محمد: أه طبعا اتفضل يا بني عامةً احنا كمان هنستاذن عشان نروح لنرمين.

ردت نواره: لا يا بابا تمشوا أيه أنتوا لحتقوا تعقدوا معايا، خليك يا بابا نتعشي مع بعض.

رد محمد: لا يا حبيبتى نتعشي أيه بس، أنت اقعدى اتعشي أنت وجوزك، واحنا هنروح لأختك.

واقترب منها وقبلها وأهداها ظرفاً في يدها وقال: دية هدية جوازك يا حبيبتى. وذهب ومعه مديحة.

طب اسبقوني انتوا واستنوني في العربية عاوز نواره في حاجة، قالها محمود.

قال مازن وهو يغمز له: أيه يا معلم وقت تاني بقي، جوزها بيقولك عاوز ينام، ودول عرسان، واحنا لازم بيقى عندنا دم يلا بينا.. واقترب مازن من نواره؛ وقبلها وأهداها هو الآخر ظرفاً وقال: ودية بقي هديتي أنا ومحمود. وأخذ محمود وذهب

دلفت نوار إلى الغرفة وقالت: هو أنت ليه بتعمل كده، انا بستقبل أهلك كويس، وأنت مش بتستقبل أهلي كويس ليه، ومبتستحملش تقعد معاهم، أيه عدم التقدير ده!!!

عادل: هما اللي بيجوا في أوقات مابقاش أنا فيها عندي استعداد استقبال حد، وبلاش بقي تكبري المواضيع. بقولك أيه تعالى أقولك حاجة، وجذبها نحوه بعنف.....

## منزل نرمين

حمدي مصر أن يتناولوا العشا معاً، وذهب وأحضر كباياً وكفتةً، وبعد الانتهاء من الطعام قام وأعد لهم عصائر... وكانت جلسة سعيدة للجميع.. وسألتهم نرمين: نواره عاملة أيه؟؟

رد محمد: هي الحمد لله، بس مش عارف ليه حسيت إنها مش مبسوطه؟؟

ردت مديحة: لا هي كويسه يا محمد، وواضح إن جوازها بيحبها ماشوفتش كان مستعجل ازاي إنه يقعد معاها لوحدهم...

ردت نرمين: يارب يا ماما، ربنا يسعدها ويفضل يحبها كده على طول، ونظرت لحمدي وقالت: شايف يا حمدي مش تتعلم منه، بتقولك مستعجل إنهم يقعدوا مع بعض، مش أنت يا حبيبي عادي مش فارق معاك وضحكت...

حمدي وهو يضحك: بدمتك أنا مش فارق معايا، طب أنا مش هرد عليك، أنا هخلي عم محمد هو اللي يرد عليك، قالها وهو ينظر لمحمد.

ابتسم محمد وقال: كلنا عارفين إن حمدي بيحبك وبيموت فيك يا نرمين.

محمود: أه طبعا يا بنتي ده أنا بحكي لكل أصحابي عنكم.

ضحك مازن وقال: يا بنتي ده أنتوا أكثر اتنين خطوبتهم طولت، وكل شوية يقولك معلىش هأجل عشان الظروف، وفضلتوا مع بعض عشان بتحبوا بعض.

ضحك حمدي: كده يا مازن ماشي، هسامحك بس عشان قولت بتحبوا بعض

ضحك مازن: طب يلا بقي يا جماعة احنا طولنا أوي يلا نمشي.

وطوال الطريق، محمد شارد يفكر في نواره

يحدث نفسه: يا تري يا بنتي أنت مبسوطه، يا تري مرتاحة، يا تري فعلا عادل بيحبك وهيسعدك يا رب يا بنتي ربنا يسعدك يا رب..

حددت هدير معاد مع والدها؛ وذهب محمود ومحمد ومازن يتقدمون لهدير، وظهر الترحاب من أهل هدير، وتم الاتفاق على كل شيء، وتحدد موعد

الخطبة بعد شهر رمضان، على أن يكون أول أيام العيد... وسادت الفرحة المكان، وامتلاً قلب محمود بالفرح، ونسي بسهولة وعد، ولم يعد يفكر بها.

وهدير قطعت كل علاقة لها بوعد، وبعد تحديد موعد الخطبة قرأوا الفاتحة، وأخرج محمود علبة بها خاتم من ذهب، قدمه لهدير وقال: دية هديتي ليك يا حبيبتى بمناسبة قراية فاتحتنا.

فرحت هدير: ربنا يخليك ليا يا رب.

رد والد هدير: يا رب يا بنتي ربنا يحميك ويخليكم لبعض ونفرح بيكم

رد محمد: يا رب يا حج....

ظل شعور الغربة يملك من نواره، تشعر بالغرابة في منزلها، فقد أخطأت بحق نفسها، لم يمر يوم إلا وهي تندم على أنها ارتبطت بهذا الكائن...

وفي يوم كانت تعد الطعام قبل أذان المغرب إذا بجرس الباب، وكان القادمين محمد ومديحة، ومعهم عمال يحملون شيئاً، طلب منها محمد فتح الباب على مصراعيه: افتحي يا حبيبتى الباب كويس عشان الناس تتدخل الأنتريه ده

ردت نواره: ليه كده يا حبيبتى تعبت نفسك وكلفت نفسك.

رد: ولا تعب ولا حاجة يا حبيبتى.

جلست نواره مع محمد ومديحة تطمنن عليهم، ويطمئنوا عليها، واقترب أذان المغرب،

وقالت نواره: أنتوا تفتطروا معايا انهارده.

رد محمد: لا يا حبيبتي احنا بس نستني نسلم على عادل ونمشي على طول

ردت نواره: لا يا بابا مينفعش مش هسيبك تمشي المرة دية، وأكد عادل مش هيوافق إنكم تمشوا...

ولم تكمل حديثها حتى دلف عادل، وعند رؤيته الانتريه و محمد ومديحة قال: أيه ده، مين اللي قالكوا إنني محتاج انتريه، أنا ما بحبش حد يجبلي حاجة.

رد محمد: يا بني انتوا شفتكم كبيرة ومعندكوش انتريه، فحبينا نجيبهولك هدية.

رد عادل ببجاجة: واحنا والله مش محتاجين، عندنا صالون وسفرة، ولو كنا محتاجين كنت اشتريته. أنا مش محتاج من حد حاجة، انتوا حد قالكوا هاتوا حاجة.

نظر لنواره بغضب وقال بصوت عالي: أيه ده يا ست هانم، أنا قولت أنا عاوز حاجة...

نظرت مديحة لمحمد ليقبل شيئاً لكنه لم يفعل، كل ما قام بفعله هو الرحيل...

قالت نواره سرا: حسبي الله ونعم الوكيل، ودلفت غرفتها تبكي كعادتها.....

مديحة تبكي وتقول: حسبي الله ونعم الوكيل، ده ما هانش عليه يقول تسلم أيدكم، ولا حتى شكرًا، منه لله، منه الله. أما محمد لم ينطق حرفًا واحدًا وبقلبه ألم لا يتحملة، لا يدري ماذا يفعل، يشعر وكأن شيئاً سيحدث له، ولم تنطق مديحة سوي حسبي الله ونعم الوكيل.... لا يعلم أي منهما ما هو الحل. أقبلنا على المنزل وكل منهما يتملك الحزن قلبه.

سألهم مازن بتعجب: في أيه مالكم، أيه اللي حصل فطرتوا ولا لسه؟؟؟

روت له مديحة ما حدث، وهي تبكي.

سكت لحظات وقال: أيه ده، أيه البني آدم ده، حد يعمل كده!!

رد محمد: مش عارف يا مازن، ومش عارف أعمل أيه، حاسس إني عاجز، أنا اللي عملت كده في بنتي، أنا اللي خليتها توافق، أكيد يا حبيبتني دلوقتي بتعيط، تلاقيها مفطرتش هي كمان..

رد مازن: طب يا حبيبي متفكرش في حاجة خالص، أنا هحضرلكوا الفطار، وبعد الفطار نفكر ونشوف هنعمل أيه... وتناولوا البسيط من الطعام. وكان محمود خارج المنزل، وحين رجع وعلم بما حدث، قال: المشكله إن نواره لسه متجوزه مبقالهاش شهرين، ازاي تطلق، الناس تقول أيه.

رد محمد: مش مهم الناس المهم هي تبقي كويسه.

وأكدت مديحة كلام محمد وقالت: أيوه احنا مش عاوزينه؛ ده إنسان مش محترم، ومش بيحترم حد.

### إلوم التالى في الثامنة صباحًا...

كانت نواره في منزل محمد، جالسةً معه وبين ذراعيه، يطمئنها ويهون عليها، وقال: اللي أنتِ عاوزاه هعمله، أهم حاجة تبقي كويسه.

ردت نواره: أنا مش عاوزه أكمل معاه يا بابا؛ ده إنسان حيوان في كل حاجة، مبيفكرش غير في نفسه وبس، أنا حاسة إني خدامه ليه، أنا مش حاسة إني متجوزة، ده مبيخافش علنا، ولا بيسأل فيا لما بتعب، أنا تعبانة أووي يا بابا، خليني معاك متخرجنيش من البيت ده تاني.

ردت مديحة: مش هتخرجي يا نواره، هتفضلني معانا يا حبيبتني، المهم ادخلي أنتِ ارتاحي في اوضتك تلاقيكي منمتيش من امبارح.

ردت نواره: أبوه يا ماما أنا فعلا محتاجة أنام.

دلفت إلى غرفتها، وألقت بجسدها على فراشها، الذي لا تعرف للراحة معنً إلا به، شعرت حينها بالراحة والاطمئنان، وذهبت في سبات عميق كأنها لم تنم من قبل، وأفاقت على صوت نرمين بنقول: حبيبتي اصحي الفطار جاهز، يلا يا حبيبتي قومي.

قامت نواره من فراشها وفتحت عينها، وقالت لنرمين: أياه ده معقول أنا نمت كل ده.

ردت: أه شوفتي، أنا لما جيت ماما قالتلي إنك هنا ونايمة، دخلت عشان أصحكي قالتلي لا سببها تنام براحتها.

ردت نواره: فعلا أنا كنت جعانة نوم، وعمرى ما كنت مرتاحة كده، عمري ما حسيت بالراحة غير هنا في بيتنا.

ردت نرمين: صح معاكي حق، يلا ما تفكريش في أي حاجة وقومي ناطر.

وقامت نواره وكانت نرمين معها، ومحمود ومازن ومجد ومديحة، والعائلة كلها مجتمعة كسابق عهدها. فكان يومًا من أحلى الأيام التي تناولوا فيها الفطور سوياً، وكانوا سعداء بلم الشمل..

وجلسوا بعدها يطمئنوا نواره، وأن ما تريد سوف يحدث.

اطمأنت نواره من حديثهم، وظلت معهم أربعة أيام من أسعد الأيام، وكانت تبيت في حضن مجد حتى تشعر بالأمان والاطمئنان...

## يوم الخميس وبعد الفطار

رن جرس الباب؛ فتح مازن الباب إذا بعادل أمامه، نظر له بتجاهل وقال:  
أهلا وسهلا تفضل.

دلف عادل، وكان كل من محمد ومديحة ونواره معًا، وعندما سمعت نواره  
صوته؛ اتجهت إلى غرفتها مسرعةً.

محمد: انفضل يا عادل، أنا مش هعمل زيك؛ لأنني اتعلمت ازاي استقبل الناس  
في بيتي.

انحني عادل على قدميه؛ وقبل يد محمد، وظل يبكي ويقول: أنا اسف يا عم محمد،  
حقك علنا، أنا غلطان، أنا غلط فيك، وغلط في الحاجة، وزعلت نواره، أنا  
أسف يا عم محمد، سامحني، أنا مقدرش أعيش من غير نواره، والله ما هزعلها  
تاني، والله ما هضايقها، ولا هزعلكم مني تاني، سامحوني دية أول غلطة  
ليا....

لم يدر محمد ماذا يقول؟؟؟ يسامحه أم يطلقها.. يمنحه فرصة ثانية أم لا؟ ماذا  
يفعل!!!

استمر عادل في استرضاءه، وتقبيل يده، وتقبيل يد مديحة، ودموعه الكثيرة  
تنهال من عينه، شعر مازن بالشفقة تجاهه، وقال: يعني وعد إنك مش  
هتزلعلها تاني؟!!!

نظر إليه وشعر ببصيص من الأمل قائلاً: أه وعد مش هزعلها عمري. ووالله  
أبقوا اسألوها من ورايا بعد كده، هتشوفوا طريقي هنتغير.

وقال موجهاً حديثه لـمحمد: سامحتني يا عم محمد؟؟

رد محمد: أنا مش هقولك قراري غير لما أشوف نواره هتعمل أيه.

رد عادل: طب ممكن أدخلها الأوضة، أو حضرتك تندهلها هنا أراضيتها؟؟

طلب محمد نواره فخرجت، وعندما رأت عادل؛ أبعدت نظرها عنه، فاقترب منها، وقبل يدها ورجلها. سامحيني حقا علنا، أنا غلطان، مش هعمل أي حاجة تضايقك تاني، وعم محمد ومازن والحاجة شاهدين علنا، والله ما هضايقك يا نواره، سامحيني أنا مقدرش أعيش من غيرك...

نواره لم تجب، تشعر بالاشمئزاز منه، لم تعد قادرة على تحمل لمستته، لا تطيقه، ولا تطيق النظر إليه.... صامته ولم تجب بحرف، قالت لها مديحة تعالِي يا نواره عاوزاكي....

مديحه: يا بنتي أديله فرصة تانية، وبعدين احنا مسامحينه، شايفة هو متمسك بيك، واحد غيره كان سابك واتجوز وعاش حياته، يا بنتي الطلاق ده مش سهل أبداً، واحنا في مجتمع مبيرحتمش المطلقة، ومحدث هيسيبك في حالك، وأنت ما فتش على جوازك شهرين، يقولوا علنا أيه بس.

نواره: وأنا أتحمل ليه حاجة مش عاوزاها، عشان كلام الناس، أنا مإلى ومال كلام الناس، يا أمي محدش عايش اللي أنا عايشة فيه، أنت عارفة كويس إنني مش بحبه، وأنت قولتيله كده قبل الفرح، وقولتيله إنه هو اللي هيخليني أحبه، وهو من أول يوم كرهنني في نفسي وجسمي والجواز.

يا ماما أنا ما صدقت جيت هنا بيتنا، وبقيت جنبك وجنب بابا.

وقتها دلف والدها الغرفة وقال: حبيبتي أنا عارف إن حقك تزعلي، بس أديكي شايفة هو ازاى اعتذر، وجه على نفسه، وذل نفسه لينا كلنا؛ عشان يبحبك وعاوزك، هو بس عصبني وقال هيتغير؛ نديله فرصة تانية ونشوف.

نواره: يا بابا أنا مش عاوزاه، ولا عاوزه أديله فرصة ثانية ولا أي حاجة، كفاية وجودك جنبي أنت حبيبي وصاحبي، احنا مش على طول مع بعض، وبنخرج مع بعض كأننا اتنين بيحبوا بعض، وبندخل سينما ونتمشي على الكورنيش، يا بابا ده مبيعلمش معايا اللي حضرتك بتعمله، ده أنا ما شوفتش منه حنان ولا حب زي حبك.

محمد: يا حبيبتي أنا مش هعيشلك طول العمر، مسيرك لجوزك، وهو باقي عندك ويحبك، وأديكي شوقتي اعتذر ازاي، خلاص بقي سامحيه المرة دية، واديله فرصة ثانية.

اسكتها حديث والدها وشعرت بخيبة الأمل، بعدما ظنت أن الحياة ستعود كما كانت علده سابقاً، وأنها ستستعيد حياتها في كنف والدها... انتبه محمد لنظرات الحسرة بعين ابنته؛ فاقترب منها وربت على كتفيها، وقال بحنان: يلا يا حبيبتي ألبسي وروحي مع جوزك، وأنا هجيلك كل يوم اطمئن عندك، ونعقد مع بعض ولا هتحسي إني بعيد عنك خالص.

ردت نواره بانكسار: ماشي يا بابا اللي تشوفه.

نواره من شدة حبها لوالدها؛ كانت لا تعارضه في أي شيء، تناقشه ولكن في نهاية النقاش تأخذ برأيه لأنها تفتنح بكل قراراته.. كان محمد يجيد إدارة الحوار واقناع أبنائه، فهو من الأشخاص الذين يستطيعون التعامل مع جميع الأعمار، صغيراً كان أم كبيراً.

رحلت نواره مع عادل وظل يعتذر منها، ويعددها أن ما حدث لن يتكرر تارة أخرى.....

قام كل من محمود وهدير بتجهيز منزلهما، وشراء ما ينقصهما، وانشغل كل منهما في تجهيزات الزفاف والتحضير له...

**\*يوم إمضاء قائمة الزواج \* في منزل هدير..**

جلس محمود ومعه والده ووالدته وأخيه، وعندما أخذوا الأوراق الخاصة بالقائمة، وجدوها كالآتي:

'اتنين شبشب حمام وفتاحة بيبسي و فوطة حمام '

وما أن لاحظت مديحة ذلك؛ حتى انفعلت، ونظرت بعينها لتري رد فعل محمود، وفاجأها عدم تعلقه..

وبعد أقل من النصف ساعة استأذنوا، وأثناء الطريق ظلت مديحة تحدثه، وتقول: أيه يا بني ده، حد يكتب كده في القائمة، ما جوزت اتنين ومعملتش كده، محدش بيكتب كده يا حبيبي، الناس تكتب أوضة نوم ومستلزماتها بكذا.... سفرة ومستلزماتها كذا.... مطبخ ومستلزماته كذا.... غرفة أطفال ومستلزماتها كذا..... سجاد والأجهزة بكذا.....

أيه بقي التفاصيل دية يا بني إن شاء الله، يكتبوها ب 100 ألف، بس ما يكتبوش كده يا حبيبي ما ينفعش.

محمود: خلاص يا ماما أنا مضيت ومش فارق معايا تتكتب ازاي.

مديحة: ماشي خلاص بس ما ترجعش تسأل، وتأخذ رأي حد طالما أنت ماشي بدماعك كده يا محمود، وخليك فاكر لا أنا ولا أخواتك البنات كنا موافقينك إنك تسيب وعد، وترتبط بالبنات دية، يا رب ما تتدمش يا محمود على اختيارك المتسرع ده.

محمود: لا ما تغليقش من الناحية دية، اطمئني أنا مش هندم خالص.

ضحك مازن قائلاً: بلاش الثقة دية يا معلم؛ أحسن تشتكي في يوم، وتلاقيهم بيقولوك مش ده اختيارك.

محمود: لا بقي أنا واثق يا مازن وبكره تشوف....

مازن: ماشي إما نشوف يا كبير.

## منزل نرمين

مستلقية على فراشها يبدو الحزن على ملامحها

اقترب منها حمدي: حبيبتي مالها بس سرحانة في آيه ومش حاسة بيا؟؟

نرمين: بفكر يا حمدي مشغولة.

حمدي: مشغولة بأيه بس يا جميل؟؟

نرمين: أقولك بس ما تتريقش علما، ولا تقولي حاجة تتضايق؟

حمدي: أنا عمري اتريقت على حبيبة قلبي.

انحنت نرمين وألقت برأسها على صدره، وقالت: عاوزه بيبي وفي نفس الوقت عاوزة اتمتع معاك شوية، ونخرج ونسافر وكمان عاوزة اشتغل.

ابتسم حمدي وقال: أه وأنا كمان، عاوز بيبي بس عاوز أكثر أعيش حياتي معاك، وأشبع منك وبعدين نفكر في موضوع الأطفال ده، آيه رأيك؟؟

أجابت: خلاص طالما أنت شايف كدة نأجله يا حبيبي.

ضمها أكثر إليه وقال يداعبها: يا خرابي أحلي حبيبي بتتقال يا ناس، هتجنني بنت الأيه ببراءتها ورققتها. نرمو بقولك أيه تعالی أدلعك شوية وأحب فيك. ضحكت وأومات برأسها موافقة...

نواره وعادل يتناولان الطعام، وبعد انتهائهم أعدت نواره فنجانين من القهوة، وقالت: احنا مش هنروح بقي نشوف دراستنا؟؟

عادل: لا أنا للأسف ما قدمتش السنه دية يا نواره، خلاص خليك معايا السنه دية، ونقدم سوا السنه الجاية.

نواره: ازاى بس أنا قدمت وعاوزه أكمل، خلاص هروح أنا، وأنت قدم السنه الجاية مش لازم نبقي مع بعض يعني.

رد عادل: لا طبعا ازاى مش لازم، نواره أنا قولت هنروح مع بعض يعني هنروح مع بعض، متفتحيش معايا الموضوع ده تاني ممكن.

ردت نواره بانكسار: خلاص ماشي.

طُرقَ باب المنزل فتحت نواره..

ازيك يا حبيبتى شوقتي بقي جيتلك زي ما وعدتك، قالها محمد.

نواره بفرحة: حبيبي يا بابا، نورتنى طبعًا، أنت بقي تبات معايا انهارده.

ضحك محمد قائلاً: أبات مرة واحدة، لا أنا هعقد معاكي شوية وامشي.

تعلقت بيده، وأغلقت الباب بالمفتاح؛ حتى لا يغادر وقالت: أبدا مفيش، مش هنروح يا حبيبي أنا حبستك خلاص.

خرج عادل من غرفته عند سماعه صوت محمد، وضحكات نواره، فقد اعتاد سماع ضحكاتهما بوجود والدها، هو يعلم كم تحبه.

عادل: أهلا يا عم محمد نورتنا، أخبارك أيه وأخبار طنط ومحمود ومازن.

محمد: بخير يا حبيبي المهم أنتوا عاملين أيه مع بعض دلوقتي.

عادل: اسألها يا عم محمد أنا ما بزعلهاش خالص.

نواره: الحمد لله يا بابا احنا كويسين، بس هو مش موافق إنني أروح كليتي السنة دية؛ عشان هو مقدمش، وبيقولي إنني أأجل للسنة الجاية يا بابا ينفع كده.

محمد: خلاص يا نواره اسمعي كلام جوزك، وهو أكيد مش هيخلف وعده معايا، هو قال إنه هيخليكي تكلمي؛ يبقى أكيد هيعمل كده، طالما عاوزك تبقي معاه، خلاص هو خايف عليك، وعاوز يبقي مطمئن وأنتوا مع بعض، مش كده ولا أيه يا عادل؟

عادل: أيوه طبعا يا عم محمد، هو ده اللي كنت بحاول افهمهولها.

نواره: بس شوفت بابا قالها ازاي، طريقه عن طريقه تفرق، يا ريتك تعمل زي بابا.

عادل: أنا اتمني أتعلم منه، وأبقي زيه، بس هو في حد ممكن يبقي زي عم محمد، ما أعتقدش خالص.

نواره: أول مرة نقول حاجة صح يا عادل، فعلا محدش خالص ممكن يبقي زي بابا، المهم بقي إن عمك محمد مش راضي بيبات معانا، قوله حاجه بقي.

عادل: آيه ده ازاي بس يا عم محمد، لا طبعا أنت هتبات معانا، أنت عارف نواره بتحبك ازاي، وأكيد هتبيقي مبسوطة لو بيت معانا انهارده، وأنت أكيد بتحب تشوفها مبسوطة، صح؟

محمد: خلاص ماشي أمري لله، هبات معاكم انهارده؛ عشان نورتي حبييتي، وعشانك أنت كمان يا حبيبي.

عادل: ربنا يخليك يا عم محمد، بيقى أنزل أنا بقي اجبلنا عشا محترم كده يليق بيك.

محمد: لا يا بني أنا هاكل اللي موجود، وبعدين أنا أصلا اتغديت ونزلت، وبحب اتعشي حاجة خفيفة نواره عارفة.

نواره: أيوه يا حبيبي عارفة، بس مش هيجري حاجة لو غيرنا العشا الخفيف ده انهارده، وبعدين أنا مش هخليك تنام بعد العشا، هفضل سهرانة معاك.

ضحك محمد قائلاً: ماشي يا حبييتي خلاص اتفقنا، وعادل كمان يسهر معانا.

عادل: أه طبعا يا عم محمد، هنزل أنا اجيب الحاجة ومش هتأخر.

وبعد أن غادر عادل المنزل؛ ظلت نواره مختبئة بين ذراعي والدها، تتمني أن تظل عمرها بأكمله هكذا، فهي لا تشعر بالأمان سوي وهي بجانبه، تمتنت لو تقول له ما يخالج صدرها، لو يأخذها معه من ذلك المكان اللعين، وألا تعود له مرةً أخرى، أخبرته بما تفعل نهارًا وليلاً، وتحدثت كثيرًا وسألت: محمود أخباره آيه يا بابا.

أخبرها ما حدث في آخر زيارة، وتعجبت وازداد قلقها على أخيها، وقالت: محمود هيندم يا بابا.. هيندم جدًا مش عارفة بس ازاي يسيب وعد، ويروح يتجوز صاحبته وكمان آيه اللي أهلها عملوه ده، هو من أولها هيمشي كلامهم

يا بابا، ومش هيعترض على أي حاجة، ربنا يسترها علنه يا بابا، أنا أصلا مش مرتاحة لهدير دية خالص، اللي خلاها تخون صاحبته الله أعلم هتعمل أيه مع محمود.

محمد: بصي هو أكيد محمود اتسرع، وأكيد هيندم مع إني بتمني إن ده ما يحصلش، وإنه ما يندمش، ويبقي مبسوط، بس الصراحة البننت محترمة، وأهلها ناس محترمين، يعني أخلاقها مش وحشة، وعمرها ما هتخون أخوك.

نواره: يا بابا أنا ما قولتش إنها هتخونه، أنا أقصد إنها مش سهلة، الله أعلم ممكن تخلي محمود يتغير معانا، اللي خلاها قدرت تخده من وعد مش هتخده مننا.

محمد: لا إن شاء الله مش هيحصل كدة أبدًا، ومفيش أي حاجة ممكن تبعدكم عن بعض يا حبيبتى طول ما أنا عايش.

نوار: ربنا يبارك في عمرك يا حبيبي ومايحر مناش منك أبدًا.

وبعد حديث طال بينهما جاء عادل حاملاً ما طاب من الطعام، تناولوه سوياً وباتت نواره ليلتها مع أبيها.

وفي الصباح استيقظ محمد باكراً، وقبّل جبين ابنته بهدوء؛ حتى لا يوقظها، وترك لها ظرفاً به مبلغ مالى قدره خمسمائة جنيه، ورسالة يقول فيها:

(حبيبتى نواره كان أحلى يوم، واتبسطنت جدًا يا حبيبتى، يا بنوتي الحبيبة، ربنا يسعدك يا حبيبة بابا وأكيد هكررها تانى).

صحت نواره من غفوتها بعد رحيل والدها بساعة، رأت الظرف وقرأت الرسالة وفرحت إنها كانت سبباً في سعادة والدها، وحننت قليلاً لأنها لم

تودعه، وأسرت آتية بهاتفها تحدثه: كدة يا حبيبي تمشي من غير ما تصحي  
حبيبتك تسلم عليك.

رد محمد: يا حبيبتي مردتش اصحيك احنا نمنا امبارح متأخر.

ردت نواره: ماشي يا بابا بس هستناك تكرر ها.

رد محمد: أكيد يا حبيبتي سلميلي على عادل.

### وبعد مرور شهرين في منزل محمد..

المنزل تملؤه الزينة، وعدد لا بأس به من الأقارب، والجميع يبارك داعين الله  
أن يبارك لمحمود، في وسط تلك الفرحة العارمة، والتهايل والأغاني، تتخيل  
نواره لو أن تلك الليلة هي ليلة زفاف محمود و وعد، كما كانت تعشق حبهما،  
لم تستطع تخيل أنهما تركا بعضهما، وكل منهما له حياته، دعت الله أن يصبر  
وعد، وأن يرزقها من يستحقها.

وفي تمام الساعة الثامنة مساءً اجتمعت الحافلات لتقل أهل محمود إلى قاعة  
الزفاف، وعند وصول الأهل بدأ الاحتفال بالزفة، وكان محمود كالبدور في  
تمامه، يتراقص الجميع على أنغام الموسيقى، منهم من يدعو لهما، ومنهم من  
يحمل بقلبه حقدًا، ومنهم من يتمنى أن يكون هذا زفافه، ووسط تلك الفرحة،  
فتاة تجلس في جانب بعيد، تنهمر دموع عينيها؛ لتخبر الجميع بألمها،

وصوت بجانبها يقول: ما تعيطيش يا وعد، بكره أكيد هيجيلك اللي أحسن من  
محمود، ويقدرك ويشيلك جوه عنيه.

ابتسمت عينها الباكيان وقالت: مفيش حد أحسن من محمود يا نواره، محمود حنيت الدنيا فيه، وهدير عرفت تتضحك عنه، كان المفروض تصلح بينا، بس غدرت بيا، وأنا اللي غلطت من الأول إني دخلت حد بينا، وإني ما كنتش بحكي لمحمود كل حاجة، كان لازم أحكيه عشان ما يتفاجئش ويزعل ويسبني، لو كنت حكيت كان هيضايق بس هيسامحني في الآخر، بس أنا كنت بخبي وأخاف على زعله، وده أكبر غلط، أنا بتمناله الخير يا نواره، نفسي يكون سعيد حتى لو مش معايا، بس ما اعتقدش هدير هتقدر تسعده، يا رب يخيب ظني وهدير تسعده.

نواره باستغراب: يا اه للدرجة دية بتحبيه يا وعد، مش قادرة تقولي ولا كلمة وحشة، وكمان بتتمنيله الخير مع غيرك، أنت مفيش زيك خالص، محمود لو مكانك عمره ما كان عمل كده.

وعد: الحمد لله أنا راضية، والجواز نصيب، وواضح إن أنا ومحمود ما كناش لبعض، مكتوبلي أحبه وأتعذب بحبه، معلش يا نواره أنا همشي، مش عاوزه حد تاني ياخذ باله إني بيعيط متزعلش.

ردت نواره وهي تربت على يدها: أزعل إنتِ اللي متزعلش إننا معرفناش نعملك حاجة، وتاني هقولك ربنا هيرزقك بواحد أحسن من محمود.

انتهى الزفاف وحمل محمود عروسه المدللة إلى العش الجديد، الذي يكون في بناية والده، فقد قرر محمد أن يسكن محمود معه، وقام ببناء شقة أخرى لمامن، ليعيشوا معًا ولا يفارقهم،

وقضوا معا أحلي شهر عسل، وكانت هدير مدللة من زوجها ومن ومحمد.

تستيقظ من غفوتها لتجد الفطور جاهزًا، وقد أعدده لها محمد، يتناولان الإفطار معًا، ويتسامران ولم يرهقها محمد في شيء.

فوقت زواج محمود، هو وقت خروج محمد معاش مبكر؛ فأصبح يمتلك الكثير من الوقت، كان يذهب للمتجر، ويحضر ما لذ وطاب من طعام، ولا يرهق هدير في شيء، كان من محبي الطهي، كثير ما كان يقوم بإعداد الطعام، يجلس معظم الوقت مع مديحة، والقليل من الوقت مع هدير ومحمود؛ حتى تكون لهما الحرية.

وبرغم أن أهل محمود سكنوا شقة مازن، التي لازالت تحت التجهيز، ولكنها بنفس البناية التي يسكنها محمود..

فقد أتت الرياح بما لا تشتهي السفن.. فبعد مرور عام شعرت هدير بالاستياء، ولم تستطع تحمل معيشتها مع أهل محمود، وبدأت تفتعل المشاكل، ولم تمل، وذات يوم سمعت مديحة مشادة كلامية بين محمود وهدير، ويبدو من الحديث أنها ليست المرة الأولى.

ذهبت وأخبرت محمد بما سمعته... ظل صامتاً للحظات ثم قال: خلاص يا مديحة احنا نسيب هنا للأولاد مازن ومحمود، ونروح نعيش في شقتنا اللي في الشروق، وهما وقت ما يحبوا يزرونا ينوروا في أي وقت، واحنا نبقي نجيلهم كل فين وفيين.

مديحة: ازاى يعني يا محمد نسيب بيتنا والناس اللي عيشنا وسطهم وكل حاجة ونمشي ليه، ماهي جاية وعارفة أنها هتعيش في بيت عيلة ولا هي بقي اتتمردت.... ولم تكمل حديثها رأت نواره قادمة ومعها بناتها، وقالت: مين دية اللي اتتمردت يا ماما.

مديحة: نواره أهلا يا حبيبتى حمد الله على السلامة، وأخذت البنات حملتهم وقبلتهم ثم قالت: هدير مرات أخوكِ بقالها فترة عاملة مشاكل مع محمود، ومضايقة أنها عايشة في بيت عيلة.

انفعلت نواره وقالت: نعم ازاى يعني يا ماما، هو حد ضحك عليها، ما عمها كان يقول احنا نوديتها تخدم عندكم، دلوقتي شمت نفسها، وبعدين هي أصلا بتعمل حاجة دية مدلعة آخر دلع، أو مال لو كانت زيي، ولو كنت أنت زي حماتي، ده أنا حماتي ذلنتي عشان أتأخرت شوية في الحمل، وخلتني أروح للدكتور، وأخذ منشطات، والنتيجة أيه ثلاث تواعم ويا ريت على كده وبس، ما أنت عارفة يا ماما مش بعنت عاوزه تشوف البنات بعد ما ولدت، وحكم عليا الأستاذ عادل أروح أقعد هناك وكنت لسه والده وبخدمهم وأغسلهم وأعملهم الأكل، وأعمل للبنات الرضعة، والأكل اللي بابا كان بيجهولي كانت تخبيه وتدية لابنها مصطفى، شافت أيه هدير من اللي أنا شوفته؛ عشان تتخانق مع محمود وميعجبهاش إنها تقعد معاكوا، ده بابا كل يوم من وقت ما طلع معاش يحضر لها الفطار ويجلبها كل حاجة نفسها فيها، هي ليه بتعمل كدة، وبعدين محمود عمل أيه معاها.

ردت مديحة: محمود معملش حاجة يا نواره، الواد مبيتكلمش معاها ولا بيز عليها خالص، ده من وقت ما اتجوزها وهو بعد عنى خالص، محمود اللي كان كل حاجة بييجي يحكها لي ويقعد معايا بالساعات، مبقاش يحصل خالص الكلام ده.

ردت نواره: خلاص يا ماما احنا نتكلم معاها، ونشوف هنحل الموضوع ده ازاى.

محمد: لا يا حبيبتي ولا نتكلم ولا حاجة، احنا نروح نقعد في شقتنا اللي في الشروق، ومش هنتكلم مع حد، كده أحسن يا بنتي والله.

نواره: وتسيب بيتك ليه يا بابا بس.

محمد: عشان هو ده الصح يا حبيبتي.

نواره: خلاص يا بابا اللي تشوفه.

وقضت معهم اليوم ورحلت ليلا.....

وبعد ذلك الوقت بيومين، بدأ محمد في نقل كل ما يحتاجه هو ومديحة لمنزل الشروق، وذهبا ليستكملا ما تبقي لهما وهدهما دون أولادهما؛ حتى لا يكونا سبباً في تعاسة أحدهم، ولم يعترض أي منهم على قرر الرحيل.

(وما أن يرزقنا الله بالذرية الصالحة، نعمل كل جهدنا في سبيل راحتهم، ننسي أنفسنا وحقوقنا؛ لنري فيهم سعادتنا، ننهك صحتنا لنعمل على راحتهم، وعند الكبر واحتياجنا لهم يتناسوا ما فعلنا، ويبحث كل منهم على سعادته دون أن يبالي بمن ضحي بنفسه وسعادته لأجلهم)

مرت شهور وتزوج مازن من هديل، وأقام لها حفل زفاف حسدها كل من حضره، وبعد الزفاف سافرا ليمضيا شهر العسل في الغردقة، ومن بعدها سافرا إلى العين السخنة، كان يحب هديل كثيرا، وكان الجميع ينظر لها وبقلبه حقد.

كانت تعلم جيد ما تحمله القلوب تجاهها، وتعلم أحاديثهم من خلفها، وحتى لا تشعر بالنقص وأن مازن أفضل كثيرا منها؛ بدأت تفتعل قصصاً وهمية، وتحكي لمن يعرفهم عن العاشقين الذين رفضتهم من أجل مازن، ولكن دون جدوى فلا أحد يصدق أحاديثها.....

ومرت الأيام والسنون....

وبعد أن كانوا دوما يجتمعون سوياً بمنزل محمد في الشروق، انشغل كل منهم بحياته...

نوارة أصبح لديها بناتها ومشاكل زوجها التي لا تنتهي، وقد قررت ألا تحكي فكل مرة تشتكي وتظن أنه الخلاص، وأنها ستنال حريتها؛ يذهب عادل باكياً متأسفاً، ويقبل الأيادي حتى ينال عطفهم؛ وتعود نوارة معه.

شعرت أنه لا فائدة من الشكوى، كرس كل حياتها لبناتها اللاتي رزقها الله إياهن،

وهبت حياتها لله وللبنات، وكانت تعامل زوجها بالحسنى ابتغاءً مرضات الله؛ حتى لا تغضبه

نرمين وحمدي رزقهما الله بصبيبة مثل القمر، حياتهم مستقرة والحب بينهما يتزايد يومياً

(عند الاختيار الصحيح لشريك الدرب، عند اختيارنا الشريك الذي يشبهنا في التربية، ويتفهم شخصنا.. الشريك الذي يكمل معنا الطريق، ويكون عوناً.. حينها سنشعر بقيمة الزواج، وقيمة تلك النعمة التي منحها الله لنا، وإذا ما حدث العكس؛ فلا تلومن إلا نفسك؛ لأنك أنت من اخترت؛ فتأكد من أن تختار الشريك المناسب)

مازن وهديل أكرمهما الله بولد، والحياة بينهما سعيدة جداً، ولكن كل منهما منشغل بعمله،

محمود وهدير رزقهم الله بالبنين والبنات...

ولكن يومياً يشعر محمود بالندم؛ لأنه ترك حب عمره، واختار تلك الأفعي البشرية، من جعلته يخسر حبه، وجعلته يبتعد عن أهله. هي شخصية أنانية لا تفكر سوى بنفسها، ولكنه لا يستطيع التعامل بنفس معاملتها؛ لأنه نشأ وتربى على احترام والده لوالدته، لم يراه يوماً ينهرها أو يعنفها، كان دوماً يعاملها بالحسنى، هكذا تربى.. يفتقد معها المشاعر؛ فهي لا تعرف كيف تهتم به، أو

حتى تشعره بأنوثتها، كل ما تفكر به تغير أثاث المنزل، وتهتم بالأولاد..  
وأخر تفكيرها هو..

وسط تلك المتاهة التي أصبحت جزءًا من عائلة محمد، التي لم تكن يومًا هكذا....

الساعة الثانية بعد منتصف الليل، تستيقظ نواره على مكالمة من مديحة تخبرها بتعب والدها قائلةً: أَلْحَقِينِي يَا نَوَارَهِ الْحَقِينِي، مُحَمَّد، أَبُوكِ تَعْبَانِ أَوْوِي وروحنا بيه المستشفى، وهيجزوه ويعملوله عملية استئصال ورم بالثدي.

نواره تستمع لحديث والدته وتنهال الدموع من عينها، لم تصدق ما تقوله، ففعلها غير قادر على الاستيعاب، أفكار كثيرة بادرت ذهنها حاولت ان تتلاشاها، حاولت أن تطمئن نفسها بقولها:

بابا هيبقي كويس تعب بسيط ويروح. وأنهت المكالمة واتجهت سريعًا نحو عادل توقظه من نومه، وارتديا الثياب واخذا معهما. ديما وميرا وهنا.

ونزلا للمشفى، واجتمع - بعد غياب - جميع الأبناء، ولكن للأسف اجتماع مليء بالخوف والقلق، واقفين أمام غرفة العمليات يدعون الله أن يسترجع محمد عافيته، ويشفى تماما، تحمل نواره مصحفها، وترتل بعض الآيات لعلها تشفي ألم قلبها، الذي يعتصر حزناً على والدها ومع كل حرف تقرأه تنهال دموعها....

عادل وحمدى واقفين مع محمود ومازن، محاولين تهدئتهم، وديما وميرا وهنا ما زلن صغار، لم يستوعبن الموقف، ولكن أجواء الحزن المسيطرة جعلتهن صامتات على غير العادة.

وبعد أكثر من ثلاث ساعات، خرج الدكتور من غرفة العمليات وقال: الحمد لله العملية نجحت هو بس هيقعد معنا كام يوم؛ نعمله شوية حاجات وفحوصات، وبعدين يرجع زي الأول وأحسن إن شاء الله.

قالت نواره بلهفة: طب ينفع أدخله يادكتور أشوفه بس؟؟؟

الدكتور: عشر دقائق وهو يخرج من الإفاقة ويروح أوضته، وتقدروا تشوفوه وتطمنوا عليه.

نواره: طب ممكن يا دكتور أفضل معاه الأيام اللي هيقعدها هنا.

الدكتور: لا ما ينفعش مفيش مرافق، ممكن تيجوا وقت الزيارة وتقعدوا معاه، قالها الدكتور وذهب. عشر دقائق وخرج محمد إلى غرفته...

ودلفت نواره إليه، وجلست بجانبه على الفراش، وأمسكت يده: يا حبيبي ألف سلامة عليك، يا حبيبي يا رب تقوم بالسلامة يا رب، أنا من غيرك ولا حاجة يا بابا.

كان محمد في الإفاقة لم يفق تمامًا، ونواره بجانبه لا تريد أن تتركه، ولا زالت دموعها تنهال كأنها بحار.. نرمين على الجانب الآخر من الفراش هي ومديحة يدعوان الله أن يحفظه لهما..

دقائق من الصمت ودموع نواره ويدها في يد أبيها، أحست بأصابع يده تضغط على يدها؛ مسحت دموع عيونها، وجدته يحاول فتح عينه، وأول ما نطق به.. نواره...

ردت بحب وفرحة: أنا جنبك يا حبيبي جنبك أهو، بابا أنت كويس؟؟

رد عليها بهمس: ما تقلقيش يا حبيبتي أنا بخير ما تخافيش علنا.

اقتربت منه واحتضنته، وظلت تقبل رأسه ويده وتقول: ربنا ما يحرمينش أبدًا منك،

واقترب كل الموجودين ناحية محمد ليطمئنوا عليه.

ومرت ساعتين وطلبوا منهم الرحيل، والمجيء وقت الزيارة..

ذهب مازن ومحمود إلى منازلهم. ونواره ونرمين مع مديحة في الشروق.

يومياً نواره عند والدها في المشفى تطمئن عليه، والأولاد يوم بعد يوم.

نرمين كانت تنتهي من عملها، وتذهب لزيارة والدها، مر أربعة عشر يوماً، ومحمد بالمشفى وطوال تلك الفترة لم تتركه نواره. يوم رحيله من المشفى ذهب مازن ليأخذه بسيارته، وكان في انتظاره في الشقة هدير وهديل ومحمود ونرمين وحمدي وعادل والأحفاد. وكانت نواره مع مازن ومحمد.

وعندما دلف محمد إلى الشقة جرى أحفاده قبائله، وأخذهم بين ذراعيه، وظل يقبلهم ولا يريد أن يتركهم، وهم كذلك، واجتمعت العائلة مرةً أخرى بعد فترة كبيرة.

وظلت نواره مع والدها ووالدتها أسبوعاً آخر؛ حتى تتأكد من أن محمد قد تعافى تماماً،

فمحمد بالنسبة لنواره أب وحبیب وصديق. وقد كان كذلك بل أكثر لديما وميرا وهنا؛

فقد كانت شديداً الارتباط به، كارهات الابتعاد عنه، وهو كان شديد التعلق بهن،

وسرعان ما انتهى الأسبوع؛ وذهبت نواره لمنزلها، وعادت لحياتها مع عادل، الذي تحمل تلك الفترة على مضض، بداخله ضيق ولكنه لا يستطيع التكلم. عند وصولها المنزل؛ وجدت عادل جالساً أمام التلفاز يشاهده والصوت عالٍ، وبجانبه مطفأة السجائر مليئةً، ويده سيجارة أخري يدخنها. وعندما شعر بقدمها قال: أخيراً يا هانم افكرتي بيتك، دية بقيت حاجة تقرف.

نواره: أعتقد أنا ماكنتش بلعب يا عادل، ولا كنت في فسحة، وبعدين خلاص أنا جيت مالوش لازمة الكلام ده خالص، ده بدل ما تسألني هو عامل أيه دلوقتي؟؟

ضحك بسخرية وقال: أكيد بقي كويس؛ يعني هيبقى تعبان وهتيجي وتسبيه، عمرها ماhtحصل.

نواره: الحمد لله كويس وبخير وربنا يبارك في عمره.

عادل: يا رب، ممكن بقي تشوفي هتعملي أكل أيه عشان جعان ..

ولم يستكمل جملته بكت ديما وقالت ماما عاوزه أعمل حمام. نظر لها عادل بغیظ واقترب منها وقام بضربها وقال: أنت مش شيفاني بتكلم أيه الغباء ده. زاد بكاء ديما من الضرب، وبكي كل من ميرا وهنا خوفاً.

انفعلت نواره وقالت: بقولك أيه أنا مستحمة قرفك ده عشان البنات، إياك تانى مرة تزعلهم ولا تمد أيدك عليهم، مش هسمحك تأذي بناتي، أنا زهقت وقرفت، ولعلمك أنا مش هسكتلك تاني، أنت أيه يا أخي مابتحسش، أنت لو عندك دم أو كرامة تطلقني، مش عارفة قابل ازاي على نفسك تعيش معايا وأنا مش طيقاك، أنا بكرهك وبكره إلوم اللي جمعني بيك، منك لله حسبي الله ونعم الوكيل فيك... وكانت تلك هي المرة الأولى التي تنفعل فيها نواره.....

وكان رد عادل على ما فعلته أن نظر إليها وبدا على ملامحه القلق، من أن تتركه، فقد تفاجأ بانفعال نواره، وبدأ يهدأ واقتراب منها، وقبل يدها وانحنى على ركبتيه قائلاً: أنا بحبك يا نواره أوعي تقولي أطلقك دية تاني، أنا ماقدرش أعيش من غيرك، أنت كل حاجة ليا، أنا من غيرك ولا حاجة، حقك عليا ما تزعلش مش هزعلك تاني..

تحاول نواره إبعاد يده عنها، فهي لا تطيق أن يلامسها أو يقترب منها، ولكنه يقاومها ويقترب أكثر، ويزيد من قبلاته، التي تمثل لها قبلات جمر ملتهب، يحرقها كلما اقترب منها، وكأن اقتربه هو اقتراب اللهب، الذي تمكن من جسدها وأحرقه.

(كل فتاة تسعد بلمسات شريكها، تشعر بأنوثتها عندما يدنو قربها، وتشعر بقلبها يرتعش فرحاً، ولكن نواره لم تذق هذا الاحساس يوماً، فقد نجح عادل أن يجعلها كارة لجسدها ولكونها أنثى)

ومرت المشكلة بسلام، واستمرت الحياة بينهما على تلك الحال سنوات، كلما يفعل عادل تتفعل هي الأخرى، ويستسلم هو عند انفعالها محاولاً إرضائها، فكلما غضب وارتفع صوته ترفع صوتها؛ فيسكت في محاولة لإرضائها. ملت نواره تلك الحياة المليئة بالمشاحنات والمشاكل.

وعادل لا يجيد إدارة شيء، لا يعرف كيف يكون أباً، أو زوجاً، كان يعامل بناته بشدة مفرطة، لا يشعرهن بشيء من الحنان أو الأمان.

عندما يطالبونه بشيء يصرخ في وجههن قائلاً: أنا ماعيش فلوس حاولي تتصرفيلي.

يوم ما جاء من عمله يبدو الضيق على وجهه، وقال للبنات ونوارة: اعملوا حسابكم أنا مش هجيب لبن تاني، اللبن غلي بقي بسبعة جنيه، وأنا ماعيش فلوس أجب لبين، ولا أعلمكوا.

نوارة: أنت مش ملاحظ إنك من وقت ما تجوزنا مش معاك فلوس، ده أنت بيعتتي الشبكة من أول شهر جواز، حتى الذهب اللي أبويا جايبهولي بعته؛ عشان ناخذ الشقة اللي احنا قاعدين فيها دلوقتي، وكل شويه تقولي اتصرفيلي في فلوس، ويا ريتك بتبقي عاوز تسد لا مبتسدش، هوانت مابتشتغلش، هو الشغل ده لله يا أخي، حرام عليك أنا تعبت وزهقت، كل حاجة تجبها تندم الواحد إنه طلبها منك، وتكرهه في حياته إنه فكر يطلبها، أنت ليه مش عارف تبقي أب كويس، ليه مش عارف تقرب من بناتك وتبسطهم، حتى لو ماعكش فلوس، ماتحسسهموش بكدة، أنت ممكن تجيلوهم حاجة بسيطة، وتقولهم والله يا حبابي أنا كان نفسي أجبلكم أحسن من كدة، بس مسيرها تتعدل؛ وأجبلكم اللي نفسكوا فيه، وقتها هيفرحوا ويتبسطوا بالحاجة...

بدل ما تجيلهم حاجة غالبة وتقولهم خدوا اطفحوا أنتوا عارفين أنا جبته ازاي، تخيلهم يكرهوها ويكرهوك...

رد: يعني أعمل أيه، أسرق عشان يعجبكم، ما أنا باشتغل أعمل أيه تاني، والحاجات كل شوية في الطالع، ومصاريف المدرسة والمدرسين.

نوارة: هو ده اللي فهمتوا من كلامي، أنا قولتك أسرق، أنا بقولك ازاي تتعامل، ولو مرتب الشغل مش مكفي - مع إنني مش مقتنعة لأننا مابنصرفش زي الناس، وكل شوية تاخذ من المرتب وتقولي فلوس عليا- شوف شغل تاني، دور على حاجة تانية تزود بيها دخلك، بدل الاستلاف ده.

رد بضيق: ربنا يسهل.

تركها ودلف لغرفته، وظل يدخن سجائره، ويطلب من ديما على فترات أن  
تعد له الشاي

ديما وميرا وهنا في غرفتهن، ديما تنظر تجاه هنا قائلةً: أنا مابحش بابا ده،  
عمري ما حسيت بحنانه، وبخاف منه، عارفه أنا ببقني عاوزاه مايحيش البيت  
خالص، ونفضل قاعدين مع ماما.

ميرا: بصي أنا مش بكره بابا، بس في نفس الوقت مش قادرة أحس إنه زي  
الأبهات، ساعات بعذره وبيصعب علنا، بحس أنه مريض ومحتاج يتعالج،  
مريض لأنه مش عارف يتعامل معانا، ولا مع ماما، أصل هو واللي عنده  
كلهم كدة، ما بتشوفيش عمك بيعامل عياله ازاوي، برضوا زي بابا كدة.

فعلا احنا أحلي حاجة في حياتنا ماما، ربنا يخليهالنا وميحر مناش منها أبداً، أنا  
كمان كتير بقول يا رب بابا بيبات في الشغل؛ عشان نعقد مع ماما من غير ما  
هو يجيبي وينكد علنا...

قالت هنا بتفاؤل: بقولكوا أيه سيبكوا من الكلام ده وكبروا دماغكم، وما  
تفكروش في النكد ولا حاجة، فكروا في الحاجة الكويسة، والحاجة الكويسة  
هي ماما، واحنا نستغل الوقت اللي هو فيه مش موجود؛ ونفضل معاها،  
ونحاول نبسطها، ونحاول محدش فينا يزعها؛ عشان هي استحملت كتير  
أووي عشاننا، واحده غيرها كانت سيبته كل حاجة حتى احنا ومشيت، محدش  
في الدنيا يستحمل اللي ماما استحملته..

ميرا وديما: معاك حق يا هنا احنا فعلا المفروض مانز علهاش..

ميرا لهنّا: أنا وأنت يا هنا اللي بنزعل ماما أوقات؛ لأننا مش بنعمل معاها  
الشقة، ومش بنسمع الكلام، وأنا ببقني عاوزة أنزل كتير ارواح لأصحابي،

وأنتي بتبقي عاوزة تتفرجي على التلفزيون ومتعلميش حاجة، الوحيدة اللي بتريح ماما ديما..

ضحكت نواره وهي واقفة أمام غرفتهن وقالت: طب ما تعملوا زي ما ديما بتعمل وتريحوني أنتوا كمان.

ردت ميرا: تعالى يا ست الكل يا قمر أنتِ اقعدي معنا؛ واحنا نريحك ونعملك اللي أنتِ عاوزاه، بس تعالي وسيبك من النكد اللي برا.

ردت نواره: عارفين يا بنات أنتوا أحلي وأغلي حاجة في حياتي، أنا أصلا مستحمة كل ده عشانكم، وعندى استعداد استحمل أكثر وأكثر عشانكم؛ لأن أنتوا كل اللي ليا، ونفسي أشوفكم أحسن الناس..

ردت ديما: طول ما أنتِ معنا يا ماما وبتربينا، وبحنيتك وخوفك علنا هنبقي أحسن وأحسن، احنا كمان بنحبك أووي يا ماما وعاوزين نرضيك ونسعدك، بس أهم حاجه يا ماما أننا نحاول نتجاهل تصرفات بابا؛ عشان مش كل يوم ينكد علنا...

ردت هنا وقالت: أه يا ماما بس لما يحاول يضايقك أعلمي نفسك مش واخدة بالك، ومترديش عليه خالص ده هيستفزوا أكثر وربنا يصبرنا ويقوينا عليه يا رب....

ردت نواره: يا رب يا رب يا بنات ربنا يهدية أو بيعده عننا، يا رب يلا يا حبايب ماما أسيبكم بقي، بس عاوزاكو تذاكروا؛ عشان الامتحانات قربت، وأنا عاوزه حبايبي يجيبوا مجاميع كبيرة؛ عشان يدخلوا الكليات اللي عاوزين يدخلوها..

قالو معا: إن شاء الله يا حبيبتى ما تقلقيش علنا احنا هانشر فك.

وقامت نواره وتركت البنات كل منهن تجلس على مكتبها وتدرس....

نواره وبناتها وجدن الحب والحنان في وجودهن معًا، جفاء والدهن جعلهن يقتربن أكثر لنواره، هي بمثابة الأب والأم والصديق، وحنان نواره جعلهن يقتربن أكثر وأكثر، جعلتهن نواره يروين لها كل ما يحدث يوميًا بتفاصيله، مثلما كانت تفعل هي مع والدها...

وبعدما خرجت نواره من غرفة البنات نادي عادل وقال: أنت عاملة أكل أيه أنا جعان وهفتان.

نواره: أنا عاملة مكرونة وبطاطس.

عادل: لا أناهنزل اشترى فراخ بقولك هفتان.

نواره: وفيها أيه لما ناكل بطاطس ومكرونة، هو أنت غاوي تصرف وبعدين ترجع تقول مافيش فلوس، والحاجات الأساسية ما تجيبهاش.

رد: بقولك أيه أنا نازل، وهجيب اللي قولتلك عليه.

وخرج عادل ليحضر الطعام الذي يريده، وكان هذا هو حاله؛ يحضر ما يريد هو، لكن طلبات البنات ونواره لا يستجيب لها، وينفعل ويضيق صدره، ويقول جملة المعتادة: أجيلكم منين ماعيش فلوس... وأثناء امتحانات الثانوية العامة..

نواره كانت دوما تحمس بناتها وتساعدهن وتشعرهن بالطمأنينة؛ حتى لا يفزعن من كابوس الثانوية العامة.

لم تضغط يومًا على أي منهن لتذاكر، بلي كانت هي الدافع الذي يجعلهن يدرسن؛ حتى يكن سببًا في سعادتها.

## \* يوم اختبار مادة الانجليزي \*

تدرس البنات في غرفتهن، واعتادت ميرا أن تكتب وهي تذاكر.... رأها عادل تكتب هكذا صفعها باليد على وجهها وقال: أنتِ بتعملي برشام، عاوزه تغشي ويعملوك محضر غش، والله لاتصل بعمك أقوله إنك غشاشة مابتذكريش ليه؟؟

ردت ميرا وهي تبكي من شدة الألم والخوف: والله يا بابا أنا بذاكر، أنا أصلا مابعرفش أغش، يا بابا أنت بتظلمني، ماما ماربتتيش إني أغش.

دنا قربها ليضربها مرة أخرى: أنتِ كمان بتردي علنا.. وما أن اقترب ليصفعها حتى اقتربت نواره؛ وأبعدهه وقالت: حرام عليك أنت بتعمل كدة ليه، بتتك على البنات وعندهم تاني يوم امتحانات، حرام عليك اللي بتعملوا في بناتك ده، أنا مش مسمحاك، والله ما مسمحاك، وأفوض أمري فيك لله.

وأخذت ميرا بين ذراعيها؛ تحاول أن تهدئها: متزعليش يا حبيبتي أنا واثقة فيك، واثقة أنك ما بتعمليش برشام، أنتوا كلكم شاطرين، وهاتجيبوا مجموع، وتدخلوا الكليات اللي عاوزينها، وظلت نواره بغرفة البنات ليلتها تحاول إصلاح ما أفسده عادل؛ حتى تستطيع البنات أن تذاكر في هدوء نفسي.

أثناء فترة الامتحانات، ظلت نواره تشجع البنات وتحمسهن وتدعمنهن.. وعادل تارةً يعاملهن بالحسنى وتارةً يسئ معاملتهن.

انتهت الامتحانات وظهرت النتيجة؛ ونجحت البنات بتفوق، وكل منهن قدمت في الكلية التي تريدها... ميرا كلية آثار، وهنا... كلية آداب قسم علم نفس، وديما.. كلية صيدلة.

والجميع كان ينظر لنواره ويحمل بقلبه حقداً ناحيتها؛ ويحسدها على تفوق بناتها، وكانت ديما أكثر بناتها عرضةً للحسد.

بسبب حديث عادل المستمر عنها، كان دائماً يُحدث العاملين معه عنها، وعن تفوقها، ولكنه كان يضيف لحديثه الأكاذيب، قال إنها تدرس في كلية الطب، وليست الصيدلة، وأنها حافظةٌ للقرآن الكريم، ومعها سيارة، وهذا غير صحيح، فقد كان عادل من محبي المظاهر، ويجيد إقناع العاملين معه بما يريد، يرتدي أمامهم قناع الأب الفاضل، الذي يحب بناته، ولا يريد من الدنيا سوي سعادتهن، وأنه سهر وتعب لأجل راحتهن..

وعندما علمت ديما بكذب والدها، وقوله إنها تحفظ كتاب الله، وتدرس الطب؛ تحدثت إليه سائلةً: ليه يا بابا بتقول كدة، أنا ما دخلتش كلية وحشة، عشان تقول إنني دخلت طب، ليه يا بابا كدة

رد بضيق: اسكتي أنت.. أنت مش فاهمة حاجة، المهم لو أي حد سألك؛ قولي إنك في طب عشان ماطلعنيش كداب.

ردت ديما: لا يا بابا أنا مش هكلم حد أصلا من عند حضرتك في الشغل، لأنني مش هكذب، ومقدرش أطلع حضرتك كداب....

رد: يكون أحسن برضوا.

دلفت ديما لغرفتها حاملةً قلبها ضيقاً والماء، هاتفته جدها وروت له ما حدث.. ظل يهون ما بها، وأخبرها بشيء جعلها فرحةً وخرجت سريعاً من غرفتها لتخبر نواره: ماما جدو جاي انهارده، وهيبات معانا كمان، وبعدها خالتو هتيجي هي وولادها، وخالو محمود عشان يحتفلوا بعيد ميلادنا زي كل سنة.

ابتسمت نواره وقالت: طب فكري معايا بقي يا ديما نعمل أيه لجدو انهارده...

ردت ديما: نعمله الأكل اللي بيحبه، يلا يا نورتي يا قمر، وأنا هنادي ميرا وهنا؛ عشان نساعدك هما هيفرحوا أوووي إن جدو جاي انهارده...

ونادت ديما للبنات ودلفن للمطبخ مع نواره؛ يساعدها، ميرا وهنا متكاسلتين  
كعادتهما، أما ديما فهي من تعمل بكل جهد.

أثناء انهماكهن بالمطبخ دق الباب؛ اسرعت ميرا نحو الباب فتحت لتري  
أمامها محمد، ألفت بنفسها بين ذراعيه، وظلت تقبله وتقول: حبيبي جه، وحشني  
أووي يا جدو أعمل حسابك هتبات معانا كدة أسبوع أسبوعين مش هنمشيك  
من هنا.

ضحك محمد: يا سلام بس كدة، أنتِ تؤولري يا حبيبة قلب جدو وعيونه..

سمعت نواره صوت الدها أسرع نحو، واحتضنته ونظرت ليديها وقالت:  
أيه يا بابا ده كل مرة تيجي تكلف نفسك كدة، مش كفاية يا حبيبي الشهرية  
اللي بتبعتهالي أنا والبنات.

رد محمد: حبيبتي طول ما أنا عايش هعمل كدة، هو أنا عندي كام نواره و كام  
ديما وميرا وهنا.

ردت ميرا: صح يا جدو واحنا كمان معندناش غير جدو واحد، ربنا يخليك  
لينا يا حبيبي يا رب جدو علوزه أخذ رأيك في حاجة.

رد محمد: قولي يا حبيبة جدو.

حكيت له ميرا عن موقف أغضبها من صديقتها وقالت: الدنيا بقت وحشة  
أووي يا جدو

رد محمد: لا يا حبيبتي الدنيا مش وحشة؛ الناس هي اللي وحشة.

ردت ميرا: طب نعمل أيه في الناس الوحشة دية يا جدو.

رد محمد: متتعاملش معاهم يا حبيبتي خالص.

قالت: حاضر يا حبيبي.

وظلت ميرا مع محمد تدلع وتقبله والتم جانبه احفاده وظل معه وباتو ليلتهم معه في الفراش

وفي اليوم التالي، اجتمع كل من نرمين وأولادها، ومحمود وأولاده، ومديحة، اجتمع الجميع بببيت نواره؛ ليحتفلوا بعيد ميلاد هنا وميرا وديما. احضر محمد لكل بنت خاتماً من ذهب هديةً،

ومديحة كانت دوماً تهديهن ما قد تحتاج إليه الواحدة منهن في بيتها، بعدما تصبح عروساً. فقد كانت تقوم بتجهيز البنات من خلال هدايا أعياد ميلادهن.

ومحمود ونرمين كل منهما أعطي للبنات مبلغاً من المال ليتصرفوا به كيفما شئن، وأهدتهم نوره مبلغ مالى، وأعدت لهم تورتة في غاية الجمال، وقضوا يوماً عائلياً جميلاً.

### بعد شهرين من عيد الميلاد

تعب محمد وذهب للمشفى مرة أخرى، وتم احتجازه هناك، وكانت نواره تذهب إليه يومياً؛ تزوره وتمضي معه الوقت، حتى يأتي محمود أو مازن، وتكرر ذلك طول مدة احتجاز محمد. كان قلب نواره قلق فهي دونه لا شيء، لا تعرف للفرح معني سوي بوجوده، وهو من يشعرها بالأمان والسعادة، هو من يعطيها الحب هي وبناتها.

حتي يوم 3/20 صباحاً.

كانت ميرا مع أصدقائها في جامعة عين شمس، وديما هنا بالمنزل يهاتفن ميرا بين الحين والآخر ليستعجلن قدومها، حتى وصلت ونظرت إليهما وهي تساءل: في أيه مالكم عمالين تتصلوا تتصلوا أيه الرخامة دية؟؟؟

ردت هنا: جدو مات يا ميرا.

ميرا غير مصدقة: أنتِ بتقولي أيه، أنتِ بتتكلمي بجد، جدو مات، نظرت نحو ديماء قلبها يكاد يتوقف نبضه، ديماء جدو مات بجد؟؟!!

ردت ديماء باكيةً: أيوه يا ميرا مات، أنا ما كنتش مصدقة.. دعاء صاحبتى اتصلت بيا الصبح وقالتلي البقاء لله، قولتلها في مين، سابت السماعه وقالت لوالدها دية شكلها ماتعرفش إن جدها مات وقفلت، ولما سمعتها بتقول كده اتصلت بالمستشفى، وسألتهم على جدو وأكدولي إن جدو مات، أنا مش مصدقة يا ميرا.

تستمع ميرا لحدثها غير مستوعبه، ولا تريد تصديق ما قالته، تتساءل وتحدث نفسها:

معقول جدو مات، ظهري انكسر خلاص مابقاش في أمان، يعني مش هشوفه تاني، مش هترمي في حضنه، مش هحس حبه وخوفه وقلقه طب ازاى....

حملت صورته بين يديها، وظلت تحدثه قائلة.. جدو أنا مش هشوفك تاني، جدو أنت وحشتني، تلعثت الأحرف على شفيتها؛ وانهارت في البكاء، باتت لا تستطيع الكلام، قلبها يعتصر الماء وحزناً لفراق السند والروح.

كان محمد هو روح بيتهن، هو الحياة لهن، هو معنى الأب والصديق، لم يعرفن للأب معنً سوى منه..

ظلت تبكي هي وأخوتها متمنين أن يكون ذلك كابوساً...

## في المشفى صباحًا.

نواره وهي في طريقها للمشفى كانت قلقة، وقلبها منقبض، تشعر بخنقة تتملك منها، وعند وصولها وجدت محمود واقفًا خارج غرفة والدها، ويدها ترتعشان ويبدو على ملامحه القلق سألته: في أيه؟؟؟

قال: بابا تعبان والدكاترة كلهم عنده، وأنا مش عارف في أيه.

ردت بقلق وخوف: ماله بس امبارح كان كويس، ووشه منور وطول الوقت كان بيقول الله ربي، والاسلام ديني ومحمد صلي الله عليه وسلم نبي ورسولي.

رد محمود: مش عارف في أيه.... رن هاتف محمود لكنه كان لا يستطيع الرد، ومازالت يدها ترتعشان.

والأطباء يدخلون ويخرجون، وتضاء المصابيح الحمراء، فجأة خرج الطبيب وقال لهما: البقاء لله.

انهارت نواره وقالت: أنا ما كنتش عاوزاه يجي المستشفى دية. وأسرعت نحوه واحتضنه الحزن الأخير، تبكي ودموعها تنهال على خده، تبكي روحها التي فقدتها، تبكي رفيقها، تبكي أمانها وحماتها تبكي الحنان.. نظرت لوجهه رآته منيرًا كالشمس، ظلت تبكي وتنهال الدموع بحارًا لم يعد لها سوي الشقاء من بعده، رحل عنها طبيبها رحلت عنها الابتسامة..

أمسكت كتاب الله وظلت تقرأ وهي محتضنة والدها وظلت تقبل رأسه...

أخذ الطبيب محمود حتى يهدئه، لأنه انهار تمام ولم يستطع أن يتمالك.

لحظات وكان جميع الأهل في المشفى، نرمين ومازن ومديحة وأخواتها.

الجميع حزين، أخذوه جثمانه؛ ليتم الغسل، وصعدت نواره العربية معه، ولم تتركه وقالت من يقوم بغسل والدها، وطلبت من مازن ومحمود أن يدلّفا معه ليحضرا غسل والدهما، وبعد إتمام الغسل، ذهبت العربية وخلفها جمع غفير من العربات، كأنه زفاف عروس، ذهبوا في طريقهم للمقابر، وكانت السماء تمطر كأنها تبكي فراقه.. وبعد إتمام الدفن وأثناء دعائهم قال الداعي: اللهم بدل سيئاته حسنات.

رد أحد المتواجدين: هو ده عنده سيئات، ده عمره ما عمل حاجة وحشة، ده كل حاجة حلوة كان بيعملها وماكنش بيسيب حد.

### أثناء أيام العزاء

كلما أتى أحد ليقوم بأداء واجب العزاء يروي موقفاً، وعمل خير قدمه محمد له، ولم يعرف عنه أهل محمد شيئاً.

منهم من قال: ده ساعدني في وقت ما كنت محتاج..

ومن قال: ده اداني فلوس عشان أجهز بنتي...

ومن قال: عمره ما سبني..

حكايات كثيرة لأول مرة يعلموا بها، ورأوا بأنفسهم حب الجموع لو الدهم.

**\* الإنسان سيرة فحافظ دوماً أن تكون سيرتك خيرة \***

نواره حزينه قلبها ينزف دمًا، ودموعها لم تقف يوماً هي وميرا وديما وهنا.

فمجد بمثابة الحنان والحب، هومن عوضهم عن جفاء عادل وقسوته. كأن الدنيا في لحظة تلونت باللون الأسود القاتم.

ظلت نواره لمدة عام كامل في حالة يرثي لها، كانت الحي الميت.

ابتعدت عن بناتها وعن الجميع، لا تحدث أحدًا، ترفض الحياة بعد وفاة والدها، تمنت لو تذهب له، تمنت الموت لتكون معه، لا تفكر سوي به تقرأ له يوميًا ما تيسر من القرآن.

كانت البنات مقدرات لحالة نواره؛ لأنهن يعلمن جيدًا مدى تعلق نواره الشديد بوالدها،

بينما عادل كان على النقيض؛ فلم يستطع استيعاب ما تمر به نواره، وكان كثير الشكوى، ولكن دون جدوى، رغم حديث أخواتها لها، لم يستطع أحد إخراجها من تلك الحالة..

وفي يوم بعد مرور عام على وفاة محمد، استيقظت نواره مقررة أن تشفق على بناتها ونفسها، وترجع كسابق عهدها معهن، وأن تحيا مادامت قد كتبت لها الحياة.

بدأت تمارس حياتها الطبيعية مع بناتها، وحددن وردًا من القرآن تقرأه يوميًا لوالدها، وتذهب لزيارته كل جمعة، وفي كل زيارة لها تجلس وتحدث معه، وتنهال الدموع من مقلتيها..

شعرت بأن وفاة محمد قد كسرتها، لم يعد لها أحد، فهو الشخص الوحيد الذي كان يشعر بها وبآلامها، لم يكن أحد يستطيع أن يغضبها أثناء وجوده.

ابتعد الأخوة وانشغل كل منهم بحياته....

ذهبت نرمين وجلست مع والدتها بالمنزل بعد وفاة والدها، وكانت دومًا هي ونواره على اتصال

لم يحدث في حياة نواره أيّ تغييرٍ، طوال الوقت مشاكل وخلافات

ففي يوم ما عند عودتهم من خطبة ابن عمّة نواره، رن هاتف عادل، وكانت الساعة الثانية ليلاً، رد عادل وسمعت نواره صوت فتاةٍ تتحدث بغنجٍ، وعندما أنهى المكالمة سألته: مين دية يا عادل، وازاي تتصل ببيك في وقت زي ده؟؟؟  
رد عادل: دية عاملة عندي في الشغل.

نواره: يعني أيه؟؟؟ وازاي تتصل في وقت متأخر كدة، هي مش شايفة الساعة كام؟؟ وبعدين واضح من كلامها إنها واخده عنك أووي، وبتقولك يا عادل كدة من غير ألقاب، أنت أيه يا أخي مش هتبتل، هتفضل طول حياتك ترمرر كدة، أنا زهقت وقرفت من حواراتك دية، أنا مش عاوزه أكمل معاك.

رد عادل: حصل أيه عشان كل ده، عاملة عندي وبتسأل على حاجة، محصلش حاجة يعني، بقولك اهدي كده وصلي على النبي.

نواره: أنا هادية وبقولك طلقني، أنا ما بحبكش، أنت ازاي قابل على نفسك تعيش مع واحدة ما بتحبكش.

رد بهدوء: أنا بقي بحبك، ومش هسيبك، تصبحي على خير.

وتركها وذهب لينام....

وبعد فترة أصبحت نواراة تأتيها رسائل من أقدر ما يكون، عن علاقة عادل بتلك العاملة، و كانت تأتي له رسائل تهديد، واجهته نواره بالرسائل؛ وأنكر كل شيء.

وقال: ده حد قاصد يضايقيني، ويخرب بيتي.

تقبلت نواره تلك الأكذوبة؛ لأنه أصبح لا يفرق معها، ولأنها تأكدت من أنه لن يطلقها يومًا، أو يعطيها حريتها، وأصبحت تشعر بالسعادة مع بناتها، وعندما وجدتهن يشعرن بالسعادة؛ رضخت لتلك الحياة، وكانت لا تترك بناتها، وباستمرار تزور والدتها ونرمين.

بعد أكثر من أربع سنين؛ اكتشفت نواره ما لم يخطر لها ببال، اكتشفت كارثة، وبسبب تلك الكارثة تم الانفصال بعد معاناة دامت خمس وعشرين عامًا.

بعد انفصالها لم يتركها عادل بحالها؛ بدأ يرسل لها رسائل بها إهانات وتهديدات، ويتحدث عنها بكلام مسيء، ورفض تمامًا أن يصرف قرشًا واحدًا على بناته، وابتعد عنهن....

شعرت نواراة بالراحة بعد انفصالها عن عادل، واعتبرت يوم انفصالها عنه يومَ مولدها، كانت فرحتها وقتها لا توصف، فرحت سجين حُكِّم ببراءته....

هي وديما وهنا وميرا كن طائرات من الفرحة؛ فقد حدثت أشياء كثيرة منه تعتمد فيها إيدائهم.. ولكنهن كن يستعين بالله، يدعوهن دائمًا، واستجاب الله دعائهن ولم يخذلهن.

### بعد الانفصال بعام

تقدم لخطبة ديما شابٌ يحبها كثيرًا، كان معهن وقت انفصال نواراة عن عادل، وكان على دراية بسبب الانفصال، كان يساندهن ولم يتركهن، ويبعد عنهن

أي أذى، محاولاً ذلك قدر استطاعته، امتلكت ديمًا قلبه واحببته، واملت قلبها، اعتبر ميرا وهنا أخوته؛ يخاف عليهما ويحميهما ويحافظ عليهما، ويعتبر نواره والدته وصديقه.

فرحت نواره به كثيرًا، فقد كانت تتمني شابًا مثله لديمًا، تمت الخطبة وبعد خمسة أشهر كان الزفاف.

اليوم الذي لا ينسى من الذاكرة.

الأخوات الثلاثة معا في الكواوير، ديمًا تشعر بقلق وخوف وفرح، مزيج من المشاعر المختلفة، وميرا كانت تركز على أختها؛ تريد لها أن تكون بدرًا، بداخلها شعور بالفرحة والحزن، هذه أول مرة يبتعدن فيها، سوف تتركهما ديمًا وتذهب لمنزلها، وكانت هنا طائفة من الفرحة.

وقالت: افرحوا بقي أخيرا الفرح دق الباب، من غير ما يكون فيه نكد، على فكره يا ديمًا أنت زي القمر، نسخة من أنغام ما شاء الله عليك يا بخته بيك.

ضحكت ديمًا وقالت: يا بختنا احنا الاتنين ببعض.

ردت ميرا: ربنا يباركلكم يا حبيبتي، ويخليكم لبعض، ويرزقكم الذرية الصالحة.

وجاءت نواره ونظرت لبناتها الثلاث، ودمعت عينها وقالت: الحمد لله ربنا يباركلكم فيكوا يا أجمل وأحلى بنات، ويجعل يا رب أيامكم كلها سعادة، ويرزقكم أزواج صالحين، ويباركلك يا ديمًا يا بنتي ويحميك يا رب.....

طبعاً النهاية مفتوحة لأنها حياة مستمرة، أسألكم الدعاء لنواره وبناتها، ولكل  
اللي يشبه نواره

اعذروني إني مقولتش سبب الانفصال آيه، لأن صاحبة القصة طلبت مني ما  
أقولش.....

نصيحة لكل الأهالى (بلاش تغضبوا على أولادكم الزواج، بلاش توافقوا من  
غير ما تعرفوا الشخص كويس، وتعرفوا أهله وتربيته ازاي، وربنا يبارك  
للجميع في أبنائه).